

PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY

PL

248

G84I3

1896

Gürpınar, Hüseyin Rahmi
'İffet

622

18/310

۲۴۳
پاسی ۲ غروشد

عفت

حسین رحمی

محرری :

معارف نظارت جلیله سنک و خستیه

اقدام غزته سنه تفرقه ایدلد کدن صکره آیریجه کتاب
صورتنده دخی تمیل ایدلشدر

درسعادت - اقدام مطبعه سی

۱۳۱۴



Gürpınar, Hüseyin Rahmi

— عفت —

حسین رحمی

محرری :

Iffet

معارف نظارت جلیله سنک و خصتیه

اقدام غزته سنه تفرقه ایدله کدن صکره آیریجه کتاب
صورتنده دخی تمثیل ایدلشددر

در سعادت - اقدام مطبعه سی

۱۳۱۴



PL
248
G84
189

حقیقیون مسلک نه اقتدایه او غراشوب
« زولا » ی کنډیلرینه پیشوا عدایدن شبان
اهل قلم بوروماندۀ عادیات حیاته دائر دور ودراز
تفصیلاته مصادف اوله میه جقلرندن طولای بلکه
محررینه قارشو مؤاخذه تنزلنده بولنورلر .
ادبیات عثمانیه مزى فرانسنزادبیاتیله نسبته
قالقششق مساحهٴ مرمره دکزیله اوقیانوسی بر
ظن ایلمک درجه سنده فاحش بر خطا اولور .
« سفیلر » ک « ژهرمینا » لردن « لادام او -
قاملیا » لرك « نانا » لردن مقدم اولدقلرینه باقیلور
وکونشک بر بلده نك افق شرق قیسندن عرض
چهره ایلمدکجه ذروه کمال اولان سمت الرأسه

اعتلا ایدہ میہ جکی دوشنیلور ایسہ «ره آلزم» •
 رزمین تہیہ ایتک ایچون ایشہ ہیچ اولمز ایسہ
 «رومانتیک» لکی اوقشار بر وادی معتدلدن
 کریشمک لازم کله جکی خصوصندہ ہیچ بر
 دور اندیش ، ہیچ بر صاحب انصاف تردد
 ایله مز . بناءً علیہ شو نظام طبیعیہ اتباعمزدن
 طولایی شایان مؤاخذہ کورلمہ یزظن ایدرم .
 فرانسه قدمای شعرا سندن بو والونک :
 « بعض حقیقت اولور که حقیقتہ بکزه مز »
 مآلندہ کی مصراع مشہوری فہواسنجه بر
 قعہ نک نوادر دن اولمسی حقیقیہ کنی مغل اولہ مز .
 مع هذا بور ومانک منی علیہی سراپا حقیقتدر .
 مترافہ لزوم کورلمیان بر نقصانی وار ایسہ
 وده محرورینک عجز کلیسندن عبارتدر .

اقصرای : فی ۵ مایس سنہ ۱۳۱۲

حسین رحمی

١

۱۳ سنه سی ایلوی اواسطنه طوغری
 برنجشنبه کونی ایدی که ساعت یدی بچق راده -
 لرنده بارد اقلردن بوشانور کی شدتلی صغناقلر
 ایله باشلایان بر یاغمور طوفاندن نشان ویرن
 سیلاری ولوله قیامت اندیران هول انکیزشمشک
 کومبور تیلریله طاملری، سوقاقلری صو ایچنده
 براقوب هر طرفی صار صدقدن ایکی ساعت صکره
 میل سکونت اولشدی . یاغمور ک دینمسنی متعاقباً
 سماده کی بلوطلر مرکز لرینه طوغری قویو
 سنجابی و محیط لرینه طوغری قار کی بیاض
 جسم کتله لره بالانقسام کثافتلرینی یواش یواش
 غائب ایدوب بیک درلو عظمتلی شکلر آله رق
 اطراف جووه طوغری اوچو شدقلرندن
 لاجوردی سما اورادن بورادن کائناته عرض
 ابتسامه باشلادی .

انسان، اجزا سندن بولندينى طييعتك كوستر -
 ديكي تبسملرايله متبسم، ينه او مادر بيقراراك شدايد
 انفعالاتيله محزون، مايوس اولور سريع التاثر
 عاجز بر مخلوقدر. انسانك هر كوني ايجنه
 طوغدينى تجليزاراك، ميانه سنه داخل اولدينى
 عالم كشمكشك، تنفس ايلديكى هوانك ابداع
 انعامنه ويا خودسرد نحو ستنه معروض بولندينى
 ايجونميدر نه در بيلم؟ كوكم تلون روزكاره
 تبعاً بك چابق متحول و متاثر اولور.

طييعتك آزر مدت اولكى جوش خروشى،
 قيامتها طراقلرياه وعشه ناك وهراسان اولان
 وجودمدهكى اوتعب غمگينانه يي كيدر مك ايجون
 طويقبو، يدي قوله و مرمره تكزينه طوغرى
 نظارت شامله سى بولنان يازى او طه مك پنجره سنه
 اتكاء ايله اطرافى تماشا يه طالدم.

نزول ايدن باران طاملرى تميزله مش، بوشانان

سیلار سوقاقلری سپورمش اولدیغندن کره میدلر،
 طاشلر بشوشانه بر نظافتله صانکه باقانک یوزینه
 کولیور ایدی. بر ایکی ساعتدر صودن قرباجلر
 آلتنده خریالنه رق کندیلرینه بر مأمن ارار کی
 صاغه صوله چرپندان اغاجلرک یاپراقلری بر قاج
 آیدن بریدر سطحلرینی استیلا ایدن غباردن
 قورتیهلر رق اوزرلرندن هنوز تجر ایتماش
 بولنان قطرات ماء ایلله - کونشه قارشى زمردلری،
 پرلانتهلری طونوق براقه جق التماعلر
 کوسترمکده ایدی .

هر ورقپاره اشجارک سطح راطیبلله کره
 شمسی تنظیره چالیشیر کی مظهر تجلیات اولدینی
 شو هنکامده روزکار براز اولکی شدتندن
 ندامتنی کوسترر بروزان آهسته ایلله مشعشع،
 یشیل اطلاساره برونمش ظن اولنان اشجاری
 نواز شکارانه تحریکه باشلادیغندن نازنینانه برادا

ایله صالحانان دالارک بعضارندن اره صره برالما سپاره
 یو وارلانهرق سقوط سریمی ائناسنده اندیشه لی
 اهتزاز لرله برقاج دفعه دهها پارلادقدن صوکره
 عدمه دوشن برحسن، وهاله سونن برامید کبی
 طعمه خاك اولور و یا خود که بری بیوک دیکری
 کوچک فقط ایکسی ده تجایزار حیات اولان
 ایکی کره کبی بربرینه قاریشوردی .

اسن او خفیف روزگار سماده عظمتله طیران
 ایدن بلوطلری آهسته آهسته شهرک افق غریبینه
 طوغری سوروب کوتوردی . برمدت صوکره
 میدانده سحابدن اثر قالمدی .

هوا او قدر کشایش بولدی ، زمین او قدر
 ابتسامه باشلادی که کندمده دخی بولندیغم اوطیه
 صیغه مامق درجه سنده برانبساط حس ایلدم .
 شوق حیات کبی اوزاقدن اوزاغه مائی سیسلر
 ایله مستور کورینن قیرلرک - سما ایله دریانک

هم آغوش اشتیاق اولدیغی نغمه لرده نور نظارک
کوچ فرق ایده جکی اک نازک اک اوچوق رنکار،
پارلاق موجه لر ایچنده ، کوکدن روی مایه
دو کولش برر فردوس پاره کی موهوماً منظور
اولان- مرمره اطهرینک حاصلی افق مرئینک
ماوراسنده کوکلمک، ذهنک تخیل ایتدیکی
جنانی تماشا ایتک ایچون مد نظرم اودائر
محدوده یی دلوب کچمک ارزوی طفولانه سینه
دوشدی . امل ارقه سندن طیران ایدن
بر مرغ شکرته بال کی افقندن افقه نومیدانه
وسر سریانه طولاشمغه باشلادی . کوکلم بوتخسر
مضطربانه ده، نظرم عالم مادیت خارجنده کندینه
بر واسطه اشتغال ارامقده ایکن او ائنده او طهمک
قپوسی « طیق طیق » دها طوغریسی کوم کوم
اورلدی . دالمش اولدیغم اوطاتلی تخیلاتدن
اویقودن اویانیرکی بیدار اوله رق بویله حیرایچه

قپومی اورانك كيم اولديغنى اكلامق اوزره :
 كيمدر او ؟ ديه سسلندم . طيشايدن « افندم
 مساعده وارمى ؟ » جمله استيدانيه سى ايشيدلى .
 طن صدایى طانیدیغمدن همان ایاهه قالقوب
 « بیورك » جوانی ویردم .

اغز اخواندن دوكتور « ن » بك ايجرى
 كیردى . استغرابكارانه برچهره ايله دیدی كه :
 — یاھو عالم استغراقده میسك، نه سك ؟ درت
 بش دفعه پارمقلمك اوجيله طیق طیق قپوی
 اوردم . هیج بر جواب آله مدم . نهایت یومرو -
 غمله كوم كوم اورمغه مجبور اولدم . بونه طالغینلق
 قرداش !

بن كولهرك :

— دمنكى كورلتیلردن ذهنم، وجودم بك
 صیقلوب یورلمش ایدی ده اوملادن قورتوماق
 ایچون شمعدی پنجره دن كائناتى سیرایدیپوردم .

— عجایب ! سزك پنجره دن کائناتمی کورینیور؟
 سکا وقفه کاه حیرت اولان شوا و طه ده کندی
 کندیمه یارم ساعت اوتور سه م علیم اه جان
 صیقتی سندن عقلمی بوزارم. هی کیدی رومانجیلق!
 هی کیدی شاعر لک ! براز یا غمور یا غدی ،
 یا پراقلر فلان پارلدادی یا، ارتق نظرمفتونانه کزی
 بومنظره دن بردرلو آیره مزسکز. سمایه، زمینه،
 دریاه باقوب باقوب درلو تخیلاتده بولنورسکز .
 ایشدلمدك یالانلر اویدرمغه اوغرا شیرسکز .
 شوا غاچه بر قوش قولنوب ده ایکی دفعه «جیک»
 «جیک» دیسه اوقوشه همان مرغ خزین بیلیم
 نه دیه بر اسم طاقه رق اوجیولتی یی نغمه جنت
 فلان دیه توصیفه دوشه نیرسکز . روزکار
 طوقنوب ده برا غاجی صاللاسه سمان
 بر بلوط کچسه سزه صحیفه لر ایله یازی
 یازمق ایچون سرمایه خیالات اولور. یانکزده

بر قوزونك مله مكه، بر قوشك اوتمكه، براينكك
باغرمه يه جدی يوق! نه در بو افندم؟

دوقتور بو مؤاخذانی یاری لطیفه، یاری
جدی بر طوله اید یور ایدی. بن سته کولمه می
بوزمیه رق دیدم که:

— او... دوقتور! بو کونیه حدتسکیز. هنوز
بر نفس آلمان، او طوره مان کلیر کلز بونه
قدر مؤاخذه؟ ینه سزی برده حدتاندیر مش
اولمیلر. دوقتور لر ایچین بو قدر عصبلك ایی
دکلدر.

دوقتور قاشلرینی چاتوب یوزمه باقه رق
جواباً دیدی که:

— وظیفه یومیه می ایفادن یعنی بر قغوشك
موجودی اولار اوتوز قرق خسته در کیمینك
مده سنی، کیمینك جگرینی، کیمینك بوره کنی. کیمینك
باغرمه اغنی معاینه در کلیورم. منع سرایت امراض

ایچون بز « اوفنیکه » سورونورز. بزم لاوانته من
 اودر. اقسرایه اینک ایچون کوپری دن تراموایه
 بیندم. یانمه برشیق تصادف ایتدی. اما فصل
 شیق؟ تام زوپیه! آرده صرده یوزیمه باقوب
 چهره سنی اکشتمکه باشلادی. بن بومنفعلا نه
 باقشلاک سبینی اکلایه مدم. مکرسه بکم اوزرمده کی
 قوقودن راحتسز اولیور ایمش. نهایت برظرافت
 طاسلامق اوزره باشنی بکا چویروب او پودرملی
 ینساقلریله چین جبین کوسستره رک دیدی که:
 « دو ققور دکلیسکزسیار خسته خانه یه بکزر سکز.
 اوزرکزک نشر ایتدیکی بوکسکین آسیدفنیك
 قوقوسی یالکز میقرو بلری دکل، یانکزه
 تصادف ایتک بدبختلغه اوغرایان انسانلری ده
 اولدره جک! » شمدی اولور میسک اولدر میسک؟
 باقدمکه اوزون اوزادی یه جواب ویرسه م بلایه
 کیره جکم. یالکز شیقی یوقاریدن اشاغی یه قدر

بر کره سوزد کدن صوکره « سزك قدر نزاھت
طبعه مالك اولانلر بويله عمومى تراموايلره
دكل خصوصى آرابه لره بنمليدر » جوابيله اکتفا
ايتدم .

— سبب انفعالي اكلادم . فقط بقيه
حادثكى بندن چيقارميه نه حقل وار ؟

— بن مساعى جديه اربابندن بولنديغم ايجون
اويله « حرف بلوطلر ، د كزلر ، روزكارلر ، بلبلر
ايله اوغراشمه يه حصر اشغال ايدوب ده كاغـد
اوزرينه نقش ايلد كلرى بوسايقلامه لرني ده
انسانيت نامنه بر خدمت عد ايدن شاعر لره
براز قيزارده آنك ايجون !

— ديمك كه طبابت تحصيل ايتماش اولانلر
سـنـك نظر كده هيچ برشى دكل اويله مى ؟

— كيم ديمش اوني ! عالم مدنيتده تدريس
ايديلن علوم و فنون مختلفه نك طبدن عبارت

اولق لازم کله جکی ادعای غریبنده بولمدم .
 حاشا ! هر علمک انسانیتسه لزومی اولدینی کبی
 مشغللارینه ده بتون عالم انسانیت مدیون شکراندر .
 مدنیت علمله ، علم مدنیتله قائمدر . مادیانندن بحث
 ایدن فنونی اکلارم . یالکز « متافزیقی » اولانلره
 عقلم ایرمز . بزده کی شاعر لکی رومانجیلغی ده
 متافزیقدن عبارت کورییورم . چونکه ایشده
 هیچ برمادیت حقیقت جدیت یوق . هر کون
 کوزمرك اوکنده فجیع مضحک بیک درلو
 وقایع ماده جریان ایدیور . رومانجیلر مز
 بولردن استنساخ حقیقته تنزل ایله میهرک
 مخیله لری کندیلرینه نهی پارلاق کوسترر ایسه
 عالم معنویاتدن او غرائبی بولوب چیقاریورلر .
 — جانم نه یایه لم ؟ . . سز خیالاتدن متفر
 اولدیغکز ایچون ادبیاتی کلیاً اوتهدن قالدرالمی ؟
 سز دو قتور بولندیغکز ایچون هر کون مشهود کز

اولان درلو مناظر فجیعه ایله یورککز قاتیلا -
 شمش، سزده نزاکت حس قالماش اولملی که
 بزى مبهوت ایدن برمنظره شاعرانه سزجه
 جالب نظر دقت بیله کورلیور ؟

— خیر، محرر بك اوله دیمه. بن او ادبیاتی
 اورته دن قالد رملی دیمیورم. هیچلکدن هواییلکدن
 قور تاروب حقیقت جدیت دائره سنه صوقالی دییورم.
 کرچه دو قور ایسه مده ادبیانده کی بهرهم پکده
 یبانه آتیه حق درجه هیچیده دکلدر . بن
 خیالات دکل ادبیات حقیقه عاشقی بم. برشاعر،
 برادیب یازه جغنی شیء طبیعتده مکملآ تدقیق
 ایتلی. اوماده اوفکر اوموضوع اوزرینه برچوق
 کتب جدیه و فنیه مطالعه ایلملی ده صوکره
 یازه جغنی یازمیلدر . طبیعتده کوره جکی مناظرک
 یالکیز شاعریت دائره خیالیه سنه کیره بیله جکلرینی
 انتخاب ایدوب وبونلری دخی کندی فکرنجیه

« تزین » ایچون تغیر ایدرک متخبی اوله بیلله-
 جکاردن خارج اولان مناظر حیاته قبادر
 ظنیه عطف نظر تنزل ایتمین بر محررک فکری
 محاکمه سی مضیق بردائرّه جهالت ایچنده صیقیشوب
 قالمش اولور. بویه برادیب حقایق طبعیه دن
 درجه نصابنده عبرتین اوله مز. سنی شمسی
 یا غموردن سوکره اورته لغک کسب ایلدیکی
 شو طراوت وسکونت لطیفه یه قارشى
 مبهوت بر حاله بولدم . بیلیم که بویه
 دائما سمایه ، بلوطله ، افقلره باقمقدن نه حظ
 دویارسک ؟ برازده کورمدیکک مناظر حیاتی
 کورمکی مراق ایت . برکون بنمله برابر خسته
 خانه یه کل . دشمن حیات اولان برچوق امراضک
 پنجه دهشتنده بالمومی کی اریین انسانلرک
 صرارمش چهرملری ، قدیده دونمش وجودلریله
 فراش اضطرابلرنده اوزانوب یا تشرینی کور.

نه او؟ يوزيكي اكشيد ييوردسك؟ غالبا تعريفى
 شاعرانه بولمىك؟ واقعا بومناظر فجيعة ده كى
 شاعريت روحى منبسط شوق ايدى جك انواعدن
 دكلدر اما بونلر الواح حياتدن بررلوحه مؤزده دره.
 تصوير طبيعته اوغراشان ذات رسام اولسون،
 اديب اولسون صغت تصوير نقطه نظرندن
 انك اچون مناظر طبيعته نك علويى. سفلى
 اولامز. جمله سنك بحق تصويرى مهارته
 محتاجدر. اوزوالى خسته لرك يانه كيدرسك.
 دل بيلمركى ملول ملول انسانك يوزينه باقارلر.
 واقعا دلده بيلمزلر. بزم اك سهل عد
 ايلديكمز عاديات لسان انلره بك مصطلح
 كلير. «طبيعتك ملايمى؟» ديه صوروش
 اولسهك برشى آكلامز. بوسؤالى اك قبا صر-
 وتيله ايراد ايلمليدر. «حرارتك وارمى؟»
 ديسهك هيچ آشنا اولمدينى برلساندن تكلام

ایدیور ایمشک کی خسته آلق آلق یوزیکه
 باقار . بومرامکی اکلاده بیلیمک ایچون « آلا-
 فلا نیورمیسک ؟ » دیمک ایجاب ایدر . بن
 مکتبدن چیقدیغم ایلک آیلرده نه خسته لر مرا-
 ملرینی بکا اکلاته بیلیرلر ایدی ، نه ده بن آنلره .
 بزم لسانی آنلره اوکرده بیلیمک محال اولدیغی
 ایچون بز انلر ککنی اوکریمکه مجبور اولدق .
 وظیفه طبابتیم یالکیز خسته خانه دن عبارت
 دکادر . بولندیغم محله ده کی قومشولردن باشی
 اغریبان بکا کلیر . محله ده کی اجزا خانه ده هفته ده
 ایکی کون نوبتم واردر . درلو درلو اخلاق ده
 انسانلر ، نوع نوع خسته لر کلیر . نه لر کورر ، نه لر
 ایشیدیرم . صاقین بوللرک هپسندن ویزیته حق الیورم
 ظن ایتمه . بر قسمنک رچته مصارفنی ده اجزاجی به
 بن ویررم . پاره لی خسته لر اسمی شهرتی هنوز بولندیغی
 محله نك حدودینی تجاوز ایتماش اولان بزم کی یکی

چيقمه دوكتورلره كلزلر . بزده خسته سز قالمه
 يزاما ديدم يا بزمكيلرك چوغى باد هوا (جيدر)
 فقرا خسته لرك جمله سى اجزا خانه يه بنم اياغمه
 كلز . بعضلرينك خانه لرينه بن كيدر . اشته بواقشام
 فقرادن برقادينك اوينه كیده جكم . ايستر ايسهك
 سن ده برابر كل . ضرورت مشكلدر . اما بوكا
 برده خسته لق انضمام ايدنجه بومشكلك نصل
 بردهشت كسب ايتديكنى كور . كیده جكمز
 سمتك نره سى اولديغنى صورمه دن دوكتورك
 بوتكليفنى بالقبول بن همان كيندم . سمتمز
 آق سراى اولديغندن جاده يه چيقوب طوپ
 قپوسنه ايشلين ترامواى خطنك برنجى موقفنه
 كلدك . ترامواى شركتى آرابه لرينك اك كهنه لريني
 بوخطه ايشاتمكده اولديغندن سوقاغك توزى
 چامورى حد اصليسنده كى صولوق يشيل بوييه
 غلبه ايتمش ودرت لاغر حيوان قوشولمش

بولنان تراموای یوقاریدن کله جک آرابه بی بکله مک
 اوزده بولدق . حال حیاتلر نده مکمل براسکت درسی
 کو ستر مکه بر ایه بیله جک قدر ضعیف و در مانده اولان
 بو حیوانلر جر ایده جک لری دوش تحملار نده کی
 اوبار ثقیلک وجودلرینه ویره جکی رنج جانفرسایی
 دوشونیورلر ایمش کبی باشلرینی صبورانه برر
 وضع ایله اوکلرینه اکمش ایدیلر .

بوکهنه آرابه نك ایچنه آتلا دق . بزدن اول
 نمش بولنان بر قاج مشتری یوزلرینی - حیوانلرک
 قویروقلریله اوزلر نندن دفع ایلدکلری - سینکلرک
 تعرضاتندن قور تار مق ایچون قوللرینی صالایوب
 طور مقده ایدیلر . بو مشتریلرده انجق اوکهنه آرابه یه
 زینت بخش اوله بیله جک پڑمرده قیافتلی کیمسه لر
 ایدی . بزدن صوکرده زنبلی بر اختیار ایله
 صولوق فستانی بر قوقونه بیندی . بش اون
 دقیقه صوکره ، یوقاریدن ورودینی بکلدی کمز

آرا به کلدی . بزم اسپر سکنز یرندن دو کوملی
ایپدن قام چیسى النده اولدیغى حالده مقسامنه
چیقدی . باشنى آرا به نك قپوسندن ايجرى به
صوقوب اغزنده کی اوتوزلق توتوندن سیغاره نك
معهده بولاندره جق مرتبه ده کی مستکره دومانى
مشتیرلرک صوراتلرینه صاوورده رق روجه لسانله
بیلتجی به برقاچ سوز سويلدی . آرا به مزحرکت
ایتدی .

رایلرک یامریلغندن ، یومرو لغندن آرا به کویا
مستوی برفراش حدید اوزوندن دکل ، بوزوق
برقالدیرمدن کیدیورایمش کی وجودلر مزصار-
صنیلر زانغیرتیلر ایچنده قالدیغى صره ده بن
دوقتوره دیدم که :

— بنی هانکی محله به کوتوریورسک اه عشقنه؟

— طوپ قپو جوارنده * محله سنه

— اوراده کوره جکه ز شی یالکز برخسته

قاديندن عبارت می ؟

— خير . برده كوزل قيز كوره جكسك
— ديمك كه بو عائله سـفيله يي زيارتدن اول
معلومات متقدمه قيلندن بكا اكلاده جغك بعض
خصوصات وار ؟

— خير . اكلاته جغم اوزون برشي يوق .
بـنـم بيلديكم ده پك مختصر . بن سني اورايه يالـكـز
برسـفـالت لوحه سي كوسترمك فـكـريـله كوتور .
بيورم .

— هر نه ايسه . سن بيلديكم معلومات
مختصره يي اولسون آكلات .

— بو كوره جكك عائله پك فقير اما حسن خلق
وتربيه لري فوق العاده بر مرتبه ده . زواليلر
اولدن ذي ثروت ايمشـلـر . صوكره دوشـمـشـلـر
عائله نك پدری شاكر افندی اسمنده مجار
مهتديلرندن بر ذات ايمش . عائله سني قازانديغي

ایله اعاشه ایتمکده ایکن اووفات ایدیویرمش ،
 واردات ده کسلمش . فاتح طرفلرنده برخانه لری
 وارمش . رئیس عائله نك وفاتی متعاقباً اوده
 یانمش . بیچاره لر عریان ، سفیل قاله رق ...
 محله سمنده قبرکی طار براوطه لی برتنکنای
 سفالته چکلمش لر .

شا کر افدینك زوجه سی قرق بش الای
 یاشلرنده بر قادیندوکه خسته ایشته اودر . یکر می
 یاشلرنده قدر فوق العاده کوزل عفت اسمنده
 بر کریمه سیله برده اون، اون بریاشنده بر اوغلی
 وار . شا کر افندی حیاتنده قزینك تحصیل
 و تربیه سنه پك زیاده اعتنا ایدوب بر فرنك
 مکتبنده او قودوب یازدرمش . مشعشع، مذهب
 کاشانه لره شعشعه دیکرویره جك مرتبه ده دلفریب
 اولان عفتك، او حسن بی بهانك او یله بر کلبه
 ضرورت ایچنده کلخانه دیکلمش کل فدانی کی

صولوب قاورلمسنى كورمك قدر انسانى متأثر
ايدەجك بر حال تصور اولنورمى؟ قيزك لطيف
افندى اسمنده برده كنچ نشانلىسى وار، لكن
اوده فقير، اللى غروش معاشله اقلام رسميه دن
برينه دوام ايدىيور.

— قادينك خسته لنى نه در؟

— اعتنا ايله، پاره ايله، تداوىء متاديله
كچهجك بر علت .

دوقتور شو قدر جق معلومات ويرد كدن
صوكره جينندن فرانسزجه بر رساله طيبه
چيقاروب انى مطالعه يه قويولدى. زيارت ايدە.
جكمز عائله يه دائر آلدنم شو معلومات قيصة ايدى.
لكن بنم زهنمده پك بيومكه باشلادى. آتش
ضرورت مشكلدرا ما اولدن رفاه ديدە اولوب ده
صوكره دن دوشمك باخصوص عفت كى كنچ
كوزل معلوماتلى بر قيز بولمق دنيا ده كى فلا .

كتلرك اك بيوكلر ننددر، هنوز يوزيني كور-
 مديكيم عفتك خيالى، چهره سنده بر حزن علوى
 نمايان، چشمان ستمديدسى اشك نوميديله كريان،
 نرمين سينهسى فاكك سهاق قهر و كينه سنه قارشى
 عربان، صاحچلرى تجلياتنى كورمش بر شاعر ك
 فكري كبي پريشان، پلاسپوش بر ملك صو-
 رتنده كوزمك او كنده طولاشمه يه باشلادى.
 دهان معنويه بكمزه ين اغزى، صولغون دو-
 داقلريه بر شيلر تكلم ايدى يوردى. ديكليوردى،
 فقط اكلايه ميوردى. بر مدت اويله طالعين قالمشم.
 تراموايك زانغير تيلرى ينه بنى ماديتمه ارجاع ايتدى.
 ذهني عفتك خياليه مشغول بولنديغدن ميدونه در؟
 كچديكمز يولار بكا بك حزن انكيز كورينيوردى.
 يوكسك قالديرمى كچك. خيلى فاصله لي باغچه لر
 ايله يولاك ايكي طرفنده كوريان باسق قاتلي،

طار پجره ملی و بر خیل سی جهات اربعه دن برینه مائل
 چاریق جومبه لی اگری شه نشلی غبار آلود
 کهنه بیوتدن بعضلرینی بر بلای قسوت کبی
 تراموایک اوستنه انیوریره جک ظن ایدیورایدیم.
 ارباب حیاتک امواته قارش دینی بو محلاتده کی
 قبرستانلرک عددی محله لرک کندن آزاوماملی .
 هر آیدمه هر کوشه باشنده دنیا ده کیلره عقبایی
 سیر ایتدیرمک ایچون آچلمش ظن اولئسان
 مزارلق پجره لرینک توزلی پارمقلقلری و اطرافه
 بوی اخروی نشرایدن قویورنکلی دفنه داللری
 ارسندن اوزون بویلی قوجه قاوقلی مزار
 طاشلرینک مهادیا نظری استقبال ایلمسی انسانه
 حیاتک صوکی اولوم اولدیغنی دکل صانکه
 اوکونکی بزم سیاحتک اخرته اولدیغنی اخطار
 ایدیوردی .

اولومک بررقره رنکلی شاهد ذی قامتی کبی

کوکله قدر سایه انداز اولان سرور، دهشت
 موت کبی اطرافنه دال بوداق صالورن چیتلنیک
 اغاجلری کویا که مخافت قبوری یرالتندن کوکله
 صاچیور ایدیلر. نظرم، صف نظامنه دیزلمش
 عسکر کبی برپانوراما تشکیل ایدن مزار طاشلرینی
 هر لحظه سلاملا مقدن یورلدی .

شهر امینی کچدک . کتدکجه مزارلقلر
 چوغالیور، خانه لر اوفالیور، اطرافک مناظرنده کی
 قسوت ارتیور ایدی. عفتک خیالی ینه او آنده
 یمالی یرتیق وطالعی کبی سیهکون برجامه ماتم
 ایچنده نیم عریان بر ضرورت هیکلکی کبی قارشیمه
 کلدی . بوبد بخت قیز عنفوان حیاتنک، شعله
 جمالک اک پارلاق بردورنده دیریلر قبرستانی
 اولان بو محلاتدن برینه کومولمشدی .
 دو قنور او آره لق تعطیل مطالعه ایدرک یوزمه
 باقدی . متبسم بر چهره ایله دیدی که :

— نه او؟ پك طالمنسك؟ ښه مې تخيلات؟

— عفتي دوشونيوړم.

— هنوز يوزيني كورمديكك بر قيزك نه سني

دوشونيوړسك؟ خسته والده سنك حالي آندن

زياده آجينمغه شاياندر. آني نچون دوشونيوړسك؟

— بيلم. عفتك خيالي ذهني طولدردي.

بشقه تفكراته ميدان قالمدي.

— بو سفيلا عائله يه دائر ويرديكم مختصر

معلوماتي سن ذهنكده كيم بيلير نه قدر بيوتوب

قبه لنډومشكدر؟

— شو آنده كي تواردات ذهنيه مې يازسه م قوجه

بر رومان اولور.

— اكلايورم كه سرك سرمايه كز ساده خيال.

چونكه هنوز بر شي كورمديككه!

— يوق بو حكيمكه خطا ايدييورسك.

انسان معلومات متقدمه سني علاوه ايتمكسزين

يکي برشی یازده من . یکی او کرندیکی حقیقتاری
 اسکیدن بیلدیکی حقایقه ضم ایدر . شو قسوتلی
 یولدن کیدیشمز بنی پک صیقدی . شمدی شو
 منظرک بنده پیدا ایلدیکی تأثیر مغمومانه بر
 خیالمیدر ؟ او تأثیر ایله دوشندیکم شیر بنجه
 هب حقیقتدر .

— اوزون طوتمه . دوشوندیكك شیرک
 یوزده طقسانی خیال . ینه ایشک ایچنده رومانچیاق
 شاعرلک وار . یوله شمدی کیدرایکن نظارکی
 اورکوتن ، خیالکی تدهیش ایدن شی بر قاج مزار
 طاشی اولدی دگلی ؟ بز خانه مزده کی کوچو -
 جک موزه مزده مکمل براسکلت بولندیر مق
 ایچون مزارلقلره کیدوب کیك طویلارز .
 وجود انسانی بی تشکیل ایدن هر کیکی بولوق ایچون
 نه قدر مزار قووغی قارشدرمهیه مجبور
 اولدیغمیزی ارتق سن دوشون . نه ییالم

مقتضای مسلکمز بودر؟ بز بوعظامی ینه
انسانیته خدمت ایچون طویلایورز . سن اویله
ایکی مزار طاشی کورمکه اورکر ایسهك مکمل
بر رومانجی اوله مزسك :

— عزیزم دوقتور، رومانجیلنی دیدککز کبی
بوسبتون مادیت دائره سنه صوقار ایسهك آنده
بر لطافت قالمز . طاش یورکلی بر رومانجینك
یازدینی وقایع نه قدر مطابق حقیقت اولور ایسه
اولسون کیمسه بی متأثر ایده مز . اولایازان تأثرله
یازمش اوللی، یعنی اویازدینی شیلری کندنده حس
ایلمش بولنملی که اوقویانلره ده تأثیر ایتسون .
مودلنز طبیعت اولسه ده آنی تلوین ایده جك
یالدر لایه حق قوت اعجازکار، ینه قوه خیالیه در .
— ظن ایتم . بر محررک یورکی طاش
اولسون پاموق اولسون تصویر ایلدیکی وقعه بی
برفطوغراف قدر مشابَهت و مطابقت تامه ایله

تصویر ایتمک مهارتنه مالک بولنورسه اوزات
مسلککنجه مزیت و قدرت لازمه نی حائر صنعتکار
دیمکدر .

— بودیدیککز مادیت بزم صنعتمزه صفماز .
مناظر حیاتک جمله سی صبغوق قانلیقه له تصویر
اولنه مز . سز قلیل یانمدن شمعدن ضیا
ایستیورسکز !

— آل سکا بر شاعرانه جمله دهها ! « قلیل
یانمدن شمعدن ضیا ایسته مک ! » سوز و نکین
اما معناه قوتی بک آز ... بکم شمعدی هر صنعت
ترقی ایتدی . هوا غازلرینی کور میورمیسک ؟
قتیل سز یانیور . همده ویردیکی ضیا سزک شمع
دیدیککز شیئی، کونشه قارشی پارلداق
ایسته یین آتش بوجکی کبی دونوق براقیور .

بو ائنهاده تراموای طوپ قبوده کی صوک
موقفه کلش بولندیغندن بزم دوقتوره قارشی

جواب ویرمه وقت اولمدی. آرا به دن ایندک .

۲

کری به طوغری برقاج آدیم یوریدک. کوشه -
 سنده، جاملری صرارمش خراب برقهوه بولنان
 صاغ جهتدن برسوقاغه صایداق - ایش-سز لکدن
 قوای بدنیه لرینه عطالت طاری اولسون فکریله
 اوللی - قهوه دنک پیکه سی اوزرنده طلومبه-جی
 قیافتلی ایکی دلیقانلی غلیظ ملاطفه لر ایله بربریله
 بوغوشیورلر، قارشو پیکه ده اوطوران اسکی
 خرقلی براختیارده النده کی چبوق قدر اوزور
 اغزلنک اوچنده کی سیغاره یی فوورداته روق
 ایتشن یکتیلری تحسینکارانه برتبسم غبطه کشا
 بر نظرله سیر ایدیوردی.

صایدیغمز س-وقاغه یوریمکده درام ایدیو
 ایدک. س-وقاق طار و کذرکاهی اگری بوکر
 اولوب مختلف جهتلرندن چرکابلر آقیدلن

و کومس قدر کوچک ، خراب خانه لرك او كنده
 مردار (انتاری) لی - ابوینلری تربیه لرندن
 عاجز بولندقلری ایچون باشلرینی قیچلرینی فلکك
 سلئه تأدینه قارشى آچیق براقش لرطن اولنان -
 بر طاقم اطفال اوینا مقده و آرده صروده خانه -
 لرك برندن لازمه تستره یلدرمه سنك یاقه سنی
 باشنه آلق صورتیه رعایت ایدن بر قادین
 چیقارق دیگر بر خانه یه کیرمکده ایدی . بعض
 اولرك او كندن کچر ایکن حس اولنان مایس
 قوقوسی و آرده بر ایشیدیلن اینك صدالری
 انسانه كندینك استانبولدن اوزاق بر کویده
 بولندیغنی ظن ایتدیریوردی . دولامباجلی
 سوقاقلردن کیروب چیقارق بر مدت یوریدك .
 خانه لر سیرکشمکه ، بو محلاتی استیلا ایدن سکونت
 مؤثره آرتمغه باشلادی . ارتق نه چوجق کو -
 ریل یوردی ، نه قادین ، نه ارکك ، نه ده بر حیوان !

شهرمژك سوقاقلريني طولديران كلا بدن بيله
 اثر يوقدى . انسانلرك طويىنجه اكمك بوله مدقلرى
 بو سوقاقلردن آنلرده چكلمشلردى . بىض
 سوقاقلرده خانه بيله كوريله ميوه خرجسز قورو
 طاشله اورملىش ويران، الحاق بوستان ديوارلىرى
 هر ايكي جهتدن اوزون مسافاته قدر امتداد
 ايدىوردى . شماتت بشريه بولمىان يرلىرى
 طبيعت كندى صدا سيله طولدر .

اوزاقدن اوزاغه حس اولنان خفيف بر روزكار
 ايكلتيسى بوستانلرك اغاچلرندن ايشيديلان حزين
 نغمات طيور صانكه طبيعتك بوقانوتى صماخ
 اتباهه صوقيوردى .

بوسكونت، بوخرانيت، بوتنهالق بكاپك طو-
 قاندى . دوكتورك مؤاخذات جديتپرستانه سنى
 جلب ايتمكدن قورقديغم ايچون سس چيقاره -
 ميوردم . يالكز ديدمكه :

— دوقتور سن بنی بو خسته قادینک اوینه
 کوتورییورسک اماصاقین سنک یاننده برده
 یبانیجی بولمنسی بوعائله نك سفالتنی کوسترمکه
 برسیرجی کوتورییور ایمشسک کی او قادینلرجه
 سوءتلقی ایدلسون .

— اوت سوزک طوغری ، بوجهت هیچ
 عقلمه کلامشدی .

بوقادینلر عادی تربیه ده برعائله دن اولمدقلری
 ایچون فقر و ضرورتلرینه سنک ده محرمیتک
 بلکه عزت نسلرینه طوقتور . فقط بن سنی
 آنلره برسیویل دوقتور دیه تقدیم ایدرم .
 کویا خسته نك مرضنی برلکده تشخیصه کیتمش
 اولورز .

— او حالده خسته یی بنمده معاینه ایتهم لازم
 کلزمی ؟

— خیر . معاینه یی بن ایدرم . سکا اعراضه

دائر بعضی شیر سویلرم . سن ده تسلی کویانه
فقط دو قئورجه بر قاق لاقردی آتی ویررسک
اولور بئتر .

— یا بر پوت قیرار ایسه م ؟

— ها اوراسی ده طوغری . قیزی کورنجه
آلینوب ذهنکدن فلکدر ملکدر دیه تصورات
شاعرانه یه باشلارایسه ک بلکه بر چام دویررسک .
یوقسه عقلک باشکده اولدینی زمان بندن زیاده
شارلاتان بر دو قئور کورینه بیلیرسک .

اواناده بر تائر حزینانه ایچنده بولندیغم حالده
بیلهدو قئورک شوسوزی بلا اختیار بنی کولدردی .
بش اون دقیقه ده یوریدک . بوستان دیوارلری
بتدی . سکز اون خانهللی کویه بکزه یین بر محله یه
کلدک . خانهلری کوچک بر میدانجغک چوره سنی
تشکیل ایدن محیط اوزرینه بنا ایدلمشدی .
بومیدانجغک صاغ جهتده یالاق طاشی یاریسنه

قدر قیرلمش خراب بر چشمه واردی . دو قنور
چشمه یه یقین وقابلامه تحته لری ، صاچاقلری
دو کولمش ، ایکی پنجره سندن بر یسنک قفسی
دوشمش بر خانه نک تک قناددن عبارت اولان
قپوسنی چالیدی . چشمه دن صو طولدیروب بر
قاچ خطوه آیرلمش اولان پنبه انتاریلی بر قیز
الده کی دستی یی یرہ بر اقوب اورالرده سکنه
محلہ دن خارج کیمسه یه نادراً تصادف اولندیغنی
ایما ایدر بر تجسس معصومه ایله بزه دقتله
باقغه باشلادی .

دو قنورک چالیدی قپونک عفتک خانه سی
اولدیغنی اکلام . قپونک یاننده جسم قطرده
بر چنار اغاجی بولنوب سکونت مؤثره سی
کوچکلکی ومنظره خزینانه سیله بر عائله یه یورد
اولمقدن زیاده بر چله خانه فلاکتہ بکزه یین
او آشیانه آلام اوزدینه - قدرک یاغدره جنی بلاییه

قارشى صانكه سپر اولمق اوزره - جسيم دالارنى
بال شفقت كې اوزاتمىدى.

چوق سورمدى. قيو آرقه سىندى بر ايله
چكىله رك آچلدى. انوار مسرت بخشاشى عالمه
شامل اولان كوش بيله بوكبته مغمومه نفوذدن
اجتناب ايدىيورمش كې كىجه ظلمتيله رقابت
ايدن قراكلق پنجره سز بر حولى يه كىردك.
اوراده بر مدت بلكلك. كوزلر منى براز
قرانلغه آلىشىدى. يوقارىده بر كز نمه اولدى.
نهایت غایت نازك برقادين صداسيله « بيوركز »
دىنلدىكنى ايشتك. دوكتور او كوزمده كى بش التى
باصه مقىدن عبارت بىقق بر مردیوندىن يوقارى
چىقمه يه باشلادى. بنده آنى تعقیباً یوردیم.
هر ايكىمىزك بردن ثقلت وجودينه تحمل ايدىميه
جك ظن اولنان مردیون اياقلىر مىزك التىده
صالانوب چاىردیلر پىدا ایلدىكىمىدن بیوك

احتیاطلرایله یوقاری چیققدق.

مردیون باشنده بومظلم خانهك مهتابی حزین
 کیجه لرك سیحاب علویتی ایچنده محتجب بربرد
 کبی قویورنکلی بر جاره بورونمش اولدیغی حالده
 استقبالمزه چیققدی. قارشیمزه طوغان بونور
 عفت ایدی. صانکه ید قدرت لطافت محضه اوله رق
 دنیا به کتیردیکی نه قدر حسن و ارسه ینه بونلردن
 اك منتخب خلاصه لری طوپلایه رق کوزلاکده
 اولانجه کالات صانع هسنی بوچهره یه صیغدروب
 کندی قدرت بالغه سنه قارشی ینه کندی بر اعجاز
 کوسترمک ایچون بو وجودی خاق ایلمش و یا خود
 بنی بشره بر ملک مودلی کوسترمک ایسته مشدی.
 بن بو آفت سامانسه وزی بو جمال پر یسینی
 کورنجه علویت شاعرانه جسم بولمش و یاکه جاذبه
 انسان شککنده کیرمش ظن ایلدم.

دوقتورک یاننده بنی یعنی بر یبانجی اولدیغی

کورو نجه قیزک نه سمور چینی نه قوس هلال نه سهم
قضا ایله توصیفنه امکان اولیان اینجه قومرال
قاشلری براز چایلدی .

علویتله حزنک بویله بر صورت ممزوجه سنی
کوره بیلیمک ایچون طبیعتک نظر شاعرانه یه عرض
ایتدیکی مهتاب ، شفق ، انوار حزین شام لوحه -
لرنده نظیرینی آرامق عبث اولان صاری الا
مخمور چشمانک سوزکلکی براز دها آرتدی .
لطافتی برفک ، پنبه نک ، لبنک چیک بیاضلقر یله
هیچ بر صورتله قابل تشبیه اولیان واولسه اولسه
بیاض زانبقلری براز اندیران صولغون دنک
روینه خفیف بر حمرت کلدی .

جارك التمدن آلی اوزرندن طوغری بر
کلزار شفقندن قورتیلیمش شعاعات شمس کی
بر سمت طرء زرتار ، رساملره فورچه لرینی الار -
ندن دوشورتته جک ، شعراپی دمبسته حیرت

ایلیه جک بر لطافتله صول شقاق ویناغک، اوستندن
 کمراهی یه دوشمش برسودا ویا که عشق کسلمش
 بر کوکلدن چیقان بر آه آتشارکی کردن سینمه
 اوزانوب کیتمشدی، بو جمال آتیه سی کویا که
 او خراب مسکنی طولاشمه یه کلش بر خیالیدی.
 ویا که مصور ازلی کمال حسننه او قدر اعتنا
 کوسترمش اولدیغنی صوکره دن چکه میهرک بو
 «وه نوس» ی جهنمه آتمشدی.

فلکه کوسکون باقان کوزلرنده اثر بکا اولان
 قرمز یلقلر و مخمور چشمانک آلتنده یأس و فتوره
 دلالت ایدن مائتراق خفیف سیاهلقلر - قرص
 قمرده کی لکه لره مشابه بر حالده - منظور اولمقده
 وچهره سنده کی شوتاب و فر حزیانه شمععه
 سامان ایچنده پارلایان جماللردن بیک قات زیاده
 نظر ربای روح کورلمکده ایدی.

او، اوکده بر نور امل، بز آرقه ده سایه کی

یورومکه باشلادق . عفت بلند و نارین قامتیه
 غایت یاراشان بر رفتار صنوبرانه ایله بزی آره لاق
 کبی بر صغه جقدن یوروتد کدن صو کره او خانه نک
 یکانه او طه سی اولان بر قپودن ایجری یه صوقدی .
 او طه ده فراش اینته اوزانمش باش^۷ اورتولی
 برخسته قادین ، قبر قدر طار و اینجه جک تک
 شلته دن عبارت دوشه کی ویورغان نامنه اوموز-
 لرینه قدر چکمش اولدینی پوشه سفالتی ایچندن
 مزارندن قیامت سیر ایدن بر اولو باقیشیله
 دو قتوری و بالخاصه بنی حده نظر دن کچیرمکه
 باشلادی .

ضرورت وسفالتک اک بیوک آثار مخربه سی
 اصل بو قادینک وجهنده نمایان ایدی . وجودنده
 عضله دن نبذه قالمامش ، دری کیکه یاشمش ،
 هیئت سیما انسان شکلندن چیقمش ، نظری
 آرتق کنه دینک حکم حیاتدن دور اولوب

تخریبات موتیه تقریبنی کوستر صورتده
 سوئوب قورقونج بر طونقاق پیدا ایلماش
 اولدیغندن انسانه دریلر میانه سنده بولمقدن
 اراتق بیزار اولوده مہفنی تمنی ایدن بر میت
 کبی باقیور وسوز سويلمك اوزره فتح دهان
 ایلدیکی زمان قانسز دوداقلرینك اطرافنده
 پیدا اولان قاتمرلرک هیئت مجموعۀ وجهیه سنے
 ویردیکی صورت عجیه ایلہ اراتق کندنندن بر
 نزع کلی ایلہ نزع ایلماش اولان سعادت دنیا
 و امید میاته قارشى خنده زن استحقارواستحقاف
 اولیور ظن ایدیلیوردی .

بو اوطه درونده مفروشات ارامق چولده
 شالاه و یا کلخانده تزیینات تحری ایتمک
 قیلندن ایسه ده اوطه بوسبتونده چبلاق دکلدی .
 اکر کوردیکم شیلره او اشیاسی دینه بیلیر ایسه
 برکهنه اوت مندردی، هربری باشقه برباسمه دن

فرسوده بر قاج یا صدغی، ایکی طوپال صندالیه یی،
 بر قریق دستی یی و پنجره لرده کی طولانی شر حله لره
 آیرلمش بیاض پاتسقه پرده لری اناث بیتیه دن
 اولق اوزره خبر ویره یم. یالکز شوقدر وارکه
 بو پثر مرده اشیا دن هربری ترمیز اولوب بر
 انتظام مخصوصه هر شی یرلی یرینه وضع
 ایدلمشدی.

عفت، او حلاوت حسن، او عظمت خلقیه سیله
 بو سفالتکاهه هیج یراشمیور. خسته یی تسلی
 ایچون کوکدن اینمش بر ملک الصیانه یه
 بکزییوز ایدی.

اوطه دروننده کی اشیا دن یالکز بر ایکیسی
 نظر دقیمی جلب ایتدی. صاغ جهته ده کی دیوارک
 اوزرینه تحف بر صورتده منسوج بیوجک بر
 سجاده جسم امتده بر خالی کرلمش اولوب بونک
 اوکنه دخی جو یزدن معمول یوکسکجه بر

« ئەتازەر » قونىلمىش . بو « ئەتازەر » ك اوست
 رافنك وسطنه (چرچيوه) سى يالدىزلى برلوحه
 ولوحه نك ايكي طرفنه درونلرنده رنك امير
 صنعى چيچكلر بولنان ايكي ساقسى وضع ايدىلمىشدى .
 اولدقجه كيارانه برصالونى تزيين ايدى بيله جك
 قدر ظريف كورينن بو اشيانك اويله فقيرانه
 بر اوده بولنشنه باديء امرده بر مناب ت تصور
 ايدى مدمسده صوكره دن بولرك اسكى ثروت
 بقاياسندن اوله رق يانغيندن قورتمه اشيان
 اوله بيله جكى احتمالى دوشوندم .

بن اوطه نك حالى حده تدقيقدن كچيرمكده ايكن
 دو قورخسته يه حال و خاطر استفساريله قاريشق
 بر سلام و يردكدن صوكره بنم حقمده بر رسم
 تقديم اولمق اوزره ديدى كه :

— سزى دقتله و برلكده مائنه ايتمك اپچون
 اشته سزه رفق امدن بر دو قوردها كتىردم .

دوقتورک شو تقدیمی بنم اورادہ کی وظیفہ مک
طیبیلک اولدینغی بکادہ یکیدن براخطاریرینه
کچمش اولدینغی جهتله حال وموقعه مناسب
صورتده اداره کلام ایدہ بیلیمک ایچون او طہ نک
حالی تجسسدن صرف نظرله ممکن اولدینغی قدر
کندیمی طویلادم .

خسته اولدقجه مشکلاتله قالقوب دوشکی
ایچنده اوتوره رق قوتسز برصدا ایله :
— هرایکیکزکده تنزلاً تشریفکزه تشکر
ایدرم . فقرايه آجیانلری جناب حق مکافاتسز
براقماز . سزی بکا کوندرون الله البته سزی ده
مقصودکزه ایرشدر . دیدی .
دوقتور صورتی که :

— ویردیکم عـالـجـلـری قوللانديکزی یا ؟
شمدی کندیکزی نصل بولیورسکز ؟
خسته «آنتريت» مرضنه اوغرایانلره مخصوص

اولان صورتده اوپ اوزون اوزامش بولنان قوری
یوزینی نو میدانه بر حال ایله خفیفجه ساللا-
دقدن صوکره :

— اوت عاجلر کزی قوللاتدم. شمدی براز
اییم .

دیدیسده بو «اییم» سوزینی محضا دو قتوره
برنزاکت و قیزینه قارشی بر تسلی اولمق اوزره
سویلدیکی اکلاشیلوردی . یوقسه حالنده هیچ
ایسلیک اثری کورلمیوردی .

عفت قارشی مزده اوتور مقده اولدیغی صندالیه نك
اوزرندن سودا لسانه کلمش کبی اهنکدار ورو-
حنواز بر صدا ایله دو قتوره دیدی که :

— درت کون اول ویرمش اولدیغکز
« انفوزیون دیپه قا » وانی متعاقباً ترتیب
بیوردیغکز « صونتیرات دو بیز موت » و « اکستره
دوپوم » و سائره ترکیلرینی واک صولک یومیه ایکی

کلاج آلتق اوزره ویردیگکز « بانزونا قتول »
 ترتیبی تعریف بیوردیگکز و جهله والدهیه
 قوللاندردم . هر نه قدر ضعف باقی ایسهده
 همت حذاقتکز سایهسنده اوکوندنبری بنده کز
 کندیسنده خیلی ایلاک فرقی کوریوردم .

والدهسنه ویریلن رچتهلری عفتک بویه
 از بردن او قویشنی ایشیدنجه بنم اوراده کی ساخته
 دو قورتورلق موقعمک جدا مشکلاشمکده اولدیغنی
 اکلادم . طبه مغایر اوله رق اغز مدن قاچره جغم
 اوافق بر سوزله او فن جلیله عدم انتسابمک
 اکلاشیلی ویره جکنده هیچ شبهه یوقدی .
 بناءً علیه دروناً کندی کندیغه فوق العاده
 احتیاط توصیه ایدیوردم . فقط انسانک بعضاً
 یک زیاده مدبرانه حرکت ایتمک قیدنده بولندیغنی
 شیده جبر نفسدن منبعث بر طالعنقلله داعی
 محجوبیت عظیمه اوله جق بیوک بر خطایه

دوچار اولسی قیلندن اوله رق او قدر تأملسز
 بر جرأته بولندم که بو حرکتی شمدی یازار
 ایکن بیله وجودمه عارض اولان خلجاندن
 قلمم تتره یور. عفتک اک سنکین کوکلری بیله
 تهزیه کتیره جک مرتبه ده کی او محزونیت
 علویه سنده او پریشانی حالنده ، غریب بر قوه
 مقناطیسیه یی حائر اولان باقیشنده کی مقاوم تسوز
 جاذبه نک تحت تأثیر اتنده قاله رق نه یایدیغی
 بیلمز بر حاله کلمش اوللی یم که بن ده بر سوز
 سویلمک بن ده طبعده کی مهارتمی کوسترمک
 ایچون خسته یه یاقلاشه رق همان غیر ارادی بر
 حالده:

— مساعده بیورر ایسه کز سزی برده بن
 معاینه ایدیم ؟ دیمه ییمی ؟
 سوز اغز مدن چیققدن صوکره بو حرکتده کی
 خفتک درجه سنی اکلا دم وحتی دو قورک یوزنده

او آنده حاصل اولان عدم خشنودی آثارى ده
 بونی بکا افهام ایتدی اما بر کره ایش ایشدن
 کچمش بولندی . بو حرکتیم یالکیز بیوجک بر
 محجوبیت تولید ایده بیله جک بر خطا دن ده عبارت
 اولیوب خسته نی بیهوده یره یوره جغمندن طولانی
 کندی نظرمده نوعما کوچک بر جنایت دیمک
 ایدی . ارتق ذهنمندن هر شیئی چیقاروب اولانجه
 قوامی بودایلمکی بر حسن خاتمه یه ایصال ایتک
 جهته صرفه حصر ایدرک مریضی بوش یره
 یورمش اولماق ایچون قیصه بر نبض معاینه سنده
 بولتمق و دو قتوره ممکن اوله بیلدیکی قدر طوغری
 « اوبسر واسیون » ویرمک یولنی دوشونه رک
 جیمندن ساعتی چیقاروب کیفسزه دیدم که :
 — زحمت اولمز ایسه نبضکزی ویرریمسکز؟
 زوالی خسته نی اجلنه درمان آرایان بر
 طیب ظنیه یورغانک آلتیدن چیقاردیغی دسنگ

کبی قدیده دونمش الی بکا اوزاتدی. حذاقتمدن
استمداداً بکا اوزادیلان بوالی اولویه تماش
ایدرکبی بر خشیتله طوتدم. بر دقیقه لق بر
مدت صورت ضربانه حصر دقت ایلدم. نبض
پک قوتسز وخفیف آتیوردی. فقط عدد
ضربان زیاده ایدی. و آره صروده انتظام
ضربان مختل اولیوردی. بر دقیقه ده طقسان
الی طقسان یدی یه قدر بولدم. بو نبض
اوبسرواسیونتی دو قوره فرانسزجه اوله رق
ویردم. دقتمدن آنک ده ممنون اولدیغنی یوزندن
آکلادم.

بوجرا اتم پک کستاخانه ایدی. فقط شوصورتله
خسته قادینسک و علی الخصوص عفتک نظرنده
دو قورلغمی اثبات ایتمش اولدیغمدن طولای
کندمده ممنون اولدم ... مع هذا کستا خلقده
بوندن ایلری یه وارمیه رق معاینه جدیه خصوصنی

دوقتوره ترك ايدەرك خستەنك يانندن چككدم.
 دوكتور خستەنك قارتى وتا كوزلرينك
 ايچنە وارنجيه قدر هر طرفى معاینه ايتدی.
 بعد المعاینه ارقداشمك يوزنده حاصل اولان
 چاتیقلاق و طور غونلقدن مرضه شدت و یاخود
 اندیشه یی موجب بر حال پیدا اولمش بولندیغنى
 اكلادم. والده سنك معاینه سی ائناسنده عفت ده
 کمال تهالکه كوزلرینی دوكتوره دیکمش بولندیغندن
 نتیجه معاینه ده بر وخامت کشف اولندیغنى بنم
 کبی اوده انتقال ایتدی. صولغون یناقلىرى
 پنبه لشمکه اوچوق دوداقلرى کلکون نشان
 اوله رق خفیف خفیف اهتزازه باشلادی. بر، باد
 صر صر مقدمه سینه طوتلمش بهار کللى کبی
 بونی بر طرفه بوکلدی. طالعیز قیز شمیدییه
 قدر آقتمش اولدیغنى عمان اشکنه قاریشمق اوزره
 جنتک برر منبع زلاندن دوکلور کبی کوزلرندن

آقان ایکی اناسپارده دموعی خسته ، امیدسز
والده سنه کوسترمامک ایچون باشنی پنجره دن طرفه
چویردی . او طه دروننده ایکی دقیقه قدر
حکمه فرما اولان برسکونت مؤثره ائناسنده خانه
نامنه ایچنده بولندیغمز اودار الحنک اوزرینه
سایه انداز اولان چنار اغاچنک یاپراقلرندن
ایشیدیلن حشادیلر خسته نک قبض روحنه کان
ملائیکک رفر ف جناحلی ظن اولنیور ،
میدانجقمده کی دائم الجریان چشمه نک - بوقلا کتزدده
عائله نک حائه طور میوب اغلار کی - طوییلان
حزین شریلیسی صانکه سممه غریب بررقت
اساله ایدیوردی .

دوققور وجهنده ایکی اوچ دقیقه اول کوریلن
آثار ققوردن نشان ویرمامکه اوغراشه رق
جبری برباشته خسته یه صوردی که:
— اولجه ایصتمه وصاریلق کی خسته لقلر

چکدیکز میدی افدم ؟

— صاریلق چکمد فقط برقاچ سینه اول
ایستمه یه اوغرامشدم .

— نه قدر سوردیدی افدم ؟

— اوچ آی قدر .

صاغ بوکر یکزده آره صره بر اغری حس
ایدیور میسکز خانم جغم ؟

— اوت ! اوت ! دوندن بری . اره صره

دکل همان دائمی کبی .

— قی کلیورمی ؟

— اوت .

— یکی ... آکلادم ... مراق ایتیکز

برشی قالماز .

دوقتورک شو « مراق ایتیکز برشی قالماز »

سوزینک پک عامیانه بر تسلی اولدیغنی بنده

اکلامشدم . عفت ده وبلکه خسته کند یسی ده

ا کلامشدی . مرضده بروخامت پیدا اولمشدی
 فقط بونک درجه سی انجق دوقتورجه معلوم
 ایدی . فرانسرجه دوقتوردن استفسار حقیقت
 ایتک ایستدمسه ده ینه اوانده عفتک بولسان
 وقوفی عقلمه کلدیکندن سکوتی خیرلی بولدم .
 دوقتورجیندن بردسته کاغد چیقاروب رچته
 تحریرینه حاضر لایمقده ایکن عفت شمدی به
 قدر ایشتمش اولدیغم فرانسرجه لرك اک فصیح
 ودوزکونی دینه جک برطلاقته سوزه باشلایوب
 دوقتوره خطاباً دیدی که :

— والدم فرانسرجه ا کلامز مراق ایتیکز .
 انهای معاینه ده کشف ایتدیکنز وخامتی بکا
 سویلیکنز .

دوقتور آلقلاشمش کبی برحاله کله رک :

— نه سویلیورسکنز ؟ فصل وخامت !

— ایکی کون سوکره آگاه اوله جغم برحققتک

بندن بوکون کتمندن نه فائده مأمول ایدیور -
سکیز ؟

دوقتور خسته نك باشنده بولندیغمز مدتدن
بری بلکه بردفعه یوزینه باقامش اولدیغی عفتی
بوکره دقتله سوزه رك دیدی که :
— کوچك خاتم سوزلرکزی حالا اکلایه -

میورم ؟

عفت منفعلانه برطورایله اوکوزل قاشلرینی
قوسلندره رك :

— قابالی برشی سویلمیورم که سوزلر مه معما
شکلی ویره رك اکلایه مقده اصرار ایدیورسکز !
مادام که خسته ده کی وخامتی بندن صاقلیورسکز
بوتدیرکزك بیهوده اولدیغی اکلایه ایچون
کشف ایلایککز وخامتک نه اولدیغی ایستر
ایسه کز سزه بن سویله یم .

دوقتور کوزلرینی درت آچهرق صورتی که :

— نه در سويليکڙ ؟

— خسته لق « آ بسه دوفووا » (خراج
کبدي) ايله اختلاط ايتمشر .

دوقتور بودفمه جداً آقلاشه رق :

— بوني نه دن اکلاديکڙ ؟ يوقسه بندن

اول بورايه باشقه بر دوقتور مي جلب ايتديکڙ ؟

عفت ما يوسانه بر حال ايله ايجني چکه رک :

— سز بورايه انسانيت نامنه کليورسکڙ .

استانبولک سورندن خارج دينه جک بويله بر فقرا

محلہ سینه هانکي دوقتوري جلب ايده بيليرز ؟

هم والده مي کوردیککڙ کوندن بري تداويسنه

کال همت واعتنا ايله اوغراشدیغکڙي کورمکده

اولديغمز حالده ديکر بر دوقتور جلبی سزک

مساعیکڙه قارشى طرفزدن بر کفران ديمک

اولزمي ! بويله بر حرکتی هيچ بر صورتله

قبول ايتميز. بو خصوصده مضطرقالمش اولسه ق

بيله کيفيتي سزدن کيزله ميز . باشقه بر دوقتور
جلب ايدلمديکندن امين اولکيز .

— او حالده بو اختلاطی نصل کشف ايتديکيز ؟

— خسته نك زنکنده کی صاريلنگ تزايدن،

صاغ بوکرنده پيدا اولان سانجیلردن قی کلکه
باشلامسندن .

— بونلرک (خراج کېدی) علامتندن اولديغنی

نه بيلیورسکيز ؟

— پدرمدن قالمه بر « پاتولوجی » (علم الا -

مراض) کتابی وار ایدی آنده اوقودم .

دوقتور مستهزیانه بر تبسم کوستره رک :

— ديمک که سز طيبه ايمش سکزده بزم خبر من

یوق . شهادتنامه کز ی هانکی « انستیتو » دن

آلديکيز ؟

— هيچ بر « انستیتو » دن شهادتنامه آلمدم .

انسان مراق ايدوب ده پاتولوجي دن بر بحث

اوقومقله طیب اولمزا ؟ والدم « انتریت » دن
 یاتمقده اولدیغی ایچون اوبجی مراق ایدرك اوقودم.
 دوقتوراسته زاسنی بودفعه برجذیت متحکمانه یه
 تحویل ایدرك :

— بن اویله شهادتنامه سی اولیبوبده هکیم
 ایشنه قاریشان کوچک خانلردن پک خوشلانام.
 بو حال برقاچ سنه در مملکت مزده موده اولدی .
 بعض خسته خانلر طرفدن جلب اولنیورز .
 مریضک معاینه سفدن صوکره رچته یازیورز .
 خانم رچته یی النسه الهرق چیت چیت اوقویوب
 « آ ... سزده اوته کی دوقتور کی » انفوزیون
 دو هو بلون « دوقوسیون دو کنگینا لافته »
 « شیقوره سوواژ » وسائر یازم شسکیز بونلر اسکی
 ترتیب معدمه ای کلیور ، چوق قوللاندیم ...
 یازه حق یکی برشی بیلمیورمیسکیز ؟ دیور .
 بویله لرینی چوق کورم شدم اما سزک کی پاتولو .

جیدن بیان مطالعه ایدرك «قونسولناسیون» ه
 كیرمك ایستهینه هنوز تصادف ایتماشدم.
 جدیته تعلق ایدن خصوصاتده لازمه نرا كته
 رعایتده براز بخیل بولنان دوقتورك شو تكدیر
 كونه مؤاخذاتی اوزرینه عفت براز بوزلدیسه ده
 هیچ جواب ویرمامکی تربیه سینه دها موافق
 بولدی. قیزك سكوتی كورونجه دوقتور كندی
 حقك تسایم ایدلیدیكنی اكلایه رق تکرار
 دیدی كه :

— بر طیب صفتیله بو حرکتکزی تقدیر
 ایده من ایسه مده ذکاوتکزی تحسین ایتمامکده
 المدن کلز . اوت کشفکر طوغری...والده کزده
 بویله بر اختلاط وارددر. فقط صاقین «تره تمان» ه
 ده قارشمه یه قالقمیکز . بن سزه سوزویریو -
 رم که خسته شفایاب اوله جقدر... ایشك اوجهتی
 تمامیه بکا ابراقکز .

دوقتورسوزینی بونتیجهیه کتیردکن صوکره
ترجه افاده مرامه باشلایه رق دیدی که :

— پرهیزه ای دقت اولنیوریا؟ (خسته یه
خطاباً خالص سوت ایچه جکسکز. اولجه تعریف
ایتدیکم ترتیب و مقدارده جیک اتیه جکسکز.
اصلاً عادی صوایچمیوب « ویشی » و « قارلسباد »
معدن سولرینی قوللانه جکسکز. بووصایامه تمامیه
رعایت اولنیورمی ؟

دوقتورک بوسؤالی اوزرینه خسته قادین
ویریه جک جوابی عفتدن بکلیورمش کی قیزینک
قیزی ده والده سنک یوزینه برمدت برمایوسیت
والهانه ایله باقشدیلر . نهایت برقیصه جواب
تصنیعی جسارتی خسته ده کوریه رک قیزینی
محبوب ایتمک ایچون اولومنه راضی اولدیغنی
ایما ایدر برروی متوکلانه ایله غابت قوتسز اوله رق
« اوت » دیدی . عفت باشنی ینه پنجره جهته

چویرمشدی. ینه کوزلرندن بهار صباحلرنده
 تحریک نسیمه اوغرایان کلرک اوزرندن دوکیلن
 شبنملر کبی پرلانطه لر یووارلانیوردی. بی چاره
 قیزک یاسی صوک درجه یه کلش اولملی که
 ضبط تأثره موفق اوله مامقدن متولد برمحجوبیته
 اوغراماق ایچون هان یرندن قالقوب کندینی
 طیشاری یه آتہ رق صدای بکاسی ایشدلمسون
 دیه اوطه قابوسنی ده قاپادی. اغلیوردی. حزین
 حزین هیقجیرقلرینی ایشیدیور ایدم .

قزینک اوطه دن چیقدیغنی کورونجه خسته
 قادین رقت انکیز برطور متضرعانه ایله ضعیف
 صرارمش اللرینی یوقاری یه قالدیردی. وجهنده
 مؤثر بر اشمئزار پیدا اولدی. اوده اغلامق
 استیوردی . هیات .. زهر درونی خارجه
 آقتمق غبار تکدری کیدرمک ایچون پک چوق
 زمانلر بی-وک بردوا یرینه کچن نعمت بکادن

بيله طبيعت بوقاڭنى محروم ايتشىدى . برقاق
 طامله كوز ياشنى بوزوالايدىن اسير كەيوردى .
 باركاه احدىته قارشى آلايدىنى او وضع مؤثر
 استرحام ايله كوز قاپاقلارنى برقاق دفعه آچوب
 قاپادى . تسكين آتش آلامى ايجون ايكي قطره جك
 ياش امدادينه يتشمىدى . حيات بو قادينىڭ
 تكميل منابعى قوروتىشىدى . اغلامق استدجە
 كوزلرى يشارمىوب يالەكس قورپوردى . نظر نەڭە
 اسكى سونوكلك محاولەرق آنك يرينە بر آتش بر
 پارلىتى پيدا اولدى .

دوقتور سكوته قادينىڭ يوزينه باقپوردى .
 بو حال فجيى كورمەكە بىندە تحمل قالمىدى . تاثر
 كوسترمامك ايجون پك چوق جبر نفس ايلديكم
 حالە يەنە كوزلرم ياش ايله طولدى ، خستە
 كندىنىڭ دعوت ايدوب ايدوب دە آقتەمدىنى
 دموع تاثر ك بىندىن دو كولىكنى كورونجە دىدى :

— بو حالزه اغلا اوغلم ! اغلا ! انسانلغك
اك بيوك مزيتى بنى نوغنده كوردىكى آلام ايله
متالم اولمقدور . بن اغلايه مدم فقط بنم ايجون
براغلايانى كورمك بنجه دها زياده تخفيف ياسى
موجب اولدى ... شودار فاده چكه جك بك
آراضطرابم قالدى . يقينده هپسى يتته جاك .
اولوم شمديدن طمارلر مه ياييلدى . هر لحظه
اعراضنى حس ايتدير ييور . ارتق وجودم اك
شديد اضطراباتله آلوده اولدى . حواسمه بر
بطاات براويوشقلق كلدى . اولوم بنم ايجون
قورقوله جق بر حادثه دكل تمنى اولنه جق بر
نعمتدر . لكن عفتى بوياس وحرمان ايجنده
زار وكريان وكيمة سز براقوب كيتمك بكا
شمدي يه قدر چكديكم عذابلرك جمله سندن جى
كليور . قيزم برملاك ، محض عفتدر . وقتيله
پدرى مكمليت تربيه سنه صوك وسعى ايله اعتنا

کوستر مشدی . بومساعیدی فوق الحد ثمره دار
اولدی . فقط افندی نك وفاقی وانی متعاقباً
ارغرا دیغمز فلا کتلقولمزی قنادیمزی قیردی .
بو قدر آلامه تحمل ایده میوب شمدی به قدر
چوقدن اولور ایدم . اوف ... روحم قیزمدن
آریله مدینی ایچون شو عالم فانی بی ترک ایده میور .
خسته صولوق صولوشه بر ضعفله شو یولده
بیان تالم ایتمکده ایکن طیشاریدن ده عفتک حزن
حزن اینن کریمه سی حالا ایشیدیل یوردی . فقط
بوصدای بکا و قدر خفیف ویواش کلیور ایدی که
اوطه دن بونی بندن باشقه کیمسه ایشیده میوردی
ظن ایدرم .

دوقتور ایله بر ائکده بی چاره خسته یه تسلی
بخش اوله حق بر چوق سوز لر سویلدک . خسته ،
اغلا یا مامقدن منیمت اولان او حال الیمک کندینه
پک زیاده اضطراب ویور غنلق ویرمش اولدیفنی

ایما ایدر بروضع ایله باشنی دیواره طایایوب
 ضعیف چهره‌سی اوزرنده غریب بر تضاد پیدا
 ایدن آتشین نظریله بر مدت ایکمزکده یوزینه
 باقدقدن صوکره اولکنندن حالسز بر صدا ایله
 دیدی که :

— تسلی ویرمک نو عما امید ویرمک دیمکدر...
 امکان حصولی اولیان بر امیدک تعقیبی بنی ده
 زیاده مایوس ایدیور . شو صوگ سینه‌لرده
 اوغرا دیغمز صدمات مدهشه بنی حیاتدن
 ییلدردی ... بنم دوشوندیکم شی یالکز قیزمله
 اوغلمدر . انلری بویله بر معیشت مخوفه ایچنده
 براقوب کیدر ایسه م موتک عمومه مخصوص
 اولان سکونت ابدیه سندن ده حصه یاب حضور
 اوله میسه جغم ، مزارده کی کمیکلرمی ده بوایکی
 جانپاره‌می دوشونمکه پراضطراب اوله جق ظن
 ایدیورم . کرچه بو کون وارلغمله اولادرمه

قارشی هیچ بر معاونت مادیده بولسه میور
ایسه مده ینه هر حالده باش او جلرنده بر والد
کولکسی بولنق باشقه در . مادرانه بر دعام
نوازشکارانه برسوزم مشفقانه بر نظرم، ایچنده
بولندیغمز شو آتش ضرورته بو فقدان کلییه
قارشی صبر و متانت کوسترمک ایچون آنلره
بیوک بر تسلی یرینه کچر... هیات... کوریو-
رسکز که یولچی یم. کیدیچی یم. یقینده ایکی اولادمده
فلکک دست جورنده معینسز حامیسز امیدسز
تسلیسز قاله جقلمر .

قادین کندی اغلایه مدیسه ده بویوله اوزون
اوزادییه مؤثر سوزلریله بزی اغلاتدی . بر
مدت صـ و کره عفت یوزندن اقان سیلاب
بلادن اثر کوسترمامک ایچون یوزینی
بیقامش اولدینی حالده جبری بر روی متانتله
اوطیه کیردی. خسته قادین در حال تظلماتی

کسیدی. آنک یوزندهده ساخته بر بشارت پیدا
 اولدی. صانکه بوبی چاره لر فلکی کندیلرینه
 کولدر مامک ایچون کندیلری تبسمه اوغراشیور لر
 کویا که نصیک قهری بونار ایچون بر لطف
 ایمش کبی بر برینی الداتغه چالیشیور لر ایدی.
 خسته قادین صانکه بتون آمال حیاتیه سی
 طو پلانمش ده قیزینک یوزی شکله کیره مش
 ویا خود که ارتق اوچنه قدر گلش اولدیغی حفره
 موتدن اتکنی چکن زبانیلرک مرحمتلرینی جلب
 ایچون « بوقیزی براقوبده نصل کیده یم ؟ »
 مألنی نظریله افهامه چالیشیور ایمش کبی انجق
 فرط محبت مادرانه ایله متحسس اولاندردده کوریه
 بیله جک با یغین واستغراق کارانه بر باقیشله بر مدت
 قیزینه باقدی. بواثناده خسته نک رنکی بوسبتون
 اوجدی. کوزلری مؤثر بر صورتده سوزلدی.
 مع مافیله وجهنده خفیف بر تبسم واردی.

بدبخت قادینی او حالده کورنجه حالت نزعہ کلش ده
مقامنی سیر ایدیور ظن اتم .

« ارتق قوۂ مالیه من فوقنده اولان » « ات » « سوت »
لقر دیسی ایدوبده قیزی تکرار اغلامه
معناسنی اشراب ایدر بر حالده خسته اوبایغین
نظرینی بده براسترحام صامتانه ایله دوقتوره
اماله ایتدی .

بز دوقتور ایله حقیقه مشکل بر موقعده
قالمشدق . خسته یی او یله تهاکه وفقدان کلی حالده
آچ و بی علاج بر اقوبده نعل او خانه دن چیه
بیلیر ایدک ؟ بر مر و ت انسانیه اولق اوزره
خسته نك یاصدینی آلتنه بر قاچ مجیدیه بر اقاش
اولسه ق بو حر کتمز ایله حب نفسارینه طوقنهرق
قاش یاهیم دیر کن کوز چیقارمش اولیه جغمزده
بزجه معلوم دکلدی .

مکرسه دوقتور بو خصوصی او خانه ده

ایلك كليشـنده دوشوئش وحتی قبهـسـنی بیله
حاضر لاش . ارقداشم کولر بر چهره ایله
دیدي که :

— خاتمرسزه برشی سویله یه جگدم . نصلسه
دمندنبری خاطرمدن چیقمش . هانیـاـچـن
هفته کلدیکم زمان بکا عفت خانمک غایت مهارتله
اطلس اوزرینه ایپکه ایشاهمش اولدینی بر باصدـ
یق یوزینی کوسترمش ایدیکز ده بنمده پک
تقدیر ایلمهم اوزرینه یاصدینی بر یادکار اوله رق بکا
جبراً قبول ایتدرمش ایدیکز ؟ او یاصدیغک
باشنه نه لر کلدی بیلسه کز ؟ او یاصدق یوزی
کاغده صاریلی اوله رق المده بولندینی حالد
بورادن طوغری محل وظیفه مه کیتدم . ارقداشلر
الا اولنده کی کاغدی آج ایچنده نه وار کوره جکز
دیدیلر . بن باشمه کله جکی بیلـدیـکم ایچون چوق
اصرار کوستردمسه ده دیکله مدیلر . نهایت آچدق .

هپسی بردن امان اونه قدر ظریف شی دیسه
 باغریشه رق بیان مفتونیت ایلمکه باشلا دیلر .
 ایچلرندن بری « قیز قرنداشمی کلین ایدیوروز .
 کلین اوطه سنه قویق ایچون بونی بکا ویر » دیدی
 دیگر طرفدن بری بن کندم اولنیورم بکا ده
 مناسبدر دیه فریاده باشلادی . اوته دن براو چنجیسی
 چیقهرق بویا صدیغه مالکیت مطلقا کلین کو کیلک
 ایله مشروط دکلدیریا ؟ بن کوزل شیرلی سورم .
 حق تقدیر هرشیدن بیوکدر بکا ویر مایسکیز
 دیدی . حاصلی بر دردنجی بر بشنجی طالب ده
 ظهور ایتدی . ایش بیودی . کیمسه یه ویره مم دیه
 او قدر باغروب چیغردم پاره ایتدی . بری اصدق .
 سکسان کسی یه بردن ویر یله مزیا ؟ دیه هپسنی بردن
 باشمدن دفع ایتک ایستدم . ایچلرندن معذبک
 بری « آنک ده یولی وار افندم . پیانقو چکرز
 کیمه چیقارسه ! » دیه میدانه آتیلدی ، نیچون بن

یا صدیغمی (بس باداوا) پیانقویه قویوب
ایچکزدن بریسنه مال ایدیم؟ دیه بوتکلیفی
شدتله رد ایتدم. «پاره سیله» دیه باغرشدیلر.
نهایت اللرندن خلاص قابل اوله مدی. نومرو
باشنه ایکشر چاریک اولمق اوزره بر پیانقو
ترتیب ایتدک. یدی بچق مجیدیه طوپلانندی.
پیانقوی چکدک. اوتاهل ایده چک اولانه چیقدی.
بوصورتله اللرندن قورتولدیم. واقعا یادکار اوله.
رق هدیهدی ایدیلان برشیئی پیانقویه قویمق، قدر
ناشناسلق دیمک ایهده بنم ایچون باشقه یولده
حرکته امکان قالمامش اولدینگی ایچون البته بنی
معذور کوررسکیز. کوچک خانمک اللری صاغ
اولسون بکا بر باشقه سنی ده ایشلر.

یولنده اوزون اوزادی یه بر مقدمه یاپدقن
صوکره جیبندن پاره لری چیقاروب :
— شوحر کتمدن طولانی بنی بسبتون محبوب

ایتماکز ایچون بوپاره لری قبول بیورکیز.
 دیه رک مجیدیه لری خسته نک یاصدینغی اوزرینه
 قویدی. قادینلرک بو خصوصه بده بیان مطالعه
 ایتملرینه اصلا وقت براققسزین تکرار دیدی که:
 — افندم بو طرفلرده اجزا خانه اولما ملی.
 اولسه ده اجزالری بیا تدر. بن یازدجغم رچته لری
 کندی اجزا خانه مده یاپدروب لازم کلن مدن
 سولریله برابر یارین ایرکندن بورایه کوندیریم.
 ادویه نک صورت استعمالنه دائر ایجاب ایدن
 تفصیلاتی ده عفته ویردکن وایکی کونه قدر
 کله جکمزی وعد ایلدکن صوکره کیتمک اوزره
 قیام ایتدک .

بویاقو صنیه سنه ایناندیلرمی ایناندیلرمی
 ارتق اوراسنی بیله مم . والده سی ده قیزی ده
 نه سویلیه جکلرینی بیله میه جک بر بهت عجیه
 ایچنده قالمشاردی. عفت بزنی مردیون باشنه

قدر تشيع ايتدى. خستته نك ارقه مزدن بزه
بر طاقم دعالرده بولنديغنى ايشيدييور ايدك .
كسكين بر رطوبت قوقوسى نشر ايدن او قرانلق
حوليدن كچوب سوقاغه چيقدق .

هرايكيمزده سوقاقدده . بالاتكلم طالغين كيتمكدده
ايكن همان بش اون آديم صوكره ارقه مزدن :
— هو ! دايقانليلا ! باقسه كزه جوانلرم !
ديه برسس ايشتك .

صدانك كلديكي طرفه باقدق كه شقاغى اوزرنده
يوز قاره سى كي بقله قدر برلادن، قاشلرنده
قزغان قولاي راستقلى، چكه سنك اوست طرفنده
اولادندن برسياء لكه صچرامش كي رخال مستكره
بولنان باش اورتولو كيرلى يلدروملى مدور چهره لى
اللى ياشلرنده قدر طومبالا قجه برقادين النده كي
ميدان سپوركه سنك صاينى قولتوقلرندن برى الته
طايا مش بها ثمانه برتبسمله بزه طوغرى كولپور .

برقابا نقاشك دست ترسیمندن هنوز چیقمش
ظن اولنان اوبله لادنلی راستقی بنلی زلفلی
برچهره نك بزه کولدیکنی کورنجه :

— دستور توتو ! بو « روکوش » خانم
عجبا بزدن نه ایستور ؟ دیدم .

درقنور — امان یواش سویله شمدی بوقاری به
بیراقلری آجدر رسك ها ! دیدی .

بنات حوانك دوه دیکنی جنسندن اولان
بوعجیه روزکار بزم توفقمزی کورر کورمز
سپورکسنی سوردویهرک اتکارینی یاپیرده تهرک
همان یانمزه قوشوب بابا هندینرک غلوغلو سینه
بکزمین برغاضات صدا ایله دیدی که :

— قربان اوله یم یاوروم ! . . سزدونمه لرك
اوندن کلیورسکیز . . شمدی اورادن چیقدیکنز
دکلی ؟

دوقنور — اوت اورادن چیققدق . خسته

واردہ اکا باقدق .

قاری — یا ! یا ! دونه لردن چیق دیغکزی
 بنده کوردمده ... ایچلری طیشنه دونسون...
 نه ایسه شمعی اولازم دکل یا ! .. شی ... او
 صرارتمه قاری دها اولدی می ؟ .. آمان (خانم!)
 قاج آیدرچکر . ایتدی کی وارکه بردرلو جان
 ویرهمیور . غالبا ارتق آلتنه کیدی یورمش !
 او قوقونه قیافتلی قنم صیق قیز نه یاپیور ؟ آه
 ایکی کوزم سوزمه عاشوره ! ... فانتازی یه ! فانتاز-
 ی یه ! کبر کبر کبر کبر ارتق برشی ... او قیز
 فلکه کلک دیور شو یله . . باری بر آهم
 شاهبازم اولسه ... سوقاغه بر قیلقدہ چیقار که
 کورسه کنز ... ایپکلی چارشاف ... قیجئنک اوستنده
 بوقچه قدر برکومبد، دانتاللی شمسیه ... نه لازم
 باباسی بنم قیزه اولردن اعلا سنی آلدی ... حسد ایدن
 حسد دن قوروسون ... سوزک تمثیلانی سویلیورم

هانیا! محله یه کلدکری کوندنبری کیمسه یه برفنجان
 آجی قهوه لایجرمدیلر . قهوه دن کج بر سلا مرینه
 نائل اوله مدق . بز انسانی یه رز : بز هر صباح بتون
 قومشولر طوپلانوب قهوه لایجر کولراوینارز .
 انسا نه قاریشمیورلر که ... قومشو قصورلری ...
 هاطور .. دهانه لرم وارنه لرم ! .. قیزک یاقلیسمی
 عاشق ایسمی نه در ؟ بر دلیقانی وار . اسمی دیلمک
 اوچنده عا کف می عاطفی نه ایسه ایشته اویله
 برشی ... یاوروجم ! .. اودلیقانی اقشام صباح
 ایکی النده طیقم طیقم طولی ایکی چیقین ... تکر -
 ینک کونی هاطاشیرمی هاطاشیر ... کور بوغازلری
 طویق بیلیمور ... نه مه لازم کوزم یوق یا ...
 کوزی اولانک کوزی چیقسون ... ایکی الم یانمه
 کله جک نیچون انکار ایده میم ؟ بز مکی ده بزی یمشسز
 قویماز . اونک ایچون دیمیورم هانی او قیزک نه سنه ؟ ..
 پا طلالا دیغم نوراسی ایشته ... کچن کون یانی باشلر -

نده کی قومشوشریفه خانم برتجره ایسته مک ایچون
اولرینه کیتمش ... مطبخلرینی برتعریف اید -
ییور... (خانم!) نه یوق نه یوق قوش سودندن ماعداسی
دیور . پارق کبی چاوش اوزملری کورمش...
قاری امزیکلی... نه اولور آکور اولاسیلر
بردانه طاتدرکز... نه کزر؟ کیمسه برشی
قوقلاتمازلرکه ... « شریفه بعض اقشاملری
کولباصدی قوقوسندن بورنم قیریلیور ، امرنه
امرنه سوتم قاچه جق » دیور... قومشوحق
واردر اوغلم... بن برپلاو پشیرسم قوقشدر
دیه حسیه طاتدرم... اه ایچون سویلملی یا؟
یچون ویریورسک دیه زمکی ده اغزینی آچوبده
برشی سویلمز... ایرادلری نره دن بیله میورم که...
برقوقونه قاریسی بوچه بوچه اوقیزه ایش
کتیریور. نازک خانم بویا ارتق پک انجه ایش
ایشلر مش . بنم صفیه ده اوکرندی . او یله بر

قسناق ایشلیورکه کورنلر پارمق ایصیریورلر .
 بنم قیز او یله جیلز غد و بت ده دکلدر ... آی
 پارچه سی کی اولدی مشاه ... کچن هفته
 ییلانلی آ یازمه یه سیره کتوردیم . کورن دلیقانلیر
 ارقه مزدن یاهی چاغر شدیلر . ایسته ینک حدی
 حسابی یوق . اولاددر افتخار ایتزمی یم؟ انشااه
 بر حلال سوت امله دوشر ... اوت جوانم
 لاقردمی اونو تدم . لافم زره یه کله جکدی ؟ ..
 ها ... شی قیزک یاقلیسی اودلیقانلی نکاحسز
 او اوه کیروب چیقیور ... بزمنه سویلدم ...
 امامک قولاغنی بوکه جک ... ها صحیح !
 نکاحسز دیدم ده عقلمه کلدی ... طویدیکزمی؟
 مارپوججی عبدالله ینه قاری بی براقدی ...
 بو اوچنجی بوشایش . ارتق نکاح یوق ... قاضی یه
 کیتدیلر بیلمن نصل اوله جق ؟ .. حریف
 سرخوش اما قاری ده ادبسر ...

باقدقکه قاری بی دیکله مش اولسه ق اذانه قدر
 صوصمیه جق . صانکه بتون نمائم بشریه
 بر آرمه طویلانوب بر برکان زهر افشان تشکیل
 ایلمش او برکان ده بوقاری یه اغز اولمش ، بیلا-
 نلری چیانلری صوقسیله اورکوده جک ظن اولنان
 بوجهنم منفذینک اوکندن « مابعدی صوکره »
 دییه رک همان صاووشدق . برقاج آدیم آچیار
 آچیلماز قارشیک سواقدن ظهور ایدن سوتیبی
 قیافتلی بر حریفه خطاباً قاری :

— خلیل اغا هو !

دیه باغر مغه باشلادی . بز یوررکن ارقه مزدن
 شویله بر محاوره آچیلدی .

خلیل اغا — نه اوقوجه کلشوم ؟

قاری — شو کیدنلری کور ییورمیسک
 کیدنلری ؟

خلیل اغا — کور ییورم نه وار ! ایکی دلیقانی .

قاری — اشته اونلر دونمه لرك اوندن
 چیقديلر . دونمه لرك ایرادی نره دن اولدیغنی
 اکلایورسك یا ؟ ارتق بواقشام شریفه کولباسدی
 قوقوسنه طیانسون ! بونلر هکیم ایمشله هکیم .
 ایکسی ده صر مه تربیقلی . بم بیاض آی کی
 چوجقار . خسته قاری توکلی کبره میور . هیچ
 بویله هکیم لرك النده انسان اولور می ؟ یا اوبرینک
 دوکه لری موم کی یانیور ... بن اوکسوروکه
 اوغرا دیغم زمانلر بزمکی جکر اوتی بول بول
 قایناده ایچ دییور . هکیم یوزی کوردیکمز یوق .
 امان بن ده خسته لاندیم . عجا بکاده باقارلری ؟
 ديه قاری ارقه مزدن یرتیه یرتیه باغردقدن
 صوکره حجازدن «دو قنورنه ایچون نبضمی آلدک
 اله سویله » شرقیسنه کیریشدی .

۳

عفت ! نظر خیالده هی او . اوماکانه

سیاسی محزونانه اداسیله خسته والده سنک باشی
 اوجنده طولاشیور. قورقونج فکرلرک تهاجیله
 یخضور بی نوم قالدینی کیجه لرده او ویران
 خانه نک قریق پنجره سندن شب دیچوری سیر
 ایدرک سچه مدیکی استقبالی کورمش، طالعی
 کوزلرینه طولمش کی اغلایور. کندی کی عمرک
 دم بهارنده بولانلره اک پارلاق خیالارله ملون
 بیک دنک ایتسام کوسترن حیات بو طالعه سزه
 بی حد و پایان مخوف برعمان اضطراب شکنده
 کورینیور. احتمالکه بمضاً کنج لکاک کندنده
 تولید ایتدیکی روحنواز برهوسله قلبی ضربان
 ایدیور. دوشونیور... هیئات!

کندی ایچون بتون املارک منکسر بتون
 آرزولرک بی مال اولدیغنی اکلایور. ینه اغلایور.
 بلکه ده خسته والده سنه علاج پاره سی تدارک
 ایتک اوج جاندن عبارت اولان عائله سنک

معیشتنی تأمین ایلامک ایچون کیجه کوندوز ال
 دیکیشی دکه دن نقش ایشله مدن اوزون دوشو-
 نمکه وقت بوله میور. فقط بومساعی روز ولیلامک
 املک پاره لرینه کفایت ایده مدیکنی کوریور
 ینه اغلایور.

کیم بیلیر؟ بعضاً والده سنک کوزلری قبانمش،
 بز اورتولو بر قریق طابوته یاتیرلمش، درت کیرلی
 حمالک اوموزنده مزاره کتورلدیکنی کوروب
 کندینی کوچک قرداشیله او خرابه زارده
 همرازسز، تک وتنها بوله رق موحش خلجانلره
 دوشویور ینه اغلایور. حاصلی اغلایور اغلایور.
 فلکک اک کوزل بر لاله زار خونین کوسترمک
 ایچون اتخاب ایتدیکی اوبایغین اوطاقتشکن
 کوزلرک قرمز یلغی بویله بر کرئه متمادی اثری
 دکلمیدر؟

عفتک لطیف افندی اسمنده بر نشانلیسی بواندیغنی

بييورز. والده سى وفات ايدوسه قيز بودليقانىنىك
تحت نكاحنه كره رك كنديسنه بر رفيق حيات
بولش اولور. فقط روش حاله باقليسسه بر
دليقانى ده پك تهي دست اوللى. چونكه عفت
كبي بر زوجة مستقبليه وقف امل ايدوبده
انسانك بتون وارينى او او غورده صرف ايلمامسى
قابل اوله من ظن ايدرم. او جير لاق محله قارىسىك
روايات حسودانه سندن هيچ بريسى ده اعتماده
شايان دكل. او « طيقلم طيقلم » ديه توصيف ايتديكى
چيقنلر بر اوقه اكككن عبارت ميدونه در كيم بياير؟
آج كدى كبي اطرافى قوقلايه قوقلايه بحث
ايتديكى كولاى صدى قوقولرى ده صرف مبالغه..
اوراسى كبي كنار محلاتده براوقه ات آلق بش
اون قربان كسمك درجه سنده اعظم وقوعا تدن
صايلد ينى ايجون بچاره « دونمه لرك » اونده آيده
ييسلده پيشن اتك قوقوسى هيچ ات يسه مين

قومشولری امنزکای شریفه یه پک اشتها انکیز
کلش اولملی ...

عفتک هر حالی بنی مراقه دوشوردی . بو
سفیل عائله نك معیشتنی یقیندن کوروب تدقیق
ایتمک، ممکن اولورسه ترفیه حالارینه اوغراشمق
آرزوسنه دوشدم . لطیف افندی دیدکلری
ذات نه خلقتده نه طبیعتده برآدمدر ؟ قیزه
اولان محبتی صمیمی میدر ؟ قیزده آنی بر محبت
جدیه ایله می سویور ؟ یوقسه ایچنده بولندی
عالم ضرورت و تنهائینك تخفیف مرارتی ایچون
بودلیقانیله اضطراری برروی قبولی کوستر .
یور ؟ ... بونلره ممائل دها برچوق فکرلر
ذهنی ساعتلرجه اشغال ایتدی . اوکونلرده
برزیارت دها اجراسی ایچون دوکتورک ورودینه
صبرسنزلقه و بلکده خلجانله انتظار ایدیور
ایدم . نهایت ایکی کون صوکره بر بازار کونی

دو قور کلدی. کندیسنی کورونجه سونجمدن
بویوننه صاريله حق کبی برتهالکله دیدمکه :

— خسته قادین عجیبا نصل اولدی ؟ عفت
حالا اغایورمی ؟ بونلرک حالی سن ده مراق
ایدیورسک یا ؟

رفیقم کمال جدیتله یوزمه باقوب :
— اماده تحفسک ها ! اونلریمی دوشونه جکم
آبرادر ؟ خسته یوزی کورمه دن مرض لاقرد-
دییسی ایتمه دن آرتق قولاقلمه کسل کلدی .
بن بورایه خسته لردن قورتیلوب برصا غلام
آدمله قونشمغه کلیورم .

سندن ده می خسته لاقردییسی دیکله یه جکم ؟

— بن هپ اونلری دوشنیورم .

— اه ویرسون ... دوشونه جک بشقه
برشینک یوق ده کندیکه برسرمایه تفکر، ذهنکه
برواسطه اشتغال ارایورسک . بن سنک کبی

دکلم . اکر هر کوردیکم خسته ایچون اون دقیقه
دوشونه جک اولسه م ایرتسی کونی بن ده خسته
لانیرم ... اوزمان بنی کیمسه دوشونمز ...

— آجانم ! عفتک آناسنی نیچون بشقه
خسته لره قیاس اییدیورسک ؟

— عفتک آناسنک محضا عفتک آناسنی
اولدینی ایچون خسته لقه ده برامتیاز مخصوصی
حائز اولسیمی لازم کلیر ؟ اوقادینک بوینوزی
یوقیا ؟ اشته اوده سائر خسته لرکی برخسته ...
— وعد اییدیگک علاجلری کوندردکی ؟

— کوندردم . ایی اولسی ایچون ده الیمدن
کلدیکی قدر غیرت ایده جکم ... بن یالکیز
برشینه بویله لزومندن فضله اهمیت ویرمکی
سوم .

— خسته یی کورمکه کیمیه جکمی یز ؟

— « جکمی یز » نه دیمک ؟ سن ده ینه برابر

کلکمی ایستیورسک ؟

— استیورم همده شدتله ارزو ایدیورم .
 اوپلهیا! اولوم حالنده برخسته قادین . برده
 مؤدب هزارفن کوزل بر قیزی وار . احتمالکه
 قادین یقینده وفات ایده جک ، اونادره حسن
 کیمسه سز قاله جق ؟ روزکار بختی کیم بیلیر بوقیزی
 نصل ورطه لره دوشوره جک ؟ ویا هانکی موقع
 عالییه اصعاد ایده جک ؟ .. عاشقار قیزک اطرافنی
 سازه جقار . مطمح محبت اولان بویری جمال
 اوپله عادی معشوقه لردن دکل ، برقاج لساندن
 اوقور یازار طاقدن ... افتادکان ایله بوقیان
 زمانه بینده آچیله جق ابواب معاشقانه قلوب
 بشریه یه تعلق ایدن فجیع مضحک درلو سرائر
 سودارونمون اوله جق ! .. فنا رومان «سوژه» سی
 دکل . فکریکی اکلا یورم . بو عائله یی کورمک
 ایسته یشک صرف مرحتکدن ایلری کلیور .

رومانه « قولور » ویرمک ایچون احتمالکد یقینده
 اوخسته قادینک وفاتی ده ارزو ایدرسک.. فقط
 دقت ایت.. قیزه باقشلریکی بکنه میورم.. تصویرینه
 اوغراشدیغک رومانده صوکره حالنه اک زیاده
 آجینه جق « قهرمان » سن کیندک اولمیه سک..

هیهات!.. دو قنورک شو ملا خطا تندن هیچ بری
 حیز حصوله کلدی. یقینده بالتأثر مشهود
 اوله جنی وجهله عفتک طالع نحوستی دو قنورک
 تصوراته کلیاً مخالف بر نتیجه مکوسه کوستردی.
 بنی هفته لرجه اغلاتدی. بویله مؤثر بر وقعنه ک
 تنه ویری خصوصنده درکار اولان عجزمه
 باقیه رق بلسکه ازاله زهر درونمه مدار اولور
 بلسکه یاسم سکونت بولور خایاسیله قلمه صارلدم.
 سرایت اتش وجود مدن المده، بر قصبه پاره
 مسخن کیلن قلمک دخول و خروجیه عفتک
 عمری کبی قاراروب قاتیلاشان حقه ده کی مرکی

— همان یاری یاری به ایچنه دوکلن کوز یاشلرم
 صولاندرمشدر ! زواللی قیزک موتی ده حیاتی
 کی فجیع اولدی . آنک ایچون فجاعت عمری
 تأثرله تمیع ایتمش ، قان ایکن قرارمش بر مرکبله
 خلاصه ایدلدی . فقط ینه هیات که ... کردون
 حسود بو ملک خصلت قیزه چکدردیگی طاقت
 بر اندازانه جفالرک بر کتابة سنک مزار اوزرنده
 خلاصه وضع انظار عبرت ایدلمسینه بیله مساعد
 بولمندی . دنیاده هرشیدن محروم مایوس براقدینی
 کی فوتنده ده ابدیت قرارینه نشانه اوله حق
 بر سنکپاره بی کندیسینه چوق کوردی .

صانکه بر قوء خفیه بو نتیجه فجیعه بی بکا
 احساس ایدیوردی . دو قتورک خشونت
 طبعی تخفیف ایچون کونا کون کریزگاهلر
 آریوب درلو لطیفه لرده بولندم . بر ساعت قدر
 طالق اوقلق ایتدکن صوکره اوکونی همان

اوساعت خسته يي زيارته كيتمك خصوصنده
 كنديني ارضايه موفق اولدم . سكوتتي قبرستانه
 بكنزه ين اوايصسز اكري بوكري سوقاقلردن
 كچوب عفتك دارالحئي اولان اوييقيق خايه
 واصل اولدق . بودفعه قيز بزي اولدقجه
 بشوشانه برچهره وصميمانه برطورله استقبان
 ايتدى . ايلك زيارتمده اولديني كي بكا قارشى
 توحش وييكانه لك اثرى كوسترمدى . چونكه
 بنده والده سنى تداوى ايچون كلن بردوقفور
 ظن ايدىوردى .

دوقفور معاينه سنى اجرا ايتدى . خسته يي
 براز ايشمش بولدى . خسته لك فريباً مبدل
 عافيت اوله جغنى تبشير ايتدى . كرك والده سى
 كرك قيزى طرفندن بزه ايديان دعا وتشكر لرك
 حد وحسابى يوقدى .

بو ايكي فلاكتزده اولكي زيارتمزده فقر

و ضرورتلرینک درجهٔ شدتنه بر معیار جلی
 اوله بیله جک صورتده کوزمزک اوکنده - وهان
 کند ی اراده لری خارجنده - جریان ایدن
 بعض احوال مؤسفه سبیلله یأس و فاقهٔ داسوزا -
 نه لری بزه آکلاتمش اولملرندن غایه الغایه دوچار
 شرم و ندامت اولمش بولندقلرینی کوستر بر
 حالده بودفعه غایت شطارتلی بولمغه جبر نفس
 ایلیورلردی . خسته قادین اوصرارمش ضعیف
 یوزینه هیچ یراشمیان تبسملرله سوز سویلیمکه
 اوغراشدقجه حیاته قارش ی اولوم کولیورظن
 اولنیوردی .

عفت بزه قهوه لر سیغاره لر کتیردی . بودفعه کی
 زیارتمز طیب صفتیله اولان بر زیارتدن زیاده
 عادتا دوستانه بر مسافرته بکزه دی . مصاحبه
 اناسنده یرمدن قالقوب کچن دفعه کلشمدن نظر
 دقتمی جلب ایدوبده تدقیقه وقت بوله مدیغم

او دیوارده کی خالی ایله اوکنده کی «نه تازر» ک
 اوزرنده کی ساقسیلری کوزدن کچیرمکه باشلادم.
 یقیندن باقنجه بونرک جد آشیان ندقیق مصنوعات
 نادره دن اولدیغنی کوره رک حقیقه مراقم تزايد
 ایتدی. کوردیکم سجاده اوبیلدیکمز خالی اصولندن
 منسوج دکلدی. خیلی برمدت دقتله باقدم . بو
 خالینک طولانی اوله رق اینجه اینجه یرتیلوب صیقیجه
 بورولمش بزلردن متشکل صیق خانه لی بر قاناوا
 اوزرینه یوکلای وایپکلی قرینتی پارچه جقلمرینک
 ایلمک صورتیه ربط ایدلملرندن وجوده کتیرلمش
 غریب فقط پک ظریف برشی اولدیغنی کوردم.
 بو قرینتیلرک او جلری غایت مهارتله قیرپیلمش وعادتا
 چوره سی کتابه لی واورته سی کوبکلی رنک آمیز
 بر خالی طوقومسنه بکزه دلمشیدی . عفتک
 دست معرفتندن چیقدیغنه شبه اولیان بو خالی بی
 چوق بکندم . هر خانه ده برایشه یرامیه جفی

ذهـابیله مزبله یه اتیلان قرینتی پارچه لرینی قیز
 ذکاسی سایه سنده کوزل قیمتدار بر خالی شکنه
 قویمش ... یا او ایکی ساقسی دهـا زیاده نظر
 تقدیرمی جلب ایتدی . بونلرک دروننده کی
 چیچکلر، یاپیلردن صرافوز دکانلردن آتیلان
 عادی تالاشلردن مصنوع ایدی . بوتالاشلر
 اوقدر اینجه الیافه آیرلمش ، بو الیاف کوکه ،
 ساقه یپراغه . کونا کون ازهاره مناسبت آله جق
 الوانده ایپکلرله اوقدر عقل براندازانه برظرافت
 ومهارتله صارلمش ایدی که حیرتله باقوب باقوب ده
 بونلری تنظیم ایدن الده کی استعداد خدا داده
 مفتون اولماق قابل دکلدی .

صوکره دن بنی اک زیاده مبهوت حیرت ایدن
 شی بو ایکی ساقسینک اورته سنده کی لوحه اولدی .
 بو لوحه کوچک قطعه ده اولوب آفاق بی پایانیه
 کوکالری استغراقه دوشیرن ، شدت غلیانیله

کوپوکار صاحبان بردار اوزرنده غروبى مصور
 ایدی . فقط رسمى نه فیرجه ، نه ده قلمـله
 ترسیم ایدلمشدى . دلکرى غایت اوافق بر قاباوا
 کاغدى اوزرینه رنگارنگ اینجه ایپکارله
 ایشلمشدى . نصف قرصى صویه کیرمش
 بولان شمسک مغربندن اطرافه صاحبدینی
 صوک شعاعات حزینانه سی و بو حزمات
 زربنک عکسندن سماده کی بر قاج پارچه
 رقیق بلوط اوزرنده وسطح دریاده
 پیدا اولوب درجه درجه قوتلرینی
 غائب ایدن سوداوی ، آتشین الوان غروب
 فیرجه ایله ترسیم ایدلمشدن زیاده حسن امتزاج
 ایتدیرلمشدى . ایپکله بوقدر استادانه ماهرانه
 نازک بر اثرک وجوده کتیرلمش اولدیغنه حیرت
 ایدوب طور درکن چشم دقتم بردن بره بوسبتون
 آچیلدی . قرص شمسک و حزماتدن قسم کلیسنک

صرمه دن دها پارلاق اییکن دها رقیق آلتون
 رنگلی صاج تلرله ایشلمش اولدیغنی کوردنم.
 عفت شوغروب لوحه سنده کی شمش ۴۰ یی حقیله
 تصویر ایده بیلیمک ایچون لوزلر قاشدره ق
 خصوصنده طبیعتک غروب درجه سنده بر معجزه
 کالی اولان کیسوی زرتارندن برقاچنی علاوه یه
 لزوم کورمش وینه او آلتون صاج تلرله لوحه نیک
 آلتنه شوییتی ایشلمش :

سرمدن آلدی آتش افق هجران

خروشان اولدی اشکمدن شو عمان

حیرتدن حیرته دوشدم . پیش مفتونیتده کی
 اوکوچک لوحه نظر مده بر عالم قدر بیودی . هم
 او یله بر عالم کد غروبی فلاکک آتشبارایتدیکی بر قیزک
 سر سودا نشارندن فروزان اولمش ، عمان
 خیزاب انکیزی قدرک طور میوب اغلاتدی می چشم
 مصعومیتدن طامله یه طامله یه چوشمش ...

آفاقى شعله كير ايتمك ايجون صاچندن آتش
 ويرن ، سيلاب بلاسيله قدرينه بردرياي جوشان
 كوسترن اوسماي حسن قارشيمده طور ييوردى .
 عفت نظر مده اسكيسندن بيك قات تعالى ايتدى .
 نظرم بوقيزى ماديت فوقنده بر جسم نازك ،
 لاهوتى برمك كبي كورمكه باشلادى . اودر -
 جه ده كه كوزلرمك اوكنده اوفرشته جمال يوكسلى
 يوكسلى بلوطلره قارشدى . نظرم ده جسمانيته
 برخيال صورتنه انتقال ايدى . اوپرى بالا پرواز
 ايله برابر اعتلا ايدييوردى . شمدى يه قدر نه رؤياده
 نه عالم خيال شاعرانه ده كوره مامش اولديغم شواحق
 افكار بوقيزى تماشا سايه سنده بكامنجلى اوليور
 ظن ايتدم . هواي صاعدك نسبت صعودله
 منبسط اولسي قاعده سنججه دماغم كشافتنى غائب
 ايدييور ، مفكر هم شفاف حالته كبرييور ، عالم
 بالاي خيالاك نوردن منور ، اثيردن خفيف

سیدسری ینمه طولیور، حاصلی ذهنم قلمک
 تعریف ایده میه جکی ماهیتده علویاته تماس
 ایدیور کبی بروجده دوشدم ... هیئات !!
 بوقیزک خلقتنده کی میل اعتلا مراقبه طوقاندی .
 کندیسنی بوارض دنی یه پک بیسکانه کورددم .
 محزون اولدم ... بوتصورانله چهره مک نه حال
 کسب ایتدیکنی بیله میورم . یالکیز دوقتورک
 یوزمه باقوبده :

— نه اوایورسک مونشر ؟ ینهمی تخیلات
 شاعرانه ؟ دیمسی بنی طالمش اولدیغم او طاتلی
 رؤیادن بیدار ایتدی . ارقداشم بکافارشی اولان
 هرزمانکی طور استمزاسنی طاقنه رق فقط بودفعه
 عفته توجیه خطاب ایدرک دیدی که :

— رفیقمدده براز شاعرلک علتی واردر ...
 اطرافنی محیط اولان عالم مادیتده نظر دقتی جالب
 بیک درلو اشیا بولندینی حالده کندیسنی انلرک

هیچ برینه عطف نظر تنزل ایتمز . دائماً سماده
 بلوطلر آره سنده ، عرش برین خیالات ایچنده
 یاشامق ایستر . اکثری زمان برابر بولنوروز . فقط
 بنینه یالکیز قالمش اولورم . چونکه ساعتلر
 کچر اغزندن برسوزچیقماز . خطابلرمک هیچ
 بریسی طویمز .

دوقتورک شوتوصیفی اوزرینه عفت دقتله بکا
 توجیه نظر ایتدی . برمدت اوکوزل او بایغین
 کوزلرک . شمول نکاهی اولدم . علیندن
 اوزریمه نور صاچیلیور ظن ایتدم . برمدت
 جزئییه ظرفنده نظردن نظره حاصل اولان
 جریان قلبی لرزه لر ایچنده براقدی . صانکه
 عمان خیالاتم هپ بر نقطه یه طوپلانهرق عفتک
 شکله تمثیل ایتشدی . بوراز بینانه باقیشمندن
 صوکره یالکیز بنجه محسوس اوله حق بر حزن خفی
 ایله ایچنی چکه رک دیدی که :

— بك افنديك سودای خیالنه طوقونمیکر.
 نروده ایسترسه طولاشسون . چونکه اوعلتله
 بنده معلوم ... نظر خیالمده وجودم کی
 شوسفالته کاهمده محبوس قاله ایدی احتمالکه
 شمده یه قدر یاشایه مز ایدم . او طولاشیر .
 دره لردن تپه لردن چنلردن نفقه روحیه سنی
 طولار . بعضاً عمن اضطرار اته ده طالار ایسه ده
 بوخیالی تنزه شاعرانه قوت حیاتی تخفیف ایچون
 ینه بردوا یرینه کچر ...

عفتك شاعر لكده وصنایع نازكده کی حسنی
 اكلامق ایچون آچیلان شوزمین مصاحبه یی
 فرصت عد ایدرك دیدم که :

— عفت خانمك غایت استادادانه برظرافتله
 نقش ایتمش اولدقلری شو كوچك لوحه بنی بك
 عمیق تفكراته دوشوردی . لوحه او قدر
 جانلی كه كوزل برباشدن روز كار تأثرله طاغلان

ساجلر افقه یاییلمش او غروبى تشکیل ایتمش .
 کوانشی سوندرمک قصدیه سینه سینه چکمش کی
 کورینن او عمان غلیاندن کویارنک غروب
 ایله ملون برقاق دامله سوزلمش ده اوالتمده کی
 یتى یازمش ظن اولنیور .

عفت محزون محزون تبسم ایدرک :

— حزنلی برزمانمک محصولی، دکر سز بر اثر .
 یالاکز شو قدر وارکه او لوحه یه باقدقجه کچن
 ایام اضطرار باتمدن برقاقنی کورمش اولورم . بنجه
 بواهمیتی وارددر . باشقه لر بنجه احتمالکه بر کره
 باقلمغه بیله شایان کورلمز .

— اکر بر اثرک بیوکلیکی نظر مدققی سا .
 عتلهجه اشغال ایتمی ذهنی درین درین تفکراته
 دوشورمسیله ثابت اولورایسه بولوحه اومزیت
 تصویریه بی تمامیه حائر .

عفت — بنده کز بوکی خصوصانده بر از

شاعر عالم مادی‌تدن اوزاقلاشسون، افاده علویات
 ایچون تحری ایتدیکی تعیراتی تازه چیچکلردن
 انتشار ایدرک هیج بر مشامه اوغرامقسنزین
 کوزلره کورونمکسنزین صفوت اصیله‌سی لطافت
 محرمانه‌سیله هوایه‌اوچان بوی تحسّسات ایچنده
 آراسون...

دوقتور بولندیفی محلدن ارتق صبر ایدمه‌میوب
 کومبور کومبور برقهقهه صالیوردکن صوکره
 دیدی‌که:

— شو بحثی ارتق قاپا‌کزه. والله اویقوم
 کلدی. چونکه سوزلر او قدر اینجلدی او قدر
 هوایلشدی او قدر شفافت پیدا ایتدی‌که دقتله
 دیکله‌مکه اوغراشدیغم حالدّه اونده بری بوقالین
 ققامه کیرمیور. یا نصل کیرسون که ارضی وغیر
 طائر اولان اشیایه قابادر، نظری صیقار دیه
 عطف نظر تنزل اتمی‌یوب هوالر ی بلوطلری

دائماً آماجگاه اوکار ایتک، کوزا وکنده طوران
 قوسقوجه قفا کمیکی ایچنده کی دماغی هیج قاله
 آلیوب هپ خطا بلری کوزه کورونمین روحه
 ایتک، مشامه اوغرامدن کوز ایله کورلمدن
 غیر محسوس بر صورتده چیچکلردن هوایه
 اوجان قوقولردن کله طویلامق کی شیلرک معناسی
 بن نصل اکلایه بیلیرم ؟ ... ذاتاً او قوم یا !
 ترکیه ویا فرانسه زجه یازلمش بویله شاعرانه
 بر کتاب هر نه زمان اله کچسه او اثر حقنده
 بر فکر مخصوص پیداسی چون برقچ یرنی کوزدن
 کچیریرم ... اننای مطالعه بر شیلر اکلا یورکی
 اولورم . اکر بونک معناسی شو اکلا دیغم کی
 ایسه طور شونی تدقیق ایدیم دیرم ... برده
 نه باقارسک ؟ او طمطراقلی الفاظ ایله کسوه دار
 اولان سوزلری مثلاً روح پروری (جان بسلیجی)
 رخسار آلی (قیرمزی یاناق) سپهر نیلکونی

(جویدی کوک) دیه لطافت لفظیه لرندن
 بالتجریده عریان ایدی ویرنجہ اورتہده معنہ الی
 معناسز برطاقم سوز ییغندن بشقہ برشی قالمزہ
 بوکی آئاردہ چوق سوز فقط پک آز فکر
 کورورم جانم صقلیر .

عفت جدیت بحی اخلاص ایدن دوققور ارقدا -
 شک قہقہہ سنہ مقابل اودہ کولکدن کندینی
 آلہ میہرق دیدی کہ :

— دوققور پک ایلری واردیکز . ابتدای امرده
 اعتراضکز اولدچہ دهشتلی ایدی . مؤاخذاتکزک
 روحہ دماغہ عائد قسمندہ تعمیق فکر ایله ثبات
 ایدہ ایدیکز بلکہ غلبہ یی قازانہ بیایردیکز ... فقط
 نتیجہ یی پک بوزدیکز ...

دوققور — آمان عفت خانم ! بن ارقداشمی
 عقلاندریم دیه اوغراشوب طور رایکن باشمہ
 برده سز چیقیمیکز ... سزہ طوغریسنی سویلہ -

به یم ، سوکره اوچ خسته به بردن باقام ها !
 ارقداشمه او قدر یوز ویرمه گلز . شمدی
 بلوطلر ایچنده هوای نسیمی طبقه سنده طولا-
 شوب طورر ایکن کندینه سزک کی برفکر
 رفیقه سی بولورسه سوکره قامتی آزیتوب هیچ
 بر ریاضینک کشف ایده مدیکی غایه فضایه چیقمه به
 قالقیشیر ...

دو قنور هر کلامی کی بوسوزی ده براز قویوجه
 سویلدی . فقط سوزی حسمه پک زیاده توافق
 ایتدیکی ایچون خوشمه کیتدی .

دمندنبری بحشه پک بیکانه طوران خسته
 قادین جان چکشمه بی تقاید ایدر کی بر تقاص
 چهره ایله تبسم ایدرک دیدی که :

— ایچمزده اورته ده کی بچندن قطعاً برشی
 اکلایان بریسی واریسه اوده بنم ... اورته ده
 برهما بر بلوط اقر دیسی ادا یوراما هانکی طرفک

نه ادعا ایتدیکنی بودرلو کس دیره میورم؟

دوقتورینه قهقهه سنی صالیویره رک :

— های الله سندن راضی اولسون والده خام!

اشته او سما، بلوط سوزلرینی بچندن چیقار

ایسه ک بنم اکلا دقلم ده هان سزک کیلر درجه -

سنده قالیر. او ایکی کلمه شاعرانه ک بچندن طی

ایدلسی شرط اتخاذا ایدلیدی تقدیرده آنلرده

سویله یه جک بشقه سوز بوله منزل ظن ایدرم...

عفتک سرد تحساستنده دوام ایده بیلمسی

ایچون بیک رجا و نیاز ایله دوقتوری صوصدردق.

قیز ادبیات حقنده کندی کوکلی کبی نرمین رقیق

نکته لی سودا آشوبانه بر چوق فکرلر بیان

ایتدکن صوکره سوزینی صنعت ترسیمه انتقال

ایتدیره رک دیدی که :

— بیلمم که نه دندر؟ بن هر اثرده مؤثرک بر قلمک

تماسیله نزاکتی بر فیرچه نک سور و لمسیله لطافتی

اخلالدن احتراز ایدرک قورقه قورقه تهیجله، خفیف
 خفیف کز ندیکی زمینلری سورم... ترسیمده چیر-
 کیلری چکن بویالری سورن ال دکل، فکر هیج
 برواسطه قوللانمقسزین کندی سورمش ظن
 اولنملی. نشانه ده داشته نصل چیزلدکری بللی
 اولیوب طبیعتک مکنوزاتنی امکان تقلیددن بری
 اوله رق سایه ذکاکی کاغداوزرینه دوشیره
 اساتیده نک بوقدر تلیرینه دینور...

بواننده قاپوچالندی. خسته قادین صدانک
 کلدیکی طرفه باشنی چویروب: « صبرم کلدی »
 دیدی. اون بش یکریمی ثانیه صوکره اوطه دن
 ایچری اون اون بر یاشلرنده برچوچق کیردی.
 چوجفک ارقه سنده اسکی برنیتن بجـ اقلرنده
 دیزلری یمالی برپانطالون واردی. فقط یوزی
 کوزی تمیز اولدینی کبی ضعیف وقانسرچهره-
 سنده برحلاوت اصیلانه، واطوار و اوضاعنده

او پښمرده قیافه متاسب دوشمین برو قارنجیپانه
 کورلمکده ایدی . کوزلری قاشلری هان عفتک
 کیله آندیریور ایدیسه ده یوزی ده
 ضعیف ، بکزی ده اوچوق چکه سی ده
 براز اوزونجه ایدی . اولایزه برر تنه
 ایتدی . متعاقباً کیدوب والده سنک النی اوپدی
 بده چوجقه لره مخصوص بر اوتانمه و بوزوله
 ایله اوطنه نك بر کوشه سنه چکیلوب اوتوردی .
 والده سی چوجقه :

— او غلم ارقه ک چپلاق هانی خره ک ؟
 دیه صوردی . چوجق قپ قیرمزی کسیلوب
 جواب ویرمدی . بودفعه عفت فرانسه زجه
 اوله رق صوردی که :

— نیچون جواب ویرم یورسک ؟ خره ک
 نره ده ؟

چوجق عین لسانله :

— رجا ایدرم همشیره جکم . . . بکا اونی
صورمیکز !

— تحف شی . . . نیچون ؟

— شونک ایچونکه . . . بقال . . .

— اکلادم . . . یتیشیر . . .

بز بو « بقال » سوزندن هیچ برشی اکلما-
مشدق . فقط عفت او بر کله ایله خرقه نك
اوغرا دینی قضایه در حال انتقال ایدرك چوجنی
صو صدر مشدی .

شوقیسه سؤال وجواب ائساننده ییچاره
صبری حجابندن فسنك رنکنه کیرن النندن
نخود دانه سی کبی ترلر دوکمکه باشلامش
اولدیغندن بر زمین مکمله بوله رق زواللی یی براز
سربستلندیرمک ایچون صوردمکه :

— صبری بك، هانکی مکتبه کیدیورسك؟

نه اوقویورسك؟ بزه اكلات باقم ؟

— مکتبه کتبیورم افندم. همشیره مدن درس
آلیورم.

— نه درسلی آلیورسک؟

— عربی، فارسی، فرانسه زجه، تاریخ جغرافیا
کتابت حساب هپسینی اوقویورم افندم.
— ماشاه سن پک چوق شی اوقویورسک.

بو دیدیکک درسلدن نره لره چیقدک؟

چو جوق سسی طیقانمشده آچق ایستیور
ایمش کبی خفیفجه بر قاج کره اوکسوردکن
صوکره ویریه جک جوابک اعطاسنی همشیره سندن
استرحام ایلدیکنی ایما ایدر بر طورله آنک
یوزینه باقدی.

عفت بر مکتب خواجه سی طوریه:

— نه باقیورسک؟ جواب ویرسه که؟

چو جوق محجوبانه برصدا ایله:

— «بیدن» بناء مره و بناء نوع» هکدم...

طستادن باطایفه بزرگان در کشتی بودم» حکایه سنه
 قدر او قودق... فرانسه زجه ده غرامرک «سنتاقس»
 قسمنده «پره پوزیسیون» بحثی بیتیورز .
 همشیرم غرامری ای او کر نمک ایچون «اکزه
 رسیس» کتابنده کی تطبیقاتدن باشقه بیوک
 «اکتور» دن ده درس ویریور . بونک یکر می
 ایکنجی بابنه قدر اولان لغاتی هپ از برلدم .
 مختصر تاریخ عمومی و جغرافیا او قویورز .
 همشیره مک بنم ایچون یازدینی «کتابت فکریه»
 کتابنک برنجی قسمی اولان «لسان اشیا» یی
 او قویورز . کله جک سنه ایکنجی قسمی اولان
 «تصویر طبیعت» ه چیه جغم . صوکرده ده تاریخ
 «ادبیات عمومی» او قویه جغمز .

چو جغه عربی، فارسی، فرانسه زجه و تاریخدن
 بعض شیلر صورتدق . الدیغمز جوابلر بزی
 حیرتده بر اقدی . «کتابت فکریه» «کتابت-

لفظیه» به مقابل یازلمش بردرس اوله جق . بزده
کتابتک بویه، «فکری» و «لفطی» نامیله ایکی به
انقسامی ایشتماش اولدیغمز جهته چوجقدن
بوکا دائر ایضاحات طلب ایتدک . چوجق
محبوبیتدن غایت قاریشق جوابلر ویردی .
عفت بحثی ایضاحه کیریشه رک دیدی که :

— نفعنه فائل اولدیغم بواصولی بدادرمه تعلیم کتابت
وادبیات ایتمک ایچون بنده کز ترتیب ایتدم .
بزده ادبیات دینلنجه یالکز اسالیب مختلفه تحریر
اکلاشیلیور . فیکره پک او قدر اهمیت ویرلیور .
حالبوکه کله لر برر بویا برر رنک حکمنده در .
بوالوانک یالکز حسن امزاج واهنکی دوشو -
نیلمیوب بونلری تصویر ایدیان شکلک صورت
صحیحه سنی اراهه ایتمک اوزره استعمال ایتلی .
عکسی تقدیرنده لوحه مصوره بر بویا فاطوره سندن
عبارت قالیر . بر محررک ذهنی کالای لغات

ایله نه قدر آراسته اولور ایسه اولسون فکر
 بر حقیقته تعلق ایتمینجه یازدینی شیلردن استفاده
 ایدیله من . چونکه اوکوزل اورنکین تعبیرات
 قلمندن بربرینی تعقیباً دو کیلور . یازه جنی شیئی
 کندیزی اولجه لایقيله بيله من . او طمطراقلی
 الفاظک قلمندن صدوری افاده سنه نه صورت
 ویرر ایسه یازه جنی شی اشته آندن عبارت
 اولور . بر فکر اساسی بی برطبیعی نمونه بی تعقیباً
 سوق خامه ایتین بر محرر کلماتک کندندن تصادف
 صدورینه اسیردر . فکر معین و متین اولمی .
 یازيله حق شیء تصادف قلم و طلوعات کلماته
 بر اقل میوب بالعکس کلمات او فکر معینی حسن
 افاده ایچون انتخاب اولنمی .

او آره لق قبو چالندی . آچق اوزره چو جق
 اشاغی ایندی . دو قور متعجبانه بر چهره ایله
 عفته دیدی که :

— بوسوزلر كزى پك بكندم. جمله سى حقيقته مطابق ... فقط دمنكى افادانكزله بونلرك ييننده تضاد وار كې كورياليور ... براز اولكى سوزلر كز خياليوندن اولديغكزى ...

دوقتور دها سوزىنى يترمدن ايجرويه يكرمى يكرمى برياشلرنده قدر غايت سوملى بر دليقانىلى كيرهرك بر شطارت لابلاليانه ايله ديدى كه :

— دوقتور بك افندى سز بزم كوچك خانمه باقميكز. او بر « رومانتيك » كې دوشونوب بر « ره آليست » كې يازمق ايستر ... (عفته خطاباً) دكلى « مادموازل » ؟ .. نه وقت موسيو « زولا » اقادهمى به اعضا انتخاب اولنورسه عفت خانم ده ره آليستلىكى اوزمان تماميله قبول ايدهجك . شمديلك ياريم « ره آليست » در .

(فرانسزجه اوله رق) يا بر شيشى بتون اولملى يا هيچ اولملى دييورم ، اما كنديسنه اكلاته .

میورم ... طورك باقهلم . اولاً حال خاطر
 صورالمده ادبیات بحثی صوکره ایدلم . (خسته-
 یه خطاباً) خانم تیزه فصل سکز ؟ ارتق اویله
 از یلوب بوزوله لك لزومی یوق . ایشته کوریلورکه
 براز ایجه سکز ...

(بکا طوغری باقهرق) بك افندیله هنوز
 طاشمق شریفله . شرف دکام . رسم تقدیممز
 اجرا اولندی . ایشی عفت خانمه براقیر ایسه
 بلکه حائر اولدیغ برطاقم اوصاف اسنادیله بی
 بك رومانیتك واری تقدیم ایدر . طورکز بن
 کندی کندیمی تقدیم . (برمه وهرانس یابهرق)
 « عفت خانمك تیزه زاده سی » لطیف « بنده -
 کز ! .. »

بن — دو ققور « حسین » بنده کزده بو
 تشرفدن حصوله کلن بختیاراغنی عرض ایله
 مباهیدر افندم .

لطف — (کوله رك) امان استغفراه افندم .
 بويله رومانيتك كارى بر جواب آله جغمى بيليدم .
 قولكزده كندىمى افندمزه اويولده تقديم ايدردم .
 دوكتور — لطف افندى تمام وقتنده كلد .
 يكر . (لوحه يي كوستره رك) عفت خانمك اثر
 مهارتى اولان شولوحه دن رسمه ادبياته دائر
 برچوق سوزلر آچيلدى . او قدر اينجه بخنلر
 اولدى كه قابالغم حسبيله بن هيسچ برشى اكلايه مدم .
 لطف — اوت اولوحه كوزلد . اكر اوني
 « ويكتور هوغو » كورديدى سفيلا نامنده كي
 اثرنده تصوير ايتديكي برقيزه چارچاير ديشلريني
 سوكدرمكدن ايسه دوكيلن صاچ تللارندن بويله
 برلوحه ترسيم ايتدرمكي عقل و حكمت ده
 موافق بولوردى .

لطيفك هوغوي مؤاخذه صددنده شو
 واديدن طوتدرمش اولد . يني بحث خيلي اوزادى .

شن چو جق بزى او قدر كولدردى كه خانه مزه
عودت اچون وقتك بك زياده كچمش اولديغندن
اصلا خبر من اولدى .

لطيف بك خوشمه كيتدى . عفت كجى بر قيزك
اتخابنده خطا ايتمه جگنى ذاتا اولجه دوشو -
نمشدم . بر برمقاصى طوقوندر تمقده تكاسل كو -
سترديكى مبذول قومرال صاچلرى بياض
چهره سى ، يومروجه آلنى ، شدت ذكايه دلالت ايدن
جام يشينسه قريپ پارلاق الا كوزلريله ذاتا بك
سوهلى كورونمكده ايكن بوكا انضمام ايدن لا ابا -
ايلكى شطارتى شقه جيلغى صميميت اطواري
بعض صافيدلانه احوالى كنديسييله كوريشنلرى
بوسبتون تسخير ايتمكده ايدى . عفت صانكه
سحاب حزنله مستور برسياره بوده آنك خور -
شيد طالعتك ظلمت حجرانه ترك ايتديكى كيجه -
لرى تنوير اچون دائره جاذبه سنده دور ايدن

پارلاق برپیکری برقری ایدی . دائما برحزن
 علوی ایله ملول و متفکر کورینن عفتک یاننده
 بودلی قانلی یی کوردکجه شائقانه سوزلری شو
 قبرورانه قهقهه لرله - سحاب تکدر ایچنده
 قالمش برکلزار املده اوتن - بلبله بکزه تیر ایدم
 قیزک بر اضطراب مدید صورتنده کچن اوجانکداز
 حیاتنده کی مرارتی تخفیف ایچون زوالی لعیف
 جهنمده اذواق جناندن نمونه کوسترمکه اوغرا -
 شیرکی شطارت خلقیه سنک برقاچ قات فوقنده
 شن کورونمکه چالیشردی . کندیسيله اخوتم
 ایلر یلدکجه محبتمده اونسبتده تزايد ایتدی .
 هر حاله واقف ، هر سرینه محرم اولدم . ذهنی استقباله
 معطوف برچوق آمال مسعودانه ایله مالی ایدی ...
 بری احزان دیکری اشواق شاعرانه یه
 تمثال اولان ایکی اساطیر پریمی کی عفتله ال
 اله ویره رک حسیات شباتک تولید ایتدیکی

تصویرات روح پرورانه ایله بعضاً سمای تخیلاتده،
 محبتك كننج كوكلره اچدینی اوج سودا طبقه.
 لرنده طولاشدقلری کونلری بکا حکایه ایدردی.
 سوز عفته اولان محبته انتقال ایتدیکی زمانلر
 بعضاً کونشلی هوالرده براوفاق بلوطدن دوکیان
 آنی یا غمور دانه لری کبی - هم کولر هم ده -
 کوزلرندن یاش اقاردی . بودلیقانلینك شو
 صمیمت کریه سی ، کوله رك اغلامسی بکا پك
 طوقونوردی .

پول ایله ویرزینی کبی عفته براراده بیومشله .
 بربرینی چوجق ایکن سومشله . سنلری ایلر .
 یلدکجه او محبت طفولانه معصومیت ایچنده پرورده
 اولان بر عشق حقیقی یه تحول ایتمش ... شمیدیکی
 حسلری محبتلری تحلیل ایدلسه حالا بومصو .
 میتدن بیک درلو نشانه کوریلور . سنلریله
 متناسب دوشمه یه جك چوجقاقلره تعاداف

اولنور. برکون لطیف بکا دیدی که : «عفت ده
 فقیر بن ده . ازدواجزده یکدیگر مزه کوکلزدن
 باشقه تقدیم ایده جک برشیئمز یوق . عفتک
 کوکلی بنم ایچون بتون دنیا خزینه لرندن دها
 قیمتداردر . بربرمزك کوکلنه مالکیت سعادت
 ابدیه مز ایچون کافیدر . فقط برشی دوشوندم.
 بیلیرسك یا ؟ عفت خیال پرستدر . زفافزك
 حقیقت ایچنده برخیال شاعرانه عرض ایدر
 صورتده اولسنی ارزو ایدیورم... کندیسنه
 یوز کوروملکی اولاق اوزره ایکی پردهك منظوم
 برتیا ترو یازه جغم . نکاحز بر بهارده اوله جق .
 قیرلق بر محله کوچوجك بر او طوته جغز .
 مزین کلین اوطه مز بوانه میه جفی ایچون
 طالع حسود مزه قارشى بر طاق خضرای
 سعادت بر آشیانه محبت کوسترمك اوزره کلین
 اوطه لرینسك صنعی چیچکلر یته بدل - بو اوک

باغچه سینه - حرارت شمسك يتشدرديكي اك
 رنگين كلر اك معطر ازهار بهار ويشدكارله
 مستور برطوفه يابه جغم. اشته ايكي كوكلك حجله گاه
 تلاقيسي بوراسي اوله جق. آمان محبته طولاشه
 طولاشه بي مجال قالان ايكي عشق بورايه التجا
 ايده جك ... تنظيم ايتديكم تيارونك اليم
 كوزياش لرندن مديد انتظارلردن صوكره بروصلت
 مسعودانه تصوير ايدن ايلك پرده سي خواننده لري
 بلبلار دن آويزه سي قمر دن اولان بوكلين اوطه سي
 دروننده نشوؤ محبتله پر خاجان كسيلن ايكي
 كامكار سودا طرفندن وضع صحنه محرميت ايديله -
 جك ، مسعوديت عائله يي مصور اولان ايكنجی
 پرده سي ده والده لر مزك حضورنده اوينا نه جق ...
 بدخون عفت ... زوالی لطيف ... هيچ
 نصيب ايكي سودازده ايجون بو قدر بختيارلنی
 چكه بيلير می ؟ تصور ايتدك لری بو مسعوديت

عاشقانه « پیه س » نی قره طالعلری او یله مدهش
 بر « ترایدی » یه تحویل ایتدی که کردون جفا
 معتادك شوحنه عالم اوزرنده انسانلره اوینا دینی
 فاجعه لر دن اك مؤثر براویونی ده بواولدی .

لطیف ایله ایلك ملاقاتمك وقوعه كلدیكى
 اوكون آچیلان ادبیات بحثلرینك طاتلیغی
 لطیفك شاقلا بانلقاری عفتك برادای ملكانه ایله
 کوستردیكى مجلس آراغی وقتك نصل کچمش
 اولدیغی بزه حس ایتدر مامش ، اوویران او قسوتلی
 خاه بزه برقاج ساعت ایچون بردار نشاط
 اولمشدی . کیتمك ایچون پك کچ قالمش اولد -
 یغمزی ده اخطار ایدن دو قنور اولدی . خسته
 ایچون ایجاب ایدن ادویه یی ینه کندی اجزا خانه -
 سنده ترتیب ایتدروب کوتدره جکئی سولدی .
 بعد الوداع اودن چیققدق . لطیف ده بزمه
 برابر چیقدی . آنك اوتوردینی اوده اورالره

يقين ايمش . بيجاره دلى قانلىنىك باشىنىدى بىوك
 كوچك والده لردن تيزه لردن متشكل برعائله
 كشير و ار ايمش . باشلىرىنىدى لطيفدن باشقه
 برارلك بولمىدىغىدىن پدرينىك وفاتىدىن صوكره
 بولرك جملة اعاشه سى زواللىنىك اوزرىنى قالمش
 قلمىنىدىكى معاش حزنلىنىدىن باشقه بركليرى اولمىان
 لطيف كىتابچىلره غزته جىلره يازى يازهرق
 بىك درلو مشاق ايجىنىدى بولركى بىسالمكه
 اوغراشير ايمش .

لطيفله برلككه برخىلى يورودك . كىرلى رافلر -
 ينك ، توزلو كوزلىرىنىك ايجىنىدى هر مالك بىياتى
 هر شىئك فناسى بولنان بر بقال دكاننىك او كىندى
 چكىمكه ايكن ار قىسندى ياغ ايجىنىدى مردار برمائى
 كوملك بولنان قوجىه مدور قارىنلى قىرمىزى
 يوزلى قرانته بر بقال او كومزه چىقىدى . دنياده كى
 تجارتكا هلكاك بىوكىنه صاحب اولدىغى كوسترد

برطور استحقار بر نظر کستاخانه ایله اعلیفه
طوغری باقوب دیدی که :

— عیب دگلی جانم ؟ درت آی اولدی ...
خسته قادین دفترده کی بورجلرینی نه وقت
سلدیره جک ؟ مورتوی چکرسه پاره لری کیمدن
آله جغز ؟ آله جقلمه فائض قویسه م کاردن واز
چکدک سرمایه ایله باش باشه کله جک . مشتریلره
بادهوا مال طاغتمق ایچون دکان آچمدق یا ؟
بزده تجارت آدمی یز . مالم حرام اولسون ،
بوغازلرنده طورسون . چراغی کوندردم اولمدی .
بن واردمینه اولمدی . غیری صبرم یاندی قرداش
... دمنجک اوخسته قارینک اوغلی بوندن
کچیوردی . صرتنه (شانلی) برخرقه قویمش نه ده
چالمله کیدی یوردی یا ؟ کوره نلر بقاله اون پاره
بورجلری یوق ظن ایدر . اوغلانی چراقله
شوراده صیقشدردق . ارقه سندن خرقه یی چکدم

آلدم . خرقه می ویرم دیه برده دبه لاشیور .
 کتیرسونلر پاره لری آلسونلر خرقه یی . بو محله ده
 قاج بقال افلاسه چیقدی بن ده ...
 لطیف حدتله باغره رق :

— چکک پیرتی حریف یتشیر ... بن
 سکا چوجغک ارقه سندن خرقه آله یی کوستردم
 اما شوبکلره دعا ایت .

بقال غیظ ایله استهزانک یوزنده پیدا ایتدیکی
 مستکره برکولومسه مه ایله :
 — کوستروبده نه کوستره چکک ها دیندک
 باقه لم ! ...

لطیف — صوص حریف صوص ! فائضندن
 رأس المالندن بحث ایتدیگک شو ذم دفترکی
 چیقارده قاج غروش آله جغک اولدیغنی کوردم .
 بقال — نه سنی کورده چکک افندی ؟ او جاغم باندی .
 یاندم . قرق قلم مال وار ... کول اولدق .

بقال سويلنه سويلنه كمنديسندن دها ياغلي
اولان قوجه سياه دفترني چيقاردى. او آراق
النده برحام طاسيله ديلنجي قيافتلى بركنج
قادين كلدى.

طاسى بقالك چراغنه اوزاتوب :

— شوكاون پارهلق پرنج قوى ديدى . بقال
دفترك يپراقلىنى جويرمكه مشغول اولدينى
حاله چراغنه :

— بودوس ! اونلنى پشين الله پرنجى
اويله وير .

ديه باغردى . بقالك چراغنه توصيه ايتديكى
شوتدبرى ايشيتن قادين كندينه التفات اوليورمش
كى عارسز عارسز كولهرك !

— آيول بقال ! .. قاچه جقمى يم ؟ اشته آل
اونلنى ... اوچكن كوني يپديغم شقه ايدى ديدى .
بقال — شقه اولديغنه برشى ديديكمز يوق آ.

فقط بوکون بنم شقه لاشمغه و قتم یوق . تجاره
 آوج طولیسی لیرا ویر . بونک بوراسنده اون
 یارهلق پرنج صات... برده درلو جلومه اوغرا .
 قادین — نانکور حریف ! کوزیکه دیزیکه
 طورسون... ایکی اوج غرو شاق الیش ویریش
 ایتدیکم کونلری اونوتدکی ؟

بقال — بد دعا کندی باشکه اولا... هله
 شوکا باق ! اوج آی اولی الدینی ایکی غرو شاق
 یاغان گلشده بوکون بکاچالم صانیور .
 بقال دفتردن چویردیکی صحیفه لردن بریسی
 اوزرینه یومروغیله اوره رق !

— اشته سکا یوصمه اوغلنک حسابی...
 اوج آیدر طوروب طورور . یاره لری ویرمدکن
 صوکره شو یوصمه لغی نه باشمک آغریسی جانم .
 چراق اونلغی آلدقن صوکره طاسک ایچنه یار .
 مقلرینک اوجیله برطو تام پرنج قویوب قادینه اوزاتدی

قادین قوصقوچه اونلغی آلوب ده الاهدن قورقدن
 پرنجی طارتیسز نصل ویریورسک؟
 دیه فریاده باشلادی .

بقال — مشتری دکل آجان از کیسی . . .
 کوکل خرابی . . . دکان ییقمی ! بودوس طارت.
 بیوک ترازویه قوی ده اویله طارت . . . قوصقوچه
 اونلق دیدیکی نه اوله جق بیلیم که ؟ بر اونلغه
 برغزوی پرنجی ایستر؟ نه ایستر؟ اکلشامز که .
 بودوس اون پاره لق پرنجی بیوک ترازیده
 طارته رق اولدن قویدینی برطوتام مقدارک همان
 نصفی کیرویه آلدقن صوکره قالان پرنجی طاسه
 بوشالتوب ده قادینه اوزاندینی ائنده یینلرنده بر
 قزله قیامتدر قوپدی . قادین فریاد ایله :
 — انصافسز حریف . . . آل پرنجکی ویر
 اونلغمی !

بقال — (چراغنه) ویر اونلغنی غیری بیقدم .

بودوس بر الیله قاری یه اونلغی و یروب
دیگر الیله طاسی آلمغه اوغراشیر ایکن قاری
اونلغی انه کچیردکن صوکره چراقله طاسی
چکیشدردیکی ائنده پرنجک یاریسنی یره دوکوب
طاسک ایچنده قالان آز بر مقدار یله مظفر آ
وقهقهه لر ایله قوشمغه باشلا ییجه بقال:

— دیدم آ او جاغمی سوندره جکله . بر کون
طامله یه کله حکم . . . هله شو یرده یاتان پرنج لره
باق . صره پرنجی اولسه نه ایسه نه . . . کوزک
کور اول . . . باش پرنج اعلا پرنج . . . مالک
ایسنی کتیر بوراده بویله کپازه ایت . . .
(چراغنه خطاباً) بودوس یرک دینه کچ . . .
شاشقین شاشقین نه یوزمه باقان . . . قاری بر
طاس طولوسی پرنج میزی آلدی ده قاچدی . . .
دکانی کتورسه لر بویله دیوانه کی یوزمه باقوب
طورا جقمیسک؟ اشکه باق . . . حالا طورر . . .

اوغلان قارينك اردندن سیرتسه که . . .
قاری بی تعقیباً چراق قوشمه یه باش-الادندن
صوکره بقال حدندن موسمور کسامش یوزینی
بزه چویره رک:

— استه بولدم. خسته قارينك حسابی بولدم
اوچيوز درهم ساده . . . یارم اوقه قوله الی
درهم شهریه . . . یوزدرهم زیتون (والی اخره
اوقویه رق) هله باقا باق شونلرک طوتدینی یکونه
باق . . . یاندق دیدم آ . . . بزم سرمایه نك (نقصی) ده
بوقاری ده قایانمش قالمش . . . یکر می یدی اوقه
اوطون (!) شکر، توز، پنیر اوج آیدرکن دیلرینی
بکا بسلتوب طور مشلر . . .

یکرمی یدی اوقه اوطونی ایشیدنجه لطیف
افندی یه صوردمکه :

— بو اوطون نه اوله جق برادر؟ بقال اوطون
صاتارمی؟ هم اوطون اوقه ایله صاتیلیرمی؟

لطیف — اوت برادر. بوراده بقال او طون
صاتار همده اوقه ايله صاتار. چککسی الی
غروشه کتیرر.

بقال — هله ایتدیکی لافه باق. شو او طوندن
اون پاره کارم وارسه بتون و بالک بوینومه اوله...
اسکله دن یاش او طونی یکر می به اولوب یکر می
بشه بورایه نقل ایدرم. باغچه چپوغی کی
یاردروب قوب قورو قورتدقن صوکره قرق
پاره لق التمش پاره لق او طون صاتارم. اسکله ده کی
چکی بزم قنطاره اویمز... هایدی سویله باقه لم
بونک کاری نرهدن چیقاجق ..

لطیف — هایدی اوزاتمه شویکونی سویله
باقه لم قاچ غروش طوتمش؟

بقال — بونی بن سویله جک دکلم. دفتر
سویله یه جک. اون پاره لق حیلله قبول ایتیم.
هله کل بریول کنسک باق. اشته کوریوک یا

الای ایکی غروش او توزپاره . . .

لطیف بقالك مطلوبی تأدیہ ایتدی . چوجنگ
خرقه سنی چراقله اوہ کوندرمسنی تنیہ ایتدکن
صوکره دکاندن چیققدق . یورومکہ باشلادیغمز
صرهده بزه دیدی کہ .

— بوراسی فقرا محله سیدر . برلقمه اکمک
ایچون انسانلرک بربرینه نه یولده دسائسده
بولندیغنی کورسه کز اسانلقدن نفرتکزدن
توکلرکز اورپرر . انسانلغک حیوانیتی ضرورت
آچاق حکمنی کوستردیکی زمان میدانه چیقار .
طبیعتک تغذیء نفس خصوصنده کی اجباری
انصاف مرحمت مروت کی خصائل انسانیه
غلبه ایدر . آچقالان برانسانی دیکرینک النده
کوردیکی برلقمه اکمکی قایمق ایچون معدہ سی سز لایه
سز لایه تضیق ایلر . انسانیتک کیجه کوندز
آچقله کولشن شو طبقات سفلیه سنده مکارم

اخلاق کور مدیکمز ایچون مایوس اولیسهلم .
 اشته بوبقال بردانه نمونه سنی کوروش اولدیغمز
 او یولده مشتریلر ایله معاملاته آلاشمش، کندیسسی
 پک حیلله کار اولدینی حالده بیک دفعه آلداتلمشدر .
 بزه برقاج آی قدر کویسترمش اولدینی قرق الی
 غروشلق شوا اعتمادی کندیسنده کی نقصان تربیه
 ومنفعه پرستلکه نظر آینه پک بیوک بر مروت عد
 اولانور .

اوکون لطیفدن آیرلوق . دو قور ایله برلکده
 عفتک خانه سینه اولان زیارتلرمن اون درت
 اون بش دفعه قدر تکرر ایتدی . لطیف ایله
 بینمزده قرداشلقدن ایلری بر محبت پیدا اولدی .
 لطیف بزه کلیردی . ساعتله قونوشور ایدک .
 از میرده پدوندن موووث براز اراضیسی
 بولاندیغندن بونلری صاتوب تحصیل ایچون
 اورویایه کیده جکندن عفتله ازدواج ایتزدن

اول «صوروبون» دن ادبیات شهادتنامه سی
اله جغندن بحث ایدردی .

اوج آی صوکره دو قنور رفیق موقت بر
خدمت طیه ایله مأموراً اناطولی به کوندرلدی .
دو قنورك عزیمتدن صوکره لطیف بر قاج دفعه
دها بنی زیارت کلدی . صوکره زیارتی اوزرندن
یکرمی بش کون قدر مرور ایتدی . لطیف
کورونمادی . واقعا خسته ایلاشمشدی . فقط
از زمانده الفتنه پک زیاده آلاشمش اولدیغ بویکی
دوستمک بر آیه یا قلاشان غیبوتی بنی مرافقه دوشور -
مشدی . کندینی بولق اوزره ... دائره سنده کی قلمنه
کیتدم . او طه جی به لطیف افندیکنک نروده اولد .
یغنی صوردم . عدم دوامنه مبنی کندیسنه اذن
ویرلدیکی جوابی آلام . مطبعه لری کتابچیلری
طولا شدم . لطیفی طانی - انلرک جمله سی بر آیدن
بریدن کندیسینی کورمه مدکلرینی سویلدیلر ...

ایشی اكلامق ایچون نهایت عفتك اوینه
 کیتمه قرار ویردم. طالغین بر حالده سوقاغه
 چیقدم. مقبره نشان اولان او ایصنر سوقا-
 قلردن کندی کندییه کیدرکن ذهنمه برقسوت
 کوکلمه بر حزن چوکدی. آدیلمی آتدقجه
 خوف ایله قاریشیق غریب بر تردد حس
 ایدیور ایدم. صانکه هاتفی بر صدا « ارتق
 ایلرئی کیتمه . . . نهکه لازم کیری دون » دیه
 اوسکونت عمیقہ ایچندن قولاقلمده طنین انداز
 اولیوردی. اوه تقرب ایتدم. خلجانم بوسبتون
 آرتدی... ایشته اومیدانجق ایشته اوچشمه...
 ایشته او چینار اغاجی . . . اغاجك یاپراقلی
 تباہ اولان بر سنهك عمر کبی زیر پای زواله
 دوکولمش چورو یور. دوکوملو دوکوملو قودرو
 دالاری بر برینه صارلمش اژدرلره مشابیه برر
 شکله هوانك صاف براق قبه لاجوردیسنه

طوغری اوزانمش آلتدەكى او خانه
 عفتك اودارالمحنى از برزمانده كدرله اختيار لايان
 انسانلر كې بلى بوكولمش صانكه برقاچ آى
 ايچنده اون سنه لك بر عمر كچمش كې بوسبتون
 چو كمش . . . اوف ؟ كويا اوراسى ديريلره
 مخصوص برمىكن دكل انسانلره عذاب عقبايى
 كوسترمك ايچون زير ترابدن هوايه فرلامش
 برمزار ايدى . . . خفيف بر قيش روز كارى
 اسيوردى . . . اوچينار نيچون ايكليور ؟ . . .
 اوچشمه نه يه اغلايوردى ؟ . . . قازشيلرنده طوران
 او خانه شكندەكى مزاردە مى ! . . . اشته خسته نك
 او كنده ياتديغى نجره . . . اشته وقت وقت عفتك
 نظرينى توجيه ايدرك اغلادىغى ديكر نجره . . .
 فقط بو نجره لرك پرده لرينه نه اولمش ؟ . . . اوليه
 ليه ساللانان بز پارچه لرى نيچون قالدولمش ؟
 بونلرده اوسفيل عائله ايچون اسباب زينتدن عد

اولمش فضله می کورلمش ؟

بيك خلعجانله ياقلاشوب قاپوي چالدم ..
 ايجريده چيت يوق .. براز طوردم ينه چالدم ..
 هيچ سس يوق ... خيزلي خيزلي برقاج دفعه
 دها چالدم ... قبر سكوتى والسلاام ... برقاج
 دقيقه ظرفنده تا نرم او قدر ارتدى كه ارتق نه
 قاپوي چاليور نه ده المده كي طوقمانغى براقه
 بيليوردم . بن اويله المده طوقق بهوشويه قريب
 بر حالمه قاپونك اوكت . طور مقده ايكن قولانغه :
 — هي افندى ! اوبوش اولك قابوسنى نه چالوب
 طور رسك ؟ ديه برس كلدى . دونوب باقدم .
 باغچوان قياقلى بر آدم پيدا اولمش .
 بن — بو او ده كي مسه يوقى ؟ نرميه كيتديلر ؟
 باغچوان — سورمه افندى . سورمه اولرك
 باشنه كلنى ! ..

— نه اولدى ؟ خسته قادين اولدى ؟

— کاشکه اولهیدی ! قورتولوردی .

— نه اولدیلر ؟ چابوق سویله ؟..

نه اوله جفیلر ؟ اوکیراسنی ویره مدیلر . برقاج
آیلق برکدی . براقشام اوصاحی کلدی . محله لی
ایله برابر پرتیلرینی سوقاغه ییغدیله . او اقشام
آچقده قالیورلردی . کیجه زوالیلری بنم قولبه یه
آدم . اوخسته قادینک اوکوزل قیزک اوکوچک
اوغلانک اوکیجه اغلامه لرینی کوره یدک افندی
یورکک پارچه لانیردی .

— اونلرک اقرباسندن برلطف افندی
واردی . اوکلوبده بونلره نیچون بریر تدارک
ایتمدی ؟ یاخود نایه کندی اوینه آلب کوتور-
مدی ؟ اونکده بورالرده براوی اوله جق

— لطیف افندی . . . ها شو یاقیش-قلی

دلیقانی . . . قیزک یاقلیسی . . . اونلرده برقاج
هفته اول اولرندن چیقمشلردی . اودلی قانلی ده

بیلیم که نریمه کیتدی ؟ برقاج زماندر اوده
میدانده یوقدی .

— اوکیجه سنک قولبه کده قالدیلر . پک اعلا
فقط صوکره صباحلین نه یاپدیلر ؟

— صباحلین ایرکندن کوچک اوغلان
کیتدی . بر ساعت صوکره یاننده برباشقه قوجه
قاری برده بوش یوک آرابه سیله کلدی . اشیلری
یوکتدیلر . هپ برابر چیقوب کیتدیلر .

— نریمه کیتدکلرینی بیلیمور میسلک ؟
— (الیله ادرنه قبوسی جهتنی کوستره رک)
اشته شو طرفه طوغری کیتدیلر .

— صوکره دن بواوه کندیلرینی ارامق ایچون
هیچ کلن اولمدیمی ؟

— برقاج آله جقلی کلوب صوردی . فقط
نه بولوب ده آله جقلر ؟ .. ذاتا او برقاج پیرتینک
یاریسینی ده کرایه بدل اوصاحبی ضبط ایتدی .

— شمدی بونلرک نزهیه کیتدکارینی بیلمیو -
رسک اوله می ؟

— بیلمیورم افندی . او کوزل قیز نه قدر
معرفتی ایدی . بنم قیزه برقاج ال ایشی او کرتدی .
شمدی ایشلیدیکی شیلری کیم کورسه ماشاه
دیور .

— سن بونلرک کیتدکاری محله یی اطرافدن
صور . اکلا . اگر نزهده اولدقلرینی خبر آلیر
ایسه ک سکا چوق بخشش ویررم . بر ایکی کون
صوکره سنکله کوروشمک ایچون ینه کلیرم .
اکلا یورمیسک ؟

— پکی افندی صورایم .

باغچوانله ایتدیکم بومق-اوله اوزرینه اوچر
دردر کون فاصله لرایله کیدوب کندیسینی کوردم .
بویچاره لره دائر پک چوق تحریاتده بولندیغی
حاله نزهیه کیتمش اولدقلری حقننده مع التأسف

هيچ بر معلومه دسترس اوله مدینی خبرندن
 باشقه برشی او کر نه مدم ... ادرنه قاپوسی محلاتی ده
 همان خانه بخانه دور ایتدم ... لیلکک یو وادن
 آتدینی یاورى کبی او ویران خانه بی بیله کندیلرینه
 چوق کوره دک طالعک جان طایانمز صوک
 برسله غدیرله معیشت انسانیه میانه سندن
 طرداً بو بی چاره لری ایچنه یو وارلادینی حفره
 سفالتی اوقعر نایاب اودرین قویوی کشف ایده -
 بیلمک بنم ایچون قابل اولمدی . بلکه باغچوان
 بر خبر آلمشدر . خلیا سیله اره صره او میدانجقده کی
 بوش خانه یه کیدر مزار کبی اطرافنی طواف
 ایدردم . هیهات که ! ... چینارک یوکسک دالارندن
 کلن اینن نوحه اثریله او طور میوب آقان چشمه نک
 آبشار کریه سندن باشقه بوفلکزدده عائله نک خانندن
 نشان ویره جک برشیئه تصادف ایده مزد م .

۴

آردن بر سینه قریب بر مدت مرور
ایندی . دو قور رفیق خدمتدن عودت
ایلدی . تحریاته بر لکده دوام ایتدک . عفته
لطیفک نام و نشانلرینه دائر اوافق بر معلومات
المغه بیلله موفق اوله مدق .

تشرین ثانی نهایی موسم خزانک ده خزانیدر .
او موسم بر کریزک صدمات روزکارینه یا غمورلرینه
تزلزلات هوا ئیه سینه قارشى صوگ مقاومتلرینی
کوستروب اغاجلرده وعدلرینه انتظار ایدن
امیدسز خسته لر کبی مهیای سقو ط تک توك
قالان ورنک فنادن نشان ویرن صولق یاپراق لر
او کونلرده الیم اهتزار لرله چرپنه چرپنه کلیاً
دو کولوب مبدل زول اولور . مقدمه سرمای
اخطار ایدن صغوق بی امان بر روزکار اشجاری
لباس خضرالرندن تجرید ایدنجه بتون اشیایرفک

کیدی ره جکی بیاض کفنه انتظار ای دییورمش کبی
 بر نك ممت ایچنده عریان حزین قالیر . قوشلر
 اندیشه لی اندیشه لی اوچوشورلر . صانکه دره لرك
 چاغلیدیسی روزگارک درین درین انکلیتسی
 بونلره ایراث حزن وهراس ایدر . تقرب شتایی
 حس ایدرلر . شدائد روزکاره قارشى بر مامن
 بولمق قیدینه دوشهرك بیقرار کورینورلر .
 کوچک بر قوشك یاپراقسز برداله قونوب ده او یان
 باغیشی ، او حزن آلود ساکتانه نظریله آفاق
 تجسس ایدیشی محزون کولکلره نه قدر طوقنور ؟
 طیورک اورادن بورادن قیصه حزین بمض
 نغماتی طویولور . فقط شوق ویرمز . هپ
 بونلر صماخه بر ناله تحسر کبی کلیر .

بتون اشیایی بوبله رپوشیده زوال آلتیده
 ملال آور ، طیوری دره لری روز کاری ناله کر
 کوردیکم ورطوبت ، چامورلر ایچنده یاتان اوراق

اشجارى چيكنه يهرك قيرلرده طولاشديغم زمان
 ايلك بهارى تخطر ايدرم . او آنده پامال مذلت
 اولان اوياپراقلرك زمان كشايشلريني روحه نشوهر
 بخش ايدن او آن لطاقلريني دوشونورم . حياتك
 ايلك ابتساميله شوصوك رنك فنانسي مقايسه بني
 يك مايوس ايدر . نظرم بر قبره مصادف اولور
 بروالده قوجاغنده كي طفل نوزادي دوشونورم ...
 اطرافه انجام بنيانه بر نظرله باقارم كوزم دنيائي
 باشقه درلو كورر . قطع مراحل حيات ايدنلره
 تسلي بخش اوله جق يالكز برشي وارايسه اوده
 طبيعتك نتيجه حيات حقنده كي قوانين لايتغيرنده
 شذوذ بولنما مسيدر .

فكرم غموم افزا واديلردن طولاشه طولاشه
 عفته او بيكانه طالعه دوشدي . بيلم نهدن ؟
 نه وقت بر مزار كورسه م ... نه زمان حزن اويا -
 ندره جق ، غم ويره جك ، كوكلې كريه بارايده جك

بر شیئه تصادف ایتمه بوقیز عقلمه کلیردی ...
 لطافت آن و جمالندن زیاده کنز عرفانندن دو کولن
 اودرر بها سوزلره عاشق اولمشدم ... او شرین
 کفتارینه اشتیاقم پک آرتمشدی . طبیعتک هانکی
 گوشه سنده حزنله ممزوج بر لطافت کورسه عفتی
 اورادن نازنینانه اداسیله اتکنی سورویه رک
 کچمش ظن ایدردم . ذهنم فیکرم نظر شاعرانه یه
 برده نارفته عرض ایدن وحشت آباد ، مناظر طبیعیه
 ایچنده بیابان افکاره طوغری قدمزن فرار
 اولان بر شعر پر یسنک پای نهانی ارقه سندن
 طولاشیر کی سرسریانه او خیال فریعی تعقیب
 ایدردی . بعضاً شفقنورده جمالی کورر ، بعضاً
 چیچکلرده بوی عفتنی استشام ایدر ، بعضاً
 اشعار دهاتده حسیاتی او قور ، بعضاً شب تاریکده
 طامعی سیر ایدر اغلار ایدم . عفت نیم ایچون
 حزن بر خیال اولمشدی ... هیات ! . . . او بر

سراب سودا ایدی . تشنگان محبتنه عشقک
 جنان سرائزند، خزائن علویانندن بر رؤیا
 کوستردی ... او بر بارقه شعریه ایدی . وهله
 پارلادی . بر آن بتون اشیا مظهر انواری
 اولدی ... کوزلرمی قماشدردی . مفکره می
 شعله بار ایدی . ینه سوندی . بنی، نور آرایان
 اعماکی بردشت خیالده نالان براقدی ...
 غالباً او بر حور سما جوینده ایدی . قدرینه
 کوسدی . مقامنه چکلدی ...

اوت ! تشرین ثانی اواخرندن برکوندی .
 هیچ اونوتمم همده جمعه ایدی . استانبولزده
 خزان ایچنده وحتی قره قیش صاییلان بارد
 موسملرده بيله بعضاً اويله مساعد وجیده والر
 لور اوکه نور شمسک بوموسمده اشیانک کوستردیکی
 الوان حزنه، آثار یتیمییه انعکاسندنمیدرنه در
 بيلم؟ کوکلی حزن ایچنده برشوقه دوشورد .

اویاه کونلر نه اول بهارده کوریلور نه ده صیفده .
 اشته اودیدیکم جمعه بویله کونلردن بری ایدی .
 پنجره مک اوکنده مستغرق خیالات بولنمقده
 ایکن قابومزك چینغراغی شدتله چینغیردادی .
 مردیونلردن پالدر کولدر برینك چیقیدینی
 ایشیدلدی . دوستم دو قوتور خلاف معتادی
 اوله رق بشوشانه برچهره ایله اوطه دن ایچری
 کیردی . ساعت سکز قدر واردی . المی طوتوب
 کوله رك دیدی که :

— هو انك كوزاكنی کور ییورسك یا ؟
 رومانچی بك ! بویله لطیف هو اده تماشای
 طبیعته چیقمه یی بك سودیککی بیلیرم . هایدی
 بر طرفه کیده لم . نه یاپه یم ؟ بوکون طرف عالیکز دن
 شاعرانه برقاج زوزكلك دنیلیمکه قاتلانیرم .
 هم سن نره سنی انتخاب ایدر ایسهك اورایه
 کیده جکز . ایستر ایسهك شیشلی یه طوغری
 چیقلم !

— یوووق!.. حق انتخابی بکا ویردکدن
 صوکره سنک شیشلی یه فلان دیه محل تعیننه
 هیچ حقک اوله من .

— بک اعلا جانم . سن بر محل سویله ده
 اورایه کیده لم .

— ماشیاً یکی باغچه یه طوغری کیده لم . بوکون
 کوکلم بک محزون . براز چایرلقده او طور یرز .
 صوکره ده سور خرابه لری ، مزارلقلر ایچنده
 طولاشیرز . بوکون جانم بک اوغلنک فیطونلری
 لاندولری ایچنده کی شیققرینی سوسلی ماداملرینی
 کورمک ایستمیور . ییقق اولر ، خرابه لر حزن
 افزا مزارلر قرالتیلی سرولر کورمک ارزو
 ایدیور .

— حق انتخابی سکا ویردیکمه بنی پشیمان
 ایتدک یا! قرداش بایقوش میسک؟ نه سک؟ اوروحه
 قسوت ویرن یرلری کوروبده نه یاه جقسک؟

موسمك صوك مساعده سي اولان بويله كوزل
برهوا هيچ اويله يرلرده كچيريليرمي ؟

دوقتور خيلي سويلندي. فقط مرد چوجوق
سوزيني كيري آلمدى . ديديكم محللارده كزنمك
اوزره سوقاغه چيقدق . خاليچيلردن خسته
خانه چايرندن كچوب يكي باغچه يه كلدك . او كو-
مزه باران حزنندن طراوتياب اولمش ، خضارتي
فرجامگاه غمومدن آلمشه بکزه ين بر چايرلاق
چيقدى . اشعه شمسك انعكاسيله آچيقلی قويولى
منوشلر كوسترن بويشيل كولك ساحل جنوبنده ،
از مرتفع برتپه جك اوزرنده ، قورومش اغاج
دالاري صرارمش يپراقلر ايله اوستي اورتولمش
بر چارطاق كوردك . دوكتوره ديدم كه :

— باق اسكمله لر وار ، غالبا بوراسي برقهوه

اوله جق . كل شورايه اوتورالم .

رفيقم قاشلريني چاتوب :

— سن بوقورو يپراقلك التنه اوطوروب
سنوحات شاعرانه يه وقف ذهن ايله جكسك .
بن ده اقشامه قدر ايچ صيقينتيندن پاتلايه جغم
دكلى ؟

ديدى . هيچ سسسى چيقارمدم . ايكمزده
برر اسكمله آلوب اوطوردق . چارلغك شمالندن ،
سور خرابه لرندن ابتداء ايده رك فاتح سمتنه
طوغرى اوزانان صرتك اوستنده بربرينك اوزرينه
چيقمش كبي غايت . لاصق كورينن — طاملرى
قرارمش — كهنه بيوتدن بهضيلرينك جاملرنده
غربا كوكلنه اميد دوشمش كبي كونشك عكسندن
پارلتيلر پيدا اولمشدى . اوخانه ييغيتلرى اوجام
يارلتيلرى آده سنه برطاقم سرولر ، يشيلاكلر ،
مسجدلر ، مناره لر وجسيمجه ابنه لر كارا كيرلرده
صيقشمش اولديغندن صاف برسا آلتنده پارلاق
برافق ايله برلشن شوايريل اوافاقلى ابنه ازدهامي

ایچندن بعض نقاط مرتفعه ده کوریان جوامع
 سلاطین کوکاره یتشمک ایستین شرق عظمت
 شاعرانه سنک بررمنبر اعتلاسی شکنده کی بلند
 نارین مناره لری هیبتلی قبه لریله فن معمارینک
 بررهیا کل مهابتی کی حلاوتنا اولمقده ایدی .

نظرم خراب سورلر، شو تعریف ایتدیکم
 افقلر اوزرنده کز نمکده ایکن اوکومزده کی
 چنزار سطحنک قوه نامیه دن درجه متساویه ده
 فیضیاب اوله مامقدن ناشی صاری یه باقان یشیلدن
 بورنکک اک طاتلی قویواقلرینه قدر فرقلر
 کوسترن آهنگ الواتی اوقشایه اوقشایه سوزیلوب
 کلن معتدل برروزکار اوستومزده کی چار داغک
 قورومش یاپراقلرینی خفیف خفیف خشک ایتدجه
 کوکلم ده غریب غریب حسله لرله مشحون
 اولیوردی .

قارشومده کی ویران اولره باقنجه عقلمه یینه

عفت کلدی . کوکلم ینه او آهوی خیالی تعقیبه
 باشلادی . عفت بودفعه بکا نور دن منسوج
 تولاره بورنمش ، برنجم کیسودارکی صاحچلرینی
 کوکلره صاحچش ، اساطیر پریلرینک یندیکی
 چیچکلردن مصنوع برکردونه ظفره قورولمش
 کندینه بکزرملک سیما برآلای پرلراورته سنده
 بلوطلره قارشمش کوروندی . ینه خلجانلره
 دوشدم . او انشاده نظرمی سور دیوارلری
 ارقه سنده کی مزارلق سرولری جلب ایتدی...
 صانیکه او آنده برصدای خفی ینه قولانمه
 دیدی که : « او کوکلرده طائر کوردیکک عفتک
 روحیدر . جسدی اشته شو سرولرک قرالتیلری
 آلتنده یاتیور ! » ... تیره دم . ایکیده برده
 بوموحش فیکربکا زه دن کلیور ؟ عفتک اوزرینه
 بویله شیئی نیچون یورییورم ؛ دیه کندی کندمه
 قیزدم ... نه یه اولسون ! .. حیات کندی

لطاقتی انتشاره واسطه ایتک ایچون یتشدردیکی
اوله بروجودی طور اغه صوقارمی ؟ حیات
حسنندن آیرلق ایسترمی ؟ .. فقط نره ده لر ؟ ..
او ملک قیز ... زواللی خسته قالدین .. ییجاره معصوم
صبری ... بد بخت لطیف ... هانکی ازوا گاه
سفالته چکلدیلر ؟ .. استانبول ... ای قوجه
شهر شهیر ! شو دوت مقهور طالعی نره کده
صاقلیورسک ؟ عمیق مظلوم قیولر کده می ؟ خراب
غریبانه مزارلر کده می ؟ .. یوقسه بیوا یکانه
ماوا اولان ویرانه قولبه لر کده می ؟ .. یوز بیکلر جه
نفوسه مسکن اولان لایعد خانه لر کدن بومظلوم لر
ایچون براو طه جق بولنه مدیمی ؟ کمرکار، خانلر،
مغازه لر، دکانلر آلمایان بونجه ادخالات ذخائر کدن
بودرت آجک نفقه سی نه دن استیفا ایدیلیور ؟ ..
نصل تعیش ایدیورلر ؟ .. یوقسه اقوات یومیه -
لرینی بنی نوعلرینک مرحمتلرندن استعانه ایچون

کیز لیجه دیلنمکه ، مردان نامردانه آوج آچغه می
 چیقديلر ؟ .. یوق .. عفت ، دنیا یه او عظمت
 خلقیه ایله کلن قیز ، درت کونلک احتیاج حیات
 ایچون اغیاره آوج آجز .. لیکن مسکنسز ..
 کیه جکسز ا کمکسز نصل یاشانیر ؟ .. درت
 کره میدله اورتیلن شو طاملر نه قدر فجایع
 انسانیه یی ، نه قدر اسرار الیمیه یی نظرلردن ستر
 ایدیور ؟ ..

ذهنم بر برینی ناقض بیک درلو مضطربانه فکرلر
 ایچنده بو کالمقده ایکن قارننک پک زیاده
 شیشکینلکندن حامل اولدینی ا کلاشیلان بیاض
 براینک یانغزه طوغری تقرب ایتدی . دو قور
 قلیجیله حیوانی اور کوتوب قوومغه طاوراندی .
 بن دیدمکه :

— قوومه زوالی یی . باق نه قدر کوزل
 حیوان ؟ نه قدرده شفققلی نظری وار ؟ .. اقشامه

صباحه والدۀ اوله جق ...

رفیقم لطیفه ایله قاریشق حدتلی بر نظرله
یوزمه باقوب دیدی که :

— یووو... باق بک افندی! منظره شاعر!-
نه لرینه حرمة کندیمی اینکله تپدیره مم! کیتسون
باشقه یرده اوتلاسون. اکر شو حیوانک شکنده
جالب نظر شاعرانه اوله جق بر حال وارسه
اوزاقدن تماشا ایله اکتفا ایت .

— جانم نه ایستیورسک حیواندن؟ باق شونک
حلمیت آقان کوزلرنده انسان تمکه دلالت ایده جک
بر حال وارمی ؟

— بک اعلا! بوکوزل هوایی شوقبیلر
اووه سنده کچیرمکه قاتلاندق یا! نه یاپه لم اینکله ،
اوکوزلر ایله ده قرداش اولورز. بونلرده خاطر-
نوازلرده بوانورز. انصاف ایت یا هو... شورایه
کله لی یارم ساعت اولدی . اغز کدن برکله

بیله چیقمدی . چارلغه طوغری باقه رق
 طالب طالب . کیدیورسک . بوسنکی عادتا
 جنت !.. هله شو اینک کلدی ده ایکی چیفت
 سوز صرف ایتکه وسیله اولدی .

اواناده خرابه لراتصالنده کی قبطی قولبه لرندن
 برکومه قوش کی قوپان ایریلی اوقاقلی ارککلی
 دیشیلی بر سورو چینکانه چوجنی قوللریله
 چرپنه چرپنه ، باغره چاغره اوینایه صچرایه
 چارلغک اورته سنه دوکولدی . چارک اوراسنه
 بوراسنه قونوب قالقدن صوکره بزه طوغری
 قوششمغه باشلادیلر . یانمزه یاقلاشدیلر . هپسک
 یوزندن معصومانه برچینکانه لک طفولانه بر نشئه
 آقوردی . اغلینک نه بجاغنده طون وار ،
 نه ایاغنده قوندوره . جمله تلبسلی دیزقاپاقلرینه
 قدر قیصه ونه قاشدن اولدینی بللیسز مردار
 بر انتاریدن عبارت . یاقه لر آجیق ، مشین کی

کو کسلر تا کو بکاره قدر کشاده. بونلری چارپان
 سام قدر زوالیلری اولدر مامش فقط سفالتک
 هر درلو شدائینه قارشى بر قوه مقاومه ویرمک
 ایچون صانکه وجودلرینی سیم سیاه یا قهرق
 آشیلامش. آرتق بونلر ایچون سرد و کرم
 روزکاردن قورقو، اندیشه قالمامش... بو اطفال سفیه
 کندیلر ایچون حدود حیات دیمک اولان او چارک
 نالک اوتلری اوزرنده طونسز بچاقلری، چبلاق
 ایاقلری، یوق حکمنده کی یرتیق انتاریلریله فن
 طبک حفظ الصحه اطفال حقننده کی وصایاسنک
 بطلان احکامنی کویسترر صورتده اویناشوب
 قوشوشیورایدیلر. قوجه حکیم مجنون ژان ژاق
 روصو!.. چوجقلری نوازش کونا کون مدنی
 اوزره بیوتمیوب دایه طبیعتک دست اختیارینه
 ترک ایدرک یتشدرمه نك دها خیرلی اوله جغنی
 اثبات صددنده چلدلر طولدرمه مکر کلباً

حقسز دکل ایتمش ... صیجاق فانیلالر، یومشاق
 قاشلر، قابا دوشکلر ایچنده حمام کبی صیجاق
 صوبالی اوطله لرده ینه صغوقدن بالتأثر درلو
 امراضه اوغرایان ... نعم کونا کون ایله پرورش
 کوردکلری حالدده فقرالدمه دوچار اولان زنکیین
 چوجقلرینی دوشوندم .

بو چوجقلارک ایچنده الک سیوریجه لری
 کورینن، وکونشدن یانمش مصر پوستکلی رنگکنده کی
 صاحب لری النمنن اشاغی یه طاعلمش بولانان
 قمرزی انتاریلی ضعیف برقیز، الارینی او قومه
 مخصوص اولان برادا ایله بربرینه اوروب
 کوبکنی چالقایه رق رفیقه لرینه دیدی که :

— پنبه، شهرت، نائله ، ... هایدی قیزلر
 شوبکلره براز کیز ایدلم ...!

بوتکلیف اوزرینه دوت قیز ایکیشر ایکیشر
 قارشى قارشى یه کچهرک کوزلر سوزوب اوموز

قره رق شواشاغیده کی شرقی ی اویناق، شوق
انکیز بر مقامله سویلیوب رقصه باشلادیلر :

چیچکی طاقش یاندن

سورم سنی جانندن

بوشانده کل آلایم

سنی مسکین قوجا کدن

آه تره لام تره لام

تره لالی یاله لام

اوه کل کیفم کل !... خدای نابت طاغ
چیچکلی کی کونشه یاغموره بورایه معروضاً
قاعه دیوارلری آره سنده یتشن ، معصومانه نشئه لری
خنده لریله - ییانی چیچکلی غصه و تریبه دن
عاری - بر بوی سانه نشئه لری ، هر حالارنده
حیاتک شکل طبیعی کوریشن ، آنا ویاالرندن
قید فرما ، اندیشه استقبال کی سوزلری اصلا
ایشتماش اولان بوینبه لر ، شهرت لر ، طبعیتک

هر درلو خنده لرینه وارث بوقیر چچکری، روزگار
 سرد سفاکتك قولاقلرنده اوتدردیكى ایصلقلری
 اویون هواسی ظن ایدن بو کوچك جنگیلر اوموز-
 لرینی او قدر فیهق دو کوك تتره تیورلر، پای رقصلرینی
 بستانك اهنکینه تطبیقاً او قدر تیز آلیورلر، نقرات
 اولان تره لاملرده او قدر خوش کوبك آتیورلر
 ایدی که او حالی کوروب او کوبك آتشاردن
 قاپاران امواج شوق ایچنده قالبوده وجودینك
 هر نطاه سنده انسانك برهوس رقص حس ایتامسی
 قابل دکالیدی. ذهنی استیلا ایتمش اولان
 سحاب غموم هپ طاغلیدی. تأثیر شوق ایله
 بن ده اوتوردیغم اسکمله نك اوزرنده طالعه لانغه
 قهقهه لر ایله کولمکه باشلادیم. نوقتورده قهقهه
 لرده بکا پیرو اوله رق دیدی که :

— کول شاعر بك ! کول ! چونکه بو کوزل
 هوایی بویله قبطی یاوریلری ایچنده کخیرمه مزك

بکاه مکافای انجفی بوقه قهه لر اوله بیلیر! ...
 — نه وار؟ فنا می؟ قسوت حیات نه اولدیفنی
 بیلمین شو نشئه لی چوجقلر ایشته نشئه لرینی
 بزده سرایت ایتدیردیلر. بک اوغلنه کیده ایدک
 صانکه نه کوره جکدک؟ شیدشاید کی غازی نو جیلرک
 برطاقم حیلله لی مشروباتی بزه یوتدرمق ایچون
 ایده جکاری تمنا لریمی؟ درمه چاتمه اورکستره لرک
 جانخراش آهنگلرینی؟ ساخته وقارلی شقیلرک بیق
 بوکمه لرینی؟ دوز کونلی ماداملرک قریمه لرینی می؟ نه یی؟
 یوقسه جالک هوای صافی یرینه توز یو تمقمی استیور؟
 باق شو چوجقلر نه کوزل اوینا یورلر. دیمککه
 شوراده سور التمد کی قبطی قوابه لرینک
 هربری برو مکتب رقص ایتمش ..
 رفیقم استهزا ایله :

— هر دیککیز عین حکمتدر اقدام. ضروری
 بوق. بو کونده بورایه قبطی اصول معیشتانی

کورمکه کلمش اوله لم .

— وای سن قبیلرک اصول معیشتلرینی
شایان تدقیق دکلیدر ظن ایدیورسک ؟ بونلرک
عادات و اخلاق و تاریخ خصوصیلری حقینده
اوروپا عقلاسی جلدلر طولدیریور..

— ظن ایتمکه اوروپا عقلاسی ایچنده بویله
کوزل بر هوایی قبیللر ایچون فدا ایده جک
بر عقلی بولسون !

قیزلر رقصی بیتدیملر . دردیده قارشیمهزه
بر صرمیه دیزلایلر . صول اللرینی قوالتوقلرینه
طیایه رق صاغ اللرینی برر شیوه قبیلانه ایله بزه
طوغری صالایوب کووده لرینی تیتره تهرک :

— بکلر ! کریز ایتدک . هانی قیزلرک
بخشیشنی ؟ دیمکه باشلادیملر .

دردینه ده آیری آیری ایکیشر اونلق ویردک .
مکرسه بوقدر پاره انلر ایچون موجب مسرت

عظیمه اوله جق براحسان ایمش! سونج لرندن
 قهقهه لر ایله یرلره یاتوب یووارلانمغه بانلادیلر.
 چوجقلرک عددی اوندن زیاده اولدیغندن یاره
 آلمیانلرک حصه مند منفعت اولمق امیدیه آلانلره
 قارشى کوستردکلری عارسزجه تملقلر یالتاقلامه لر
 حاصلی ایتدکلری چنکانه لکلر قارشیمزده
 حقیقه کورلمکه سزا برلوحه تشکیل ایتدی.
 بومسرت عارسزقلری بیتد کدن صوکره
 او قوش کومه سی ینه چرپنه چرپنه چنزار
 صفاسنه طوغری هوالانوب کیتدی.

دوقتور قو پاردینی قهقهه لر دن بقیه اوله رق
 وجهنده هنوز حقیف برتبسم بولن دینی حالده
 دیدی که :

— بونشئلی فصلده بیتدی . ساعت اونه
 کلیور . بوراده دها او طوره جقمی یز ؟
 — براز شویله سوره طوغری چیقلم.

— پکی ۰۰۰ بر قاج مزار طاشی او قویوب برایکی
 مزارلق قوشی نغمه سی دیکله مدن عودت ایدر سهك
 شوکزن نیمزك شاعریتی اتمام ایدلماش اولوردکلی؟
 دو قنور هر تکلیفمه معترض کوروندیکی حالده
 هیچ بر سوزمی قطعیا رد ایتیموردی. قبیلرک
 سور دینده کی خانه لرینه طوغری یوله چیققدق.
 قبیلر قادین ارکک کنج اختیار چولق چوجق
 هپ عائله عائله قاپولرینک اوکنه چیقوب ادرنه
 قاپوسنه طوغری اوزانان اوسوقاغک اورتسسه
 یاییلمش. او قولبه لردن وبونلرک سهکنه سی اولان
 اوزی حیات مزخرفاتدن انتشار ایدن آغبر
 قوقو، بعض قاپولرک اوکنده ایکی طاشدن
 عبارت اوله رق چاتیلوب اقشام نواله سی ایچون
 اوزرلرینه برر سیاه تنجره اوطور تلمش اولان
 او جاقلردن چیقان دود سفالته قاریشه رق هوایه
 طاغلیور . . . سن هر مه واصل اولمش بروشیق

کلو سهاله رنکنده يانق يوزلى عبوس چهره لی -
 بلارنده شال تقلیدی اکللی قوشاقلری بولنان
 خرقة لی شالوارلی قوجه قاریلر حرمت عائله یه
 ادعای استحقاق ایدر برر طور آمرانه ایله
 ارقه لرینی دیوارلره طاشلره طایایوب اوتورمشلر،
 بونلرک رفیق حیاتلری اولوب سنه لرک بارمشاقی
 التنده اوسفالت دومانلری ایچنده قرارمش قیدیه
 دونمش آق بیقلی قوجه چنکانه لر الارنده کی قیسه
 چبوقلری فو صور داته رق شجره سیاهلرینک فیلیز -
 لری مقامنده کی - توزلر ایچنده بوغوشان او مردار
 و عریاز - چوجقلرک او یون ائناسنده اک دادوانه
 رخاطبه صورتنده یکدیگرینه قارشى استعمال
 لملکری تعبیرات غلیظه یی استماع ایدرک تبسملر
 ستریورلردی . درس ادبی مایمون اویناتمه
 رمش نشوه شعریه یی سپورکه طوپلامقه
 اش اولان سیاه پارلاق کوزلی، کنج توانا چویک

یانق قبطیلر - طلوعی کوبک آته آته استقبال
 ایدن غروبه مایلرله وداع ایلین ، استانبول
 سوقاقلرینی صدای نشئه لریله طولدیران ، شقاقلرنده
 صاری چیچکلر طاقیلی کنج قیزلره اوسفالت
 تبسملرینه . . . سودا پرستانه بایغین نظرلرله
 باقوب شاعریتک صولی قولیه مخصوص اولان
 نکتہ لریله زبان درازلق ایتکده ایدیلر .

اوراسی غرائب عاشقانه سی سفالت مہیشتیلہ
 ساعتلرجه تدقیقه شایان برمزبلہ حیات ایدی .
 دوقتور طورمدی . یوریدک . قولہ لرك ارہ -
 سندن سورک ییقق برقسمنه طوغری یوکسلن
 بریوقوشدن چیقدق . بوتہ جک اوزرنده اطرافمز
 باقدق . اقشامک حزنلی خفیف بردومانی ایچند
 بایغین کبی کورینن شهره کونش وداع ایدی یوردی
 بووداع بکا پک الیم کوروندی . صانکه اوسید
 الم تحسرله بیتاب قالمش یانیق کوکلردن فضا

اشتیاقه ترفع ایدن افتراق دوماناییدی ویاخودکه
 حزن سبب حالنه کیره دك کندی نه بر شکل ویرمه
 اوغراشیوردی. کونشدن التون توزی کی دوکیان
 او اوچوق انوار زوال بوسه سیلر طرفندن بلع
 ایدلدیکندن انلرك التده قلان اولر اغاجلر
 مناره لر بتون اشیا درجه درجه برر ظل افتراقه
 کریوردی.

برروش استغنا کارانه ایله چکیان آفتاب زواله
 قارشى برروضه متحسرانه ایله بویونلرینی بوکمش
 بولنان صوك بهارك پنبه لی صاریلی مائیلی ازهار
 عیون آراسی چیکنه یه چیکنه یه غیر منتظم بر
 یوقوشدن اینمکه باشلادق . اطرافمزده تلاشی
 تلاشی اوچوشان آریلر بیوک سینکلر اورادن
 بورادن بویازده کی صوك نفقه لرینی طویلورلر ،
 بیاضلی صاریلی برقاج کله بکده آن افتراقی حس
 ایدن محبتزده قلبلر کی تتره یه تتره یه برر پرواز

چالاک ايله طولاشوب هر چيچکدن برر پوسه
وداع آليورلردی .

قلبي رفته کتیره ن طبيعتك شو آثار بدایعی
یاننده صنع بشرده حلاوت نما اولیوردی .
تخریبات اعصاره ارتق تاب آور مقاومت اوله میهرق
سورک یکپاره برحاله یرده یاتان برج پاره لری ...
نظر عبرته بيك درس حکمت ویرن هر طاشنده
نیجه رموز شئون اوقونان ... هر پارچه سنده
درلو حقایق تاریخیه رونمون اولان اوقلمه
دیوارلری برر مآثردهورکی هیئت بخش انظار
اولمقده ایدی .

حادثات ماضیه نك صامت برتر جان بلیغی کی
قلبه حلاوت احساس ایدن روحی اهتزاز
کتیره ن بوسورک بعض جهتلری رصانت تامه لرینی
الآن محافظه ایتمکده بعض محملر نده بویدن بویه
پیوجک چاتلاقلر رخسار کورلمکده اولوب

یاچین قیا حالنده کی بعض عمودی سطح جلری
اوزرنده اوتلر بتمش، حتی بیو لك اغاجلر بيله
یتشمش، صارمه شیقار اوره ش، بعض ییقق برج
ذروه لری یادکار اعصار اوله رق طاشدن یایامش
جسیم بررساقسی شکنده یشیانوب برر مرفع
باغچه حالی آلمشدی . بعض یری ییقق بعض
جهتی حصین بعض برجی مائل بعضیسی استقامت
عمودیه منده بولنان و نظارك ایره بیله یکی قدر
انحنالی برخط اوزرنده تمتد اولان وهیات
طولانیه سیله یبانی یشیلاککرا اغاجلر بوستانلر
ایچنده قالان بو خرابه زار تاریخه، اقشام کونشی
آتش زوالنه، بر ازده رنك حزن قارشده -
یره رق اشعه زرین کلکونه اثریله حزین بر
یالیز اورمش بولندیغندن پیش انظارده عظمت
تاریخیه سی شام غریبانه سی منظره شاعرانه سیله
مفکره بی ساعتلرجه مستغرق رقت ایده جلك بر

کال سکوتله یوریمکده دوام ایدیوردی .
 ادرنه قاپوسنه کلدک . ایکیمزده حزن پرورانه
 درین برطالغینلق ایچنده بولندیغمزدن حلاوت
 مناظر دن متولد اوزرمزده کی تأثرات غریبانه نک
 زوالنی ایسته میور ایمشسز کی قلعه قاپوسی جهته
 یورویه جکمز یرده ایوب محلاتنه اینن وایکی طرفی
 قبرستان اولان صاغدن ایکنجی مزارلق جاده سنه
 طوغری برحرکت غیرارادیه ایله یوریمکه باشلادق .
 صانکه برقوة خفیه بزى اوجهته جذب ایتدی .
 یالکز ظن ایدرم که اوجهته طوغری یوریدیکم
 صروده دو قتورک بلا اعتراض بنی تعقیب ایلمسی
 اوילה کج وقتده ادرنه قاپوسی طرفلرنده بزى
 اقسرایه کتوره جک بر آراه بولنه بیللمسی مشکله
 بر کیفیت اولدیغندن ایوبه قدر اینوبده اورادن
 بر قایق له باغجه قاپوسنه چیقماق کی . نیت
 اوزرینه بنی او طرفه یوریدی ظن ایلمش بو .

لنسندن ایلری کله بر حال اولمیدر.

ارتق خلی آچالوب سرولر آرمسندن انعطاف
 ایدن کونش تازه چمنلر آلتسده غنوده بستر
 ابدیت اولان اموات اوزرینه صانکه انوار
 اخرویه صاچیور کویا بزه ... ارباب حیاته
 سرائر مؤثره مقابری کوسترمک ... انظار
 عبرتمزی دها دقتله او طرفه جلب ایتک ایچون
 اک درین اک خفی دایکله قوو قله قدر نفوذ
 ایدیوردی. اسکی، یوصونلی، مائل، ییق
 مزارلر آرمسنده - او خوابگاه فرجامه،
 اوغرتخانه انجامة یکی دوشنلرک بویالی یالیزلی
 طاشلری ده کوریلوردی ... بونلرک هربری بر
 عائله نك میانه شفقتندن یکی آیرلمش، کیمی زوج
 کیمی زوجه یتساغندن کیمی والده قوجاغندن
 چیقمش او مقرسیاهه دوشمش، طارم فلکینه
 جانسوز فریادلر ایله صارصلمش، قانلی افتراق ابدی

ياشلىرى دو كۈلۈش، پەك چوق بى چارەلەر كى اميدى
سۈنۈش بويى بۈكۈلۈش، چوق خانىلار خراب
اۈلۈش چوق قاپۇلر قاپانۈش . .

براز يوريدك . يولك صول جەتتە كى قىرستان
ديوارىنك يىققى برىرندىن آتلايۈب ايجرى كىردم .
باقدم دو قتور كلىور . متردد بر حالده طورىيور .
— كل برادر كل . بوراده اخواندن
عاطف بك اسمندە بر كىنجك مزارى اوله جق .
تدفىنندە كلىشدم . شوزاللى ارقداشمى بر فاتحه
ايلاه زيارت ايدەلمده اوله كىدەلم دىدم .

دو قتور هيچ جواب ويرمكسىزىن يىققى
محلدن مزارستانك ايجنه اوده آتلادى . رنك
مما لك حيا ته انقلابى كوسترن او قويويشيل
چنلر اوزرندن، سرور مزارلر ارەسندىن،
نور زواله قارىشان مەيب كۈلەكلر ايجندىن،
مزارستانه مخصوص اولان نباتلك، اوراطب

ترابك نشر ايلديكي بوى اخروى يى استشمام
 ايده ايده طولاشيور عاطف بلك قبريني بولاق
 ايجون بعض طاشلك اولندن اورته سندن ويا
 آخرندن بررايكيشر مصراع او قويوب كچور ايدك.
 التمه ياتان كنچ قزك روحانيت منوره سى
 اوزرينه اورمش كي كوشك عكس شعاعيله
 يالديزلى پارلايان يكي بر مزارك كتابه سنى
 شويله باشليوردى :

بن بر كل ايدم رنك و اداده
 صولدردى روزگار آتدى بوخاكه
 كريان بر اقدم پدرى اما
 فغان مادر چيقدى افلاكه
 برازايلريده كولكه ده قالمش بر طاشك اورته.
 سنده شو مصراعلر كوزمه ايلشدى :
 بيايم كه نه يدى قصدى كردونك
 مظلومى اولدم او سپهرونك

از یحقیقدها اوتهدده یشلکله کوره کومولمش، طاشی
چارپلمش خراب غریبانه بر مزارك کتابه سی ده
شویله ابتدا ایدیوردی :

وعدمی یتمش دانه می یتمش
قالماش حصه بزم وفاده

نظر مزه عرض ایتدیکی، ایری جلی خطله
یازلمش اکللی واوزون طاشنی بزه زوو ایله
او قوتیق استیورمش کی او کومزه اسکیجه فقط
یوکسک مهیب بر مزار چیقدی. آنک ده ندای
صامتانه سی شو ایدی :

کچمه ای زائر کوروبده سنکمی
صانه آزاده بو یردن کنیدیکی
وقت ایله باقده بکا عبرت آل
او کرن او چرخ دینک دنکنی
او قودیم مزار طاشلرینک ایچنده بالنسبه اک
دوز کونجه لری بولر ایدی. اکثری مزار جی

جموعه لرندن آلمه اولان بوکته سابه لر اچننده
 « اوچدی نوریهم جنسانک باغنه » ویاخود
 « نوش ایدوب دست اجلدن شرتی » طرزنده
 بوسبتون قابایزلمش اولانلری ده پک چوقدی .
 هر نه اولور ایسه اولسون اولور لسانندن اوله رق
 دیریلر قلمندن چیقان بواشعارک جمله سی مئاک
 حیاته برر خطاب تحسری ، برر بیان سوزشی
 اولمق ، دنیا اوزرندن عدمه دیکلمش برر زبده
 فاجعه حیات بولمق اعتباریله نیم ایچون مؤثر
 ایدی .

برقاج طاش دها او قودم . فقط عاطف بکک
 مزارینی بوله مدم . چوق مزار طاشی او قومق
 باش اغریسی ویردیرلر . باشمه اغری کلدی .
 لکن قابم پرملال کسلدی . حزنیم پک آرتدی .
 اوداده یاتانلرک هر بری نیم کی طوغمش ،
 ییومش ، حیاتک هر نوع چاشنی جور

وصفا سندن طاتمش املار ارقه سندن قوشمش
 نهايت اوجای ظلمته تکرلنش بر آوچ طوپراق اولمش
 جمله نشانه هویتری اوله رق اوزر لرینه برقاج
 سطرلی موقت برر طاش دکملرکه سیل زمان
 برکون آنلری ده یوق ایده جک . بوقدر کشمکش
 عمر، بوقدر دغدغه حیات ، بوقدر مبارزه
 آمل، بوقدر حقایق بوقدر وارلق نعل عدم
 اولمش ؟

عمر بکا بیراملرده چوجقلرک هوسله یینوب
 حزنله ایندکاری دونه دولابلرکی چرخ زمانک
 برقاج قیصه دورندن عبارت کوروندی . نشئه
 غرامیله برمدت سرمست امید ایتدکدن صوکره
 اشته اوده رانک مظلوملرینی صابر صابر ایچنه
 دوکدیکی، آتته انسان یاتیروب اوستنده اوت
 بیتدیکی ترلا کوزمک اوکنده طور یوردی .
 اراق یتاب قالدیم . هر مزارک روحانیندن

ترفع ایدن بر سپند بوی عقبا، بر مال عمیق معنا
 بنی بهوش ایتدی. دنیادن آخرتی تماشا ایچون
 اورایه قونمش، چندن بر سریز اولمش یوکسک
 بر مزارک اوستنه اوتوردم. دو قورده بو حر کتیه
 امثال ایتدی .. بر المی شقاغمه طایادم. جهراً
 شو یولده سویلنمکه باشلادم:

عجبا هانکی کتاب؟ هانکی شعر سزک شو
 سکونت مؤثره کز قدر افاده معنای حقیقت
 ایده بیلیر؟ .. شجر حیات، فیض انوار ایچنده
 یتشدیردیکی، هوای وسیع سودا ایله پر رنک
 و انشه ایلدیکی اثمارینی بوسیا قووقلره می دو کویور؟
 خلاصه معنای جهان، نتیجه آلام زمان بومیدر؟
 سزی رؤیتدن جسد طور اغنی کوروب بیتاب
 قالیور. روح صانکه پروازه هوسلنوب
 چرپینیور! .. منظره کزدن هرنک عدم کیان
 فکر بر نور سلامته صیغنمق ایچون حیاته التجا

ایدیور... دلالت حقایق کزله آنده کی مشرب
 وفا بیکانه بی اکلایور . پرتو حش اولیور .
 عمان بیکران عدمدن حوادث کز یالکز بوسکوت
 مهیه میدر ؟... سزه دائر بزم یالکز کوردیکمز
 شی حیاته سینه کشای اشتیاق اولان قره طوپراغه
 کیردیکمز ، آنک رنک واصلنه منقلب اولد .
 یغکزدر ... بزده بوسر عظیمه سزک کبی آنی
 آخره افشا ایده میه جک برحاله کلدیکمز کونیمی
 آگاه اوله جغز ؟ .. بزم بونوبت ظلمتی بکلد .
 یکمز کبی سزده بولیل مدیدک انفلاق صباحنه می
 انتظارده سکز ؟ .. ایچکزده نفس واپسینی
 سودیکنک اسمنی تلفظ ایده ایده ویره رک
 واصل ابدیت اولان عاشق وعاشقه لرده واردر .
 دل داده لر کزه قاووشمق ایستر سکز ... بکلکمز ...
 سزک ایچون رجعت مستحیل ایسه برر برر بزم
 سزه قرین اوله جغمز بر حقیقتدر ! ..

بوصوك جمله يي پيترديكم ائساده ارقه مدن
 اوموزمه برال طوقاندى . بريسى « اوت بن
 شمدى ظلمته دوشدم ، اوصباحك افلاقنى
 بكليورم ! » ديدى . تيتره دم... هيجانله دونوب
 ارقه مه باقدم . قوب قورى بريوز ، صابصارى
 برچهره ... برديرى اولو ... چشم خانه لرندن
 فرلامش كوزلريله بكا باقيور ! ... بوخيال عدم...
 بوميت سياره انكى مزاردن چيقدى ؟ خطا بلرمدن
 تاثرله بكا جواب ويرمكه مى كلدى ؟ دقتله باقدم...
 آمان ! بن اوسپايى برازطانيوردم ... اويشيله تراق
 كوزلر ... اوچيقيق آلن ... واه زواللى كنيج !
 طانيدم ... لطيف ايدى ... اوشن چوجق ...
 نه حاله كيرمش ؟ ... بردقت متخاشيانه ايله كندينه
 باقديغمى كورنجه برقهقهقه صاليويروب ديدى كه :
 — باقه نافله بيله مزسك ! .. بن بو اجلازارك
 باغبانى يم ... كوندوزلرى صاقلانير ... غروب

سنگ عاشقك دگم . مزاراق بكجیسی یم ! ..
 آه بن بر محرد اولمیوب ده رسام اولیدم !
 غروبك آشلی اریهرك بویا کی اوکه کلهیدی .
 دنیانك حزنلری دماغ اولوب باشمه طولاییدی .
 فیرجه می اشك فرقله صولاندره رق بولوحه بی
 ترسیمه اوغراشه ایدم تصویرنده عجز قلمه دوشدیکم
 بر تحسیر مؤبدك یانمش بر محبتك بتون هویت
 سسوداویه سی اوزرینه چمنلر سرولر مزارلر
 آره سندن اوشعاع افتراقك دوشوردیکی اورنك
 نومیدی بی اوضیای حزینی اوماتم عشقی عجا
 کوستره بیلیرمیدم ؟

کونش غروب ایتدی . عاشق بی درمانك
 تمیرنجه عفت پرده احتجابه کیردی . زواللی
 دایقانلی قوللاری کشاده اوله رق — خونین
 بررنك اشتیاق ایچنده قالان افقه —
 برمدت دها باقدن صوکره برفریاد جانخراشانه .

ایله کنسینی قالدروب یره آتدی . . . اجلنه
 قاوشمق ایستیور، مزارینی آرایورکی طوپراقاری
 چنلری قوجاقلیوردی . برزمان حایقیره حایقیره
 چیرپندی . . . صوکره الیه افقی کوستردی .
 ینه النی ایندروب طوپراغه اوره رق دیدی که :
 — اوشمدی بوراده می ؟ . . . او آتش
 کوکلدن طوپراغه تی آقدی ؛ .. او یله یا ! ..
 او یله یا ! .. طوپراغه کیردی . . . کلکیز نره یه
 کردیکی سزه کوستره می . . .

یرندن قالقدی . اوکزه دوشدی . بزه
 زواللی یی تعقیبه باشلادق . هم کیدیور همه
 شویله سویلنیوردی :

— جانم بیلمیورمیسکز ؟ .. عفته دوکون
 هدیه سی بن برتیا ترو یازمامشمیدم ؟ هانیسا
 چیچکدن بر حجله گاه ایچنده اوینامیه جقمیدق ؟
 اشته بن اونی شمدی بوراده اوینایورم .

نالانکاهم ايشته بومزاراق . سیرجیلرم اولولر .
 اوله دن بنم اویونمی کورمه که نیچون کلدیکز ؟ ..
 تابوتسز کلنلر برشی کورده مزلر .
 بوسوزلری بزی طانیدی ده می سویلیوردی ؟
 یوقسه اوله علی العمیامی سویلیوردی آئی
 اکلایه مدق ؟

سویلنمه سنده دوام ایدرک :

— پیه سمزک اساسی «تراژه دی» دکلدی ..
 عفت بن اوله ایم ده آچیقی سوزشلی اولسون
 دیدی . اولدی . بردها دیرلیدی ... آه ...
 فقط ... شی دیرلیدی ... دیرلیدی . بعض
 کیجه لرو رؤیامه کرییور .. «بن اولدم . عالمدن
 صاقلانمق ایچون سنک کوکلنه کیردم» دییور .
 طوغری دکلدی ؟ بنم کوکلدن باشقه آنک جای
 قراری اوله بیلیرمی ؟

کونش عفت کی کوزدن غائب اولوب افقلره

یالکاز دنک آشیننی براقش اولدیغندن آخرتدن
اولومدن منعکس برظل اجل نمون ایچنده قالان
او عظیم قبرستانک هیبت مخوفه سی پک اارتمشدی
سرولرک تپه لرینی طالعہ لاندراں و برن فحہ
موتیه کی قلبلری لرزان ایدن روزکارک
درین درین انبی، اموات ایچنده حیاتہ عائله
یتشدرمه که اوغراشان قوشلرک حزین حزین
اقشام جیولتیلری، آخورلرینه آغللرینه چکیان
قویون سورولری کوسمنلرینک اوزاقدن اوزاغہ
ایشیدیلن چاک صدالری انسانک اوزرنده اوילה
مخوف برتأثیر پیدا ایدیور ایدی که بو صدالرک
مسبیلری کوزه کورونمدیکی ایچون هپ بو افتراق
وانین کونا سسلر مزارلردن کلیور ظن
ایدیایوردی .

قبرستانک جنوب جهتنه طوغری اینن و خالی
ترلالر ایله اتصال کسب ایدن بریاردن اشاغی

يورتيور ايدك .

لطيف ينه سويلنهرك دييور ايدى كه :

— اشته كليورز. اوچيچكدن كلين او طه مز
 بوراده . اطراف قيرلق اما الحان سودامزه
 بلبل نغمه لرى دكل بايقوش فغانلرى دم
 طوتيور . . . بوراده كي ضيائى قمر مزارلره —
 حياتله اولومك وصلته اغلايان كوزلرك نوري
 كي دو كوليور . . . بورالرك ليالى او قدر مظلم
 ظن ايتميكنز . . . نيرينك بورالرى ديجوره
 ترك ايتديكي كيجهلر يأس حياتله قراران قلبمك
 اسرار جاودانيسى مقابر سكونت اوزرينه
 عرش رحمتدن اينن انورلر ايله تنور ايدىيور . . .
 بايرك اتكنه كلدك . اوراده چيچكلرله مزين
 طاشسز بر مزارك ياننده اختيارجه برقادينك
 اقشام نمازنى ادا ايتمكده اولديغنى كوردك .
 بوقادين عفتك والدهسى ايدى . خسته ديرلمش . . .

حیاتک دم عنفواننده کی قیزی کیتمش ...
 او چیچکدن مزاره یا قلاشنجه لطیفک طوری
 کلاً تبدل ایتدی . احترامکارانه بروضع آلدی .
 نظرینه برجدیت کلدی . براز اولکی پریشانی
 فکرندن کندنده اثر قالماش ، کویا مزار
 جانانه سنمن چیقان برروزکار سحر بوی چاره یی
 تمامیه عقل و شعور دائره سنه ادخال ایتمش کی
 کمال وضوع ایله بویینی بوکوب الارینی صدری
 اوزرینه قاووشدیره رق کوزینی مزاره دیکدی .
 حزن لسان اولمش دینه جک قدر رقت آور ،
 مهیج برصدا ایله دیدی که :

— او کونش اشته بوراده غروب ایتدی ! ..
 اوجوهر عفت اشته بو مقدرده خاکه دوشدی ! ..
 اوزکای جوال اشته بو محله ظلمت اولدی ! ..
 اوشعله روح اشته بو یرده سوندی ! ..
 ابدیت اولمش بر حسنله برابر ، ماجرای

عشقی ، فاجعه سودا سیله مجنونی کریه بارتاثر
ایده جک بر مظلومک کوکلی کومولش اولان
اومزاری کورونجه بزه ضبط دموعه مقتدر
اوله مدق .

لطیف قیرلردن صیق و بویلو چنلر سوکوب
کتیرمش . قبرک اوزرینه طاش شکلنده برسد
یاغمش . باش طرفه برکل فدن دیکمش . اورتیسنی
ابدیت صداقته نشانه اوله رق شمشیرلر و معشو-
قه سنک علویت عفتنی کوسترمک اینچون زابقلر
ایله ترین ایلمش و اطرافنی کونا کون قیر
چیچکلریله دوناتمش .

زواللی شوریده سودا یواش یواش بر حسن
انجام پیدا این امانت سیله دیدی که :

— یاغمور یاغم دینی کونلر بن کلوب کوز
یاشرمله عفتکم مقام ابدیتی اولان بوشکوفه-
زاری صولارم | ... سودیکمک بو طوپراغه

قارىشان اجزاسى بوجيچكارك غنجه لرینه سريان
 ايلديكندن حياتنده كى لطافت جمالى شمدى
 بولرده كوريله جاك او بوى كمال وادى ارتق
 بو واسطه ايله منتشر اوله جقدر... بر قلب رقيق
 ايجون هانكى فبرك كتابه سنكى مزارى بوجيچكارك
 لسان حزينانه لرى قدر اتنده ياتانك تائر
 سكونتندن رنك و نشان ويره بيلير؟ مزارلرك
 اوزر لرینه وضع ايديان او قوجه طاشلر حياتله
 تلمات آره سنده ناقابل نفوذ بر دمانع حكمنده دره
 زير ترابده كى وجود آرتق ياشاميور ايسه
 بوجيچكار ياشايورلر. همده سرمايه حياتلرخى
 او وجودك رمادى تدارك ايدىيور... كوز او كنده
 موت حيات منقلب اوليور... بوجيچكارله
 او وجود ييننده بر مبادله بر جريان وار.
 ديكديكم كل فدائى بو صوك بهارده بر غنجه
 وىردى... بو غنجه بنم ايجون عفتك بر تبسم

اخرويسى برسلام محبتيدر... بوغنججه يي تزيين
 ايدن ايلك ژاله بنم كوز ياشم اولدى... ديمك
 بربريمزه افهام حسيات ايدييورز. هر موسمه
 دكيشن، قبر عفتي تزيين ايلدكلر يچون محزون
 كورينن شو كوزل چيچكلر واسطه مخا بره من
 اوليورلر. صميميت عاشقانه لري بزم درجه مزه
 وارمش بولسان محبت زده لرك آتش سودالريني
 اولوم سوندره من. انلرك ييتسده كي جريان
 حسيات، جاذبه اجرام كائنات قدر مؤبددر.
 بزلر زه لر ايچنده بوسمندر سودانك افاداتي
 ديكله مكدە ايكن كولكلر آره سندن برچو جق
 چيقدي. « صبري » مرحومه نك كوچك
 برادري... قوللري آره سنده بر قوجاق متنوع
 قير چيچكلري واردى. بونلري كتير وب بر بكاى
 معصومانه ايله قبر خواهرينك اوزرينه سريده لرك
 ديدى كه:

— سو کيلي همشيره جكم! ... اشته سكا بوكونى
 ديهم بونلر دره پىنى اغلايه اغلايه طوپلادم ...
 بو چيچكلرك هيچ بريى سنك يوزيكه
 كزه ميور ... سن هپسندن كوزلك . آه!
 بلاجغم ... آبلاجغم ... نه قدر كوره جكم
 دى بيلسهك ! بكادر سارمى كيم او قوته جق ؟ ...
 او ائنده والده دردمنده اتمام صلاية ايتدى .
 حياتك بر انسانه چكديره بيله جكي سوك تالماته
 دف اولان اوقادين قدرك سهام زهريله قابنه
 چدينى ياره لرى بزه كوسترمك استيورمش كى
 ينه چاك اوله رق بر صيحه جانكاه ايله كندىنى
 لدير وب مزار جكر ياره سنك اوزرينه آتدى .
 لطيفده ينه كوزلر دوندى سوزلر دكيشدى .
 قهقهه لر باشلادى :

— جانم كولنه جك كونده اغلانيرمى ؟ فقرا
 بوكوننده بو قدر كوراي اولمز ... اغلايه جقهسه كز

صبح بر طاقم چالنی کتیره یمده برابر اغلایکز !
دیدى !..

افقك آشاری ضعه دوشدى . اورتلوق
قراریوردی . تخائف قبور اینجده قالدق .
بولوچه مانعی سرولردن مزار طاشارندن باشقه
سیر ایدن یوقدی . هپ اغلایوردق . سانکه
عفتك ایکنجی رسم تدفینی اجرا اولیوردی .
لطیف مزارك اطرافنده طولاشمه یه
باشلا یه رق :

— اولولر بووقت کورولتی سومنز . هایدی
ارتق کیدیکز . عیبدر . بزى دار زفافزده
یالکز براقکز ... ایشتمیورمیسکز ؟ بایقوشار
سزی قوویور دیدی .

اوت ... اوزاقندن . بتون تحبترلک بتون
اشواقك کورونمز اولدینی نواحی مخوفه اینجندن
— دیریندن ... بتون املار سوندیکی اعماق موتیه

آره سندن ... اوشامت نثار « هو هو هو » لر
 ایشیدیایور ... آجی آجی دویولیوردی .
 لطیف ینه طولاشیوردی . دییورایدی که :
 — نیچون اوزاقلرده اوتوشیورسکیز ! ..
 باشمه قونک ده اوتک ... سزه آندن اعلا
 برخرابه فلك بکا سزدن ایی بلبلمی اولور ؟ ..
 او « هو هو هو » لری والدلرک نوحه لرندن ..
 مختضرلرک اینلرندمی تعلیم ایتدیکیز ؟ اوتوشک
 ... اوتوشک ... دوکونمده باشقه خواننده یوق
 ...

درمانده والدی قیزینک مزاری اوزرندن
 قالدردق . بزی طانیمشدی . کوزلرندن دوکدیکی
 باران افتراقله اوستومزی ایصلا تهرق الارمزه
 صارلدی . دیدی که :

— باشمه کلن غلاکتی کوردیکزمی ؟ ..
 (ایله اول مزاری صوکره لطیفی کوستره رک)

ایکینسندن بردن اولدم . بنی نچون تداوی
ایتدیگر ؟ بن بوکوناری کوره جکمه کاشکه
بیك دفعه اوله ایدم .. نه لر چکدک او غلم نه لر ؟ ...
سزه اکلاتسهم شو مناز طاشلری بیلله حاملزه
اغلار . لطیف براراضی مسئله سنک تسویه سی
ایچون از میره کیتدی . فقر مزه صوک درجه یی
بولدی . پاره سز ایدک لطیف کیدنجه کیسه -
سزده قالدق . قیزیه بر چاقین مسلط اولدی .
آج او طور یوردق بر طرفدن قیزی ک جوهر
عقته یوزلرله لیرالر عرض اولنیوردی . آه
او چاقین ... کرمله اصلی حکایه سی . نر زده
قاچدقسه الندن قور توله مدق . فقط بوماجراده
اک اول یانان کرم دکل اصلی اولدی . قیزه
چکدیرمدیکی جفا براقدی . نهایت
طو پراغه صوقدی قور تولدی . لطیف از میرده
خسته لانیش مکتوبلرینک ارقه سی کسلدی .

قیز بوراده قهرندن دوشکه دوشدی . . . سزی
 آرادق بوله مدق . بلکه یاوروجغمک خسته لغنه
 برچاره بولوردیکز . آه عقم آه جانپارهم !
 چیغره چیغره کیتدی . بز بررومان اولدق .
 ماصال اولدق اوغلم . قیزم تکمیل باشنه کلنلری
 کونی کوننه یازدی . اوکاغدلر (لطیفی کوستره دک)
 شمدی بونک قویننده طورییور .

لطیف — قویننده دکل . . . جانمک ایچنده
 طورییور . اونار کاغد دکل . . . یازی دکل . .
 دنیادن دامن کش استغنا اولمش محزون بریاکیزه نک
 جمال بی فری اوزرینه طییعتک خزائن تأثر اتندن
 دوکولمش ، انعکاس ونک بختمله قرارمش سیاه
 قطره لردر .

« هو هو هو » لر ، ینه ایشیدلدی . لطیف
 قولاق قابازتوب :

— دون بورایه کوچک برچوجق کومدیلر .

اكا نینى سويليورلر دیدی .

براز طور دی . بردنبره :

— زواللی معصوم غالباً اغلایور... آناسینمی

استیور بابا سینمی کوره جکی کلدی؛ کیدوب باقیم .

دیه رک قوشوب مزارلرک آره سندن غائب

اولدی . بزده ارقه سندن کیدوب کری جویر .

ملك ایستدك . قادین دیدی که :

— نافله کتمیکز اوغلم . طوته مزسسکمز .

طوتسه کزده کلز . او قاج آیدر اویله کیجه

کوندوز بورالرده طولاشیور . بکجیلر مزار .

جیلر ابتدالری ایجه کورولتی ایتدیلر . شمدی

ارتق حالنی هرکس اوکره ندی . کیمسه ایلشک

ایتمیور . هایدی بیورک ارتق بز کیده لم .

زواللی قادین حزین حزین یاشلر دوکه رک

اکلدی . برقاج دفعه قزینک تراب مزارینی اوپدی .

صبری ده والده سنک بوحرکتنی تقلید ایتدی .

قالقديلر . هب برابر يورومكه باشلادق . يولده
 قاديندن بر خيلى تفصيلات دهآ آلدق . فقط
 بوراده آنلردن بحث ايتمه جكز . بوتفصيلاتك
 اقسام مهمه سى عفتك روزنامه لرنده كوريله جكدور .
 قادين ايوبده اوتورييورمش . هفته ده برايكي
 كون بويله قبرستانه كلوب فيزينك مزارىنى زيارتله
 اغلار صيزلار ايمش . مقتدر اوله بيلديكمز
 مرتبه ده تسليم ويره رك بى چاره نى اوينه قدر
 كوتوردك .

بزاىوب اسكه سنه كلديكمز زمان ارتق اييدن
 اى صولر قرارمشدى . برقايق بولدى . ايچنه
 اتلاىوب امين اوكنه اورادن ده بر آرابيه راكبآ
 اوه واصل اولدى اما دوكتورده ده بنده ده حال
 قالمامشدى . ايكمزده خسته دن بدتر اولمشدق .
 بى سفره يه دعوت ايتديلر . كيم ده بيه جك
 حال وار . بك اوغلنده كيم بيلير نه كوزل شيلر

یش اولدیغمز دن اوده کی طعامه تنزل
 ایتدی کمز دن طولای اوده کیلرک سرزنش لینه ده
 دوچار اولدق ... ارتق بویولده ستملره هیج
 جواب ویره جک حالمز یوقدی. اوطه مه چیقدق.
 او بکا قرانلق کورینیوردی. اوج درت لامبه
 بردن یاقدیدم. ینه او مزارلر سرولر قرالتیلر
 لطیفک حالی اوچیچکدن کلین « اوطه سی »
 کوزلرمک اوکنده قورقونج برپانوراماکی دور
 ایدوب طورییور، قولاقلمده بایقوش صدالری
 طنین انداز اولیوردی. دوقتوری اوکیجه
 اوینه صالیویرمدم. اوطه مده یاتیردم. دوشکمه
 چیقجه جنم زمان قاریوله نک صاری طوپوزلری
 مزار طباشی یالیزی کی کوزمه پارلادی.
 دوقتورک دوشکنه شال اورنکی بریورغان
 قویعشلردی. اوتابوت پوشیده سی منظرملی
 یورغانی دکشدردم. دوقتور « های چوجق

های « دیه بو حالارمه کولیوردی . لامبه لری
سوندردم . کیجه قندیلنی یاقدم . هراقشام
اوستنه کچیردیکم بايقوش قفاسنی قويدم ... یوق
بوکیجه اوباقیشه تحمل ایده میه جکم .

« وه ییوز » بکا یاصسی چهره سی ، مدور
غانه سی ، سکونت ایچنده مزار دیکلرکی قالق
اوافاجق قولاقلری ، قرمزی مرجان کی پارلایان
تکرلک تکرلک ایری کوزلریله پک مددهش
باقیوردی . کیجه باش اوچمده بکا نینی سویله یه .
جک ظن ایتدم . آنی ده قالدیروب او طه
قیوسندن طیشاری فرلآتدم . قندیلاک ضیاسی
آینه یه اورادن دیواره عکس ایدرک متحدا مرکز
تترک برطاقم دائرملر تشکیل ایدیوردی .
صراحینک کولکه سی بر سر و قامتی کی بیومش
لامبه لرک قاربوزلری عین مزار قاولقرینه
دوغمشیدی . کوزلرمی یومدم . دوشکه

صچرا دم ... دوشکمی یا؟ دمیر شبیکه ایچنده
 بر مزار. کوزلرمی یومدیغ زمان کندمی مزار-
 لقهده بولیوردم. او قورقونج شکلر تمامیه
 شبکه عینه مده تجسم ایدیور. آچدیغ وقت
 مصادف نظرم اولان هر شیئی ینه انلره بکرتیور
 ایدم. اویویه بیلیرسهك اویو... دون صوله
 دون صاغه اویقو کلیور. صباح اولق بیلیمیور.
 ینه عفتی دوشونمکه باشلادم. فقط اولکی پارلاق
 خیالار ایچنده دکل... بر تنشیر ایچنه بالومی کبی
 بر جود اوزاتلمش... فرسز کوزلر سوزولمش...
 کرپیکلر یناقلره طوغری سایه صالیور...
 صاری صاچلر طالغه طالغه اوموزلردن
 اینوب تنشیرك دلیکلی تحتلرندن اشاغی صار-
 قیور... بلی پشماللی قوللاری صیوالی جادی
 شکنده بر غساله بر الیه طوپراق (مشرابه) دن
 صو دوکویور دیکر الیه لینی کوپورتیور...

یانی باشند بر تابوت لطیفك تعبیر نجه کلین آرا -
 بهسی، آغزینی آچش یوتاجنی وجودی بکلیور...
 او ییغین ییغین پامو قلا عسلبند قوقولری صانکه
 بورمه گیر ییوردی... سز اولک زده اویویکز
 باقم! بر طرفدن او بر طرفه دونمکن یورولدیم.
 ساعتار چکدی. بایقوشلر... استغفر اه خروسلر اوتمه
 باشلادی، بنده حالا اویقو یوق. دو قور خورول
 خورول، اویویوردی. بو خورلای ده اعصابه طوقا.
 ندی. بر قاج دفعه کند یسینی اویاندردم. «نادر سنک
 الکن چکدیکم؟ انسانی کوندوز قرانقلره قدر
 مزارقلر ده طولاشدیر رسک. کیجه لری ده اویوتما
 مقمی ایسترسک؟» دیدی ارتق بردها اویاندورمه
 جسارت ایدمدم. ایرتسی کیجه نه اویله... ده
 ایرتسی کیجه اونک عینی... تمام بر هفته کوزلر مه
 اویقو کیرمدی... بر مدت صو کره یواش یواش
 شدت تأثرم زائل اولدی. فقط عفتی کلیاً

اونو تمق، لطیفی دوشونما مک او طالعسر والدمک
 حالنه اغلاماق قابلمی؟ .. عفتک کندی ایسه
 یازدینی لطیفک جانک ایچنه صاقلادینی اوسر کدشت
 خجعی او اوراق تأثراتی کورمک هر سطرینی
 کوز یاشلرمله ایصلاته ایصلاته او قومق عجا
 ممکن اوله میه جقمی؟ .. بو نادره خلقتیه یوزلرله
 لیرالر عرض اولنمش... اوکنز عرفانرا و احسن
 بی بها ایچون آذرده میلیونار مایارلر اولمایدی...
 آچاغیه راضی اولمش اولومنه بیون اکش
 کرانه ای عصمتی ساتماش . او یوقاق ایچنده بو
 پاره لری ردایتش . کیم بیلیر او ائنادنه قدر جانکذا
 تأثرات نه مدهش عذابلر ایچنده قالمش؟ رهکنز
 سوداسنده او آفت جانشکاره تصادف ایدن
 دلیقانی عجا کیمدی؟ اورته ده نصل اسرار؟
 نصل ماجرا دونمش؟ بونلری اکلایه میه جقمی یم؟
 نه یاعلی؟ نه یولده حرکت ایتلی؟

کیجه اویقوسزلقلرینه رنج افزا سیکر
 خسته لقلرینه راضی اولدم. لطیفی... حیاتنده مقبره
 کزین اولان اومظلوم سودای بولق ایچونینه
 قبرستانه، اوت سرورل آرسنه، اوسکونت
 مهیبه ایچنه کیمیه قرار ویردم. تکدیر لرندن
 قورقدیغم ایچون دو قورددن کتم حرکت ایلیوردم.
 بغوق بر قیش کونی دی مزارلغه کیتدم. ایکی
 کون اول یاغان قار تمامیه اریماش اولدیغندن
 قبرستانک چنلری اوزرنده اولولرک کفناری
 اوزرلرینه سرلمش کبی پارچه، پارچه طور ییور.
 سرد بر روز کارک، تائیریه ساللانان اوزون
 بویلی سرولرک کوالکسی — بوقطعات سفید
 اوزرینه کونشدن اراء صره انمکاس ایدن —
 جزین بر ضیا ایچنده کزینهرک نظره (خیالات)
 لر کوستریوردی.

ایکی ایانغم یاغلی بر چامور ایچنه کوموله کو -

موله منار طاشارینی طوته طوته بایردن اشاغی
 عفتك منارینه قدر ایندم. بو کاین او طه سنك
 بتون پیچیکاری دو کولش . یالکیز کافسنانی
 اوزرنده تاثیر سرما ایله انکشاف ایده میوب
 التمه یاتانك کونکی کبی طونمش صولق برغنجه
 وقت انمه لاف این اشمه خورشیددن
 استرحام حیات ایدرکی بوننی بو کدرک اوزرنده کی
 رطوبتی طامله طامله یره دوشورمک اغایوردی.
 آه بو منارک اوزرنده دایم براغلایان بولایوردی.
 لطیفك قولنجبه بو آچلمادن طونان غنجبه اخروی
 بر تبسم ایدی . . . امانه قدر دلمردانه حزین
 بر تبسم ؟ . . .

بر قاچ طامله یاش ده بندن دو کولدی . بر
 دوزی یه کوز یاشی اتمک بو منار ایچون
 بر تجلی اولمشدی . املندن اول اجانه
 قاووشان زوالی عفت لیل ابدی یه مخصوص

اولان کيجهلك بياض لباس عروسته برونمش
قارلر التمه اوب اوزوب ياتيوردي .

اي دختر پاكيزه طينت ! نه ايدى قباحتم نه
بنی ده خسران ياس ايچنده بر اقدیغك بی چاره لره
قارشدر دك ؟ جاذبه روحانيتك قارلرده چامور-
لرده بنی خشیان اولديغم مزارلقار ايچنده
طولاشدير ييور . سرائر قلييه كي اوراق
متروكه كده او قويه جغم . . البته بونلری اله
كپيره جكم ... كيم بيلير دهانه قدر اغلايه جغم !
درد افتراقكه مجنون مثال اولان برزو الينسك
تشوش عقلندن استفاده ايدرك اسرار حياتكه
آگاه اوله جغم ايچون بنی تشنيع ايمه . . سنك
ايچون دو كديكم بو قدر كوز ياشلری بو استحقاتی
بكا ويرمديمی ؟

بو يولده اوزون اوزادی يه سوياندم . ينه
برخیلی اغلادم . . فقط لطيف ميدانده يوقدی

عجبا ینه غروبہ یقینمی کله جک ؟ یوق برباشمه
قرانلقاره قدر بکله یه مم . صوکره لطیفک
بر نظیری ده بن اولورم ..

ایکی سنه یازی یازدرمدیلر . ذهنی یورمیه جق
اکلنجه لی مشنولیتلر توصیه ایتدیلر . کتبخانه مده
نه قدر امر اضه دائر کتابلر (چونکه خسته لغمی
اکلامق ایچون برچوق کتاب کتیرتمشدم)
فجیع رومانلر و ارایسه آلدیلر . هفته لرله بر ساعت
او یویه مدبغم زمانلرم اولمشدی . دو ققور و فیکم
بو حاللرمی بیلدیکندن آنک ایچسون مزارلقه
کندیسندن کینلی کیدیوردم .

نه یایمق لازم کله جک کی دوشونوب طور مقده
ایکن ارقه طرفدن برکودلتی برچوق آیاق
سساری پیدا اولدی . دوشونوب باقدمه کدفن
ایچون بر جنازه کتیریورلر . همان بن قراری
فراره ویزدم .

ارده دن ایکی هفته کچدی . بوخشیتمه برابر
ینه صبر ایدمدم . عفتک مزارینی بردفیه ده
زیارت ایتدم . اذان وقتلرینه قدر طورمدیغ
ایچون لطیفی ینه کوردمدم . یانمه برینی آلوب
کیتمه حاله کولردیه بوندن ده احتراز ایدیوردم .
هیچ عقلمدن چیقماز . بو قبرستان زیارتلرملک
برقاچنده ایوبده تعلقاتی بولمان اخواندن برینه
تصادف ایتشدم . برنجی تصادف برتصادف
طبیعی اوله بیلیر . فقط ایکنجیسی اوزاتی شبهیه
دوشورمشدی . اوچنجیسنده بوسبتون استغراب
ایلمش اولملی که یانمه یا قلاشوب متعجبانه برطوره :
— بر مزار طاشی متحسری سسکیز ظن
ایدوم ! دیمشدی .

بوزیارتلرملک دردنجیسنده می ؟ بشنجیسنده می ؟
بیله میورم . لطیفی بولشدم . بی چاره چو چوق
اولکندن دهها بدتر برحاله کلشسیدی . بی

کورنجه دیدی که :

— آقردش ندیه کلدک ؟ دوگونمز بیتدی .
 (افقلری کوسستره رک) عفت بورالردن ارتق
 بکا کورنمدن قاشیور ! باق کلین اوطله مزده
 خراب اولدی . عشقمک ذکرری اولان
 « هو هو هو » لری دیکله مک ایسترسه ک کیجه
 کل ...

بویولده صاحجه صابان فقط مؤثر مؤثر برخیلی
 مدت سویلندی . بن سوزی کندینه حرزجان
 ایدمش اولدیغی اوقوینده کی کانگلره انتقال
 ایتدیرمک ، بونلری بکا ویروب ویرمیه جکفی
 اکلماق ایستیور ایدم .

اولجه کندندن ایشتمش اولدیغیم تعبیره توفیقاً
 صوردمکه :

— سنک جانکک ایچنده نه وار ؟
 براز دوشوندکن صوکره دیدی که :

- بنم جانم وارمی که آنک ایچنده برشی
 اولسون ! او عفتله برابر چیقوب کیتدی ؟
 — کیتدی اما ایچنده برشی واردی .
 — ها ! ... ایچنده عفت واردی ، اوقاچدی .
 یرینه کاغدلرینی براقدی .
 — یا ! .. بلیورم . کاغدلرینی براقدی .
 چیقارسه که شونلره باقهلم .
 بردنبره پرحدت کسیله وک :
 — اماده تکلیف ها ! هیچ انسان جانی کندی
 الیه چیقاره بیلیرمی ؟
 — چیقاره مزه . سن یرینی سویله بن چیقارایم .
 کوزلرینی آچهرق :
 — سن عزرائیل میسک ؟ بن سنی آرایوردم .
 اشته شوراده طور یور .
 دیوب صاغ الیه صول مهنک اوستنی
 کوستردی . کوکسنی بکا طوغری کروپ بلا حرکت

اويله طورهرق ينه ديدى كه :

— جانم چيقارسه بن عفتى كوره جكمى يم ؟
— كوره جكسك يا ... طوغرى انك ياننه
كیده جكسك .

— اويله ايسه چابق آل ...

كندى كنديمه « عفت بو جنايتى عفو ايت .
بر زوالينك كوكلندن سنك عشقى چالاركي
بو كاغلدى سرقت ايدييورم » ديوب لطيفك
قىرم رنكند زمين اوزرينه آچيق مائى چبو قلى
كيرلى فانيله كوملكنك او ك دوكمه لرني چوزه رك
المى قويننه صوقدم . فى الحقيقه صول ممه سنك
اوزرنده بزكي برشيئه صاريلي قالنجه بر كاغد
پا كسته الم تماس ايتدى . هان چكوب طيشارى
چيقاردم . باقدم كاغلدىر آتشي آل رنكده
برا يكللى منديله صارلمش .

بن پاكتى المه النجه بي چاره شاشقين شاشقين

بر مدت یوزمه باقدقدن صکره دیدی که :
 — بن عفتی کور میورم . بنی آلدتدک ! او آتشی
 کتیرینه قلبمک اوستنه قوی ! ..

— یازق دکلی سکا؟ او آتش بوقدر زماندر
 سنی یاقوب طورییور . ارتق اونی باشقه برطرفه
 آتهلمده سن راحت ایت ...

— خیر اولمز ... اونی یرینه قویملی ... عشقم
 دوکولدی . کوکلم بوشالدی . بتون اعضای
 صدریم طیشاری حیقدی . ایچم بوم بوش
 قالدی . ظن ایدیورم .

دیوب اوزریمه هجوم ایتدی . کندیسیمیه
 بوغوشه ایدم بلکه غلبه ایدردم . لیکن ذاتاً
 بو حرکتیه کرها جرأت ایتشدم . بتون
 طمارلرم برحس ندامتله ضربانه باشالادی .
 وجدانمک بکانوعما برجنایت شکننده کوستردیکی
 بوحرکنده ده ایلری وارمیوب پا کتی بر اقدم .

تترهیه تترهیه آلدی تکرار قویننه صوقدی .
اوزواللی لرزه لر ایچنده قالمشدی . بنده پک
متأثر اولمدم .

شمدی نه یاغلی ؟ معامله یی دکشدرمک اوبی
چاره یی اقتاع ایده جک باشقه بردسیسه بولمق
لازمدی . ایکی مزده مدید بر تعبدن قورتولاش کی
صولوق صولوغه برخلیجانله برر مزازک اوستنه
اوطوردق . لطیف بکاقورقونج بر نظر خصوصتله
باقیوردی . اولا کندیسسیله بارشماق ، برار
امینیتی جلب ایتمک لزومنی حس ایتدم . جزئی
برسکوتدن صوکره دیدم که :

— آه لطیف بیلسه کسنی نه قدر سویورم!
سنکله کوروشمک ایچون اوزون اوزون یولاردن
ایشته باق بورالر قدر کلیورم .

شو یولده اظهارمودتمه قارشى جواب اوله رق
یوزینی اکشیتوب دیدی که :

— بن سنی هیج سومیورم. بورایه کلدیک کی ده
ایستمیورم .

بوجوانی هیج ایستماشم کی کورینه رک
اواناده وهاته بکاساخ اولان آتیده کی اشعاری
حزین بر آهنگله آهسته آهسته اوقومنه
باشلادم :

مغرب سوداده دوشدم برحزین سیاره یه
چشمی سوزدی چکلدی بودل غمخواره یه
افتراقندن یانار قلبم ده چشمم تر دو کر
دوندی کوکلم آب ایله آتش صاحان فواره یه
زوالی دلخسته نک شعرله اولان مألوفیتی
بیامم بیننده نه حسله اویاندردی . سوزلرمک
مسحوری اوباش کی برحالده همان یرندن
قالقوب کلدی یانمه اوطوردی . بی چاره نک
کوزلری سوزلمش سیماسنه حزین برطورغونلق
کمشدی . برنظار استرحامله یوزمه باندی .

«اوقو» دیدی .

باقده که یارلی کوکلنه شهر سحر کی تأثیر
ایندیور. نه ساخ اولورسه اولکندن دها حزن
واهنکدار برصدا ایله اوقومقده دوام ایلدم :

یوقی عشقم وحدتکده شمدی بی الفت میسک؟
اوچدیمنی رنک عذارک خائف ظلمت میسک؟
برکفن ایچنده عریان او یله خوابیده یاتان
سویله سویله سن زواللی او کوزل عفت میسک؟
باشنی اوموزمه طایادی . استغراقی آریدی .
کوزلری بوسبتون باییلدی ... اوقودیدی .

عمانه باقدم اشکک نمایان
انواری کوردم وجهک بدیدار
مغربده هر شام زلفک فروزان
مقبرمی یوقسه کوکلممی ای یار؟
نوری ظلمتده ایلین پنهان

یولنده وزن وقافیه دکشدیرم رک حسنه موافق

برچوق شی اوقودم . مست اولدی . توقف
 ایتدیکم زمان صوصمه اوقودیه دلسوزانه
 استرحاملرده بولنیوردی . اشعارمک بومظلوم
 سودا اوزرنده کی تأثیر مسخرانه سنی کوردجه
 بنده جوشیور ذهنمه نه تبادرایدرسه حافظه مده
 هر نه وارسه اوقویورایدم ... یواش یواش بکاده
 بر بایغینلق کلکه باشلادی . روزکار قبر عفتک
 اوزرنده کی قورو دالری چیچکاری تحریک
 ایتدجه شو آهنگ حزینانه مزه قیزک روحانیتی ده
 اشتراک ایدیور ظن ایدرک رعشه ناک اولیوردم .
 لطیف بردن بره باشنی اوموزمدن قالدیروب
 دیدی که :

— عقلمه برشی کلدی ...

— نه در ؟

— اوقودیغک اشعاردن بعضاری پک خوشمه
 کتیدی . بونلری کندی سودامه عفتک حاله

موافق بولدم . هایدی کل . شونلری مزارک
اوستنه یازه لم .

— طوبراغک اوستنه نصل یازیلیر ؟

— بن یازارم .

— طورمازینه چاقی سیلنیر دوزله نیر ...

— بن هرکون کلوب نازه لرم . هم هرکون
برباشقه درلوسنی یازارم . بن مزار طاشلری
اوزرنده کی اومتحجر سوزلری سوم . بن کلوب
مزار جانانه مده قلب مجروحک هرکون برباشقه
صحیفه سنی کورملی اوقوملی یم ...

یه رک الله سیوریجه بر طاش آلدی . عدم
اوزرینه روحنی تصویر ایدریا خود کوکلنک
طوبراغه دوکولدیکنی کورمک ایسترکی :
یوقی عشقم وحدتکده ...

• مصراعدن تحریره باشلادی . برقاج کله یازدی .
— الت طرفنی سویله اونو تدم .

دیدى . سويلدم . تکميل ايتىدى .
 يازدينى برقاچ دفعه او قودى . کوزلى ياشاردى .
 زوالينک فکرنده بر اثر استظام سوزلرنده
 برازا اطراد کوردجه بن ده ممنون اوليوردم . طاشى
 الندى براقدى . قالقدى بونومه سارلدى .
 يوزمدن اوپدى . محزون محزون کوزلرک
 ايچنه باقه رق دیدى که :

— نيچون اويله تيره يورسک؟ .. سنى ده پرتائر
 پرخلجان کور ييورم . ارکک سىک اما حلاک
 نزا کتک طبق برقاديننه بکزييور ... عفتک
 روحى سکا حلول ايتمش ده اغن کدن اوسوزلى
 سويليور، کوزلرکدن بکا باقيور ظن ايد ييورم .
 بنم دوشونوب ده سويليه مديکم سوزلى
 اک درين خفايى قلیيه مى تشریح ايدرک سن
 فصل سويليورسک؟ ... عفته بنم آره مده برترجان
 حسيات اوليورسک ... هر زمان بورايه کلوب

بکا جسمه مطابق شعر لر او قورميسك ؟

— كليرم . . . او قورم .

— يمين ايت . . .

— بر شرطله ايدرم .

— هانكي شرطله ؟

— سن ده بكا قوينكده كي كاغد لري او قوتور

ايسهك .

بر مدت دوشوندكدن سوكره ديدى كه :

— او قوتورم . فقط بنمده درميان ايدم . جات

بر شرطم وار .

— نه در ؟

— نظر مده كي قيمت لري روحم دن زياده

اولان بو اوراقى قوينم دن و يا خود كوزمك

او كندن آيرم . يعنى يانك زده بر قاچ كون

قالق اوزره سزه تسليم ايدم . بوراده كوزمك

او كنده او قور ايسه كنز او قوتورم .

— بنم مقمدم بونلری یالکیز او قومه قدزده
 عبارت دکلدر. برومان قلمه آلمق اوزره برر برر
 استنساخ ایده جکم. بوکاده مساعده ایدرمیسکز؟
 — مع المنونیه... چونکه یازه جغکز رومانده
 عفتی بر مدت ده یاشاتمیش اوله جقسکز... بلکه
 قاری لرکز ایچنسه بوقیزک سرگذشت فجیعنه بر
 اغلایان بولنور. بونم ایچون بیوک بر تسلیدر.
 بوموافق اوزرینه لطیف قویزندن قیرمزی
 مندیلی چیقاردی. اشیای مقدسه دن برشی آجار
 کبی تأثرندن براحترام دیندارانه ایله تیرمین
 الاریله اولامندیلی بعده اینجه بر مشمعی آچدی.
 ایچندن مکتوب صورتنده قاتلانمش بردسته اوراق
 چیقادی. بوکاغلرک تاریخلری اعتباریله برر
 گوشه لرینه سرخ ایله آتلمش بولنان نومرولره
 باقادی. بردانه سنی ایچندن چکم بکا اوزاتدی.
 کاغده تماس ایدنجه عفتک روحنه لطیفک کوکنه

طوقونینور ایتم کبی غریب بر حسله بنم ده المه
 بر اهتزاز کلدی . قلبمه شدید بر خلدجان پیدا
 اولدی . کاغد خفیف بر (منکشه) قوقوسی نشر
 ایدیورایدی . هنوز زائل اولمامش بولسان
 بوقوقویی مشامه سکر ، روحه بایغیناقلر ویردن
 بو حزین رایحه یی او کاغدا که عفتک چکمه سندن
 یا حدود کوزل الارندن احتمالکه بیاض صاف
 سینه سندن آلمشدی . کاغد خفیف توز پنبه سی
 رنگنده ایدی . عفتک خزینه تأثراتندن صحائف
 حسیاتندن برنجی صوکره ایکنجی بوکی آچدم .
 اینجندن برچوق صحیفه لر چیقادی . منکشه قوقوسی
 نشر ایدن او یازیلر غایت نازک ، رقیق چیچک کبی
 بر خط ، ترجمان حسیات اولان تیتیک ، چالاک ،
 نالان بر قلمله یازلمش ، بعض سطرلرک اوزرینه
 دوکلن کوز یاشی حبه لری تخر ایدرک یازیلری
 بوزمش ... شدت تأثرات قلبیه نک قلعه ویردیکی

تیزیء خاجاندن بهض حرفلر گله لر بايغين
 دوشمش ... ناتمام قالمش ... بعضلری کلیاً اھال
 ایدلمش ... فکرك، قلبك، روحك افادۀ تالمانده
 اضطراره دوشدكلری، لسان بشر فوقنده بر نلہ
 بیان آرادقلری درین نقطه لرده گله لریا پك بیومش
 ویاپك كوچولہرك صغرلره منقلب اولمش ...
 بوسطرلر، بوجهلر، بوگلهلر لسانجه اولان
 مدلوللری خارجنده خطاً شكلاً برر معنای
 مؤثری حائز ایدی. هپسی روحك برر فریادینه
 شکل ویرمشدی .

هربری برر نقش تائر اولان اوسطرلری
 او قودم. جییمدن کاغد، مرکبلی قلم چیقارهدق
 اوکون عفتك برنجی روزنامه حیاتندن برخیلی
 قسمی استنساخ ایلدم .

هفته ده ایکی ویالاقل برکون ادرنه قپوسی جوار.
 نده کی اوقبرستان کیدر، لطیفی آرار بهضاً بولور

و بعضاً بوله مزایدم. اگر بولمغه موفق اولور، زوالینک
 بر آن هوشیار یسنه ده تصادف اید بیلیر ایسه م ،
 کند یسنه دیوانلردن اشعار مجموعه لرندن بعض
 کتابلردن حاله مطابق حسنه موافق بوله رق
 طویلادیغم اشعاری او قور و آکا مقابل عفتک
 روزنامه لرندن یازه بیلدیکم قدرینی استنساخ ایلر
 ایدم .

بعض کونلر بواوراقی قرائتدن مغلوب تأثرات
 اوله رق کندمی غائب ایدوب اذانلره قدر
 مزارلقلرده قالیر بعض کونلرده ایرکن قالقوب
 ایوبه اینر ، استفسار حال و خاطر ایچون عفتک
 والده سنی زیارت ایلر ایدم . بعض زمانده قالدین
 کلیر بنی مزارلقلده بولوردی . اراده کوریشور
 ایدک .

بنامه ایتدیکی مصاحبه لر ویردیکم تسلیلر
 تأثیر یله لطیف براز عقلانی باشنه طویلادی . کیجه لری

اونده یاتمغه باشلادی .

یواش یواش صغوقلر کجدی . بهار کلدی .
هرکسک فوج فوج مسیره لره قوشوشدینی
اوکل بلبل ربیعنده بن آخرت ملازمتنه تعیین
اولمش کبی قبرستانه اوسیر انکاه خفایه چکلیر
استنساخله مشغول اولوردم . عالم کلرک کشایشنی
سیر ایله سرمست صفا اولور ایکن بن اکثری
دفن مت آیینلرینه تصادف ایله کفن پوش
بروجودک طوبراغه سقوطنی کوره رک متأثر
اولور ایدم ...

وجود او یولده مزاحمه اورطوبتله آاشماش
سوکره دن بوتدیر سزلکمک مع زیاده مجازاتی
چکدم . اوسنه شدتلی بر « حمای تیفوئیدی » یه
قالاندیم ، بوملازمتکم اجرینه آز قالدی نائل
ولیوردم . هرکون اوزرلرنده طولاشدیغم
قابر دن برینک ایچنه دوشمه مه رمق قالمشدی .

هر نعل سه يقايي قورتاره بيلدك .
 آتیده كوريله جك صحائف تاثرات — بر سرو
 كولكدسي التنه اوتوروب بر مزار طاشنه
 ياصلانه رق عفتك بي سنك مدفن غريبي قارشوسنده
 كه كيك قوقولري ايچنده ... لطيفك ناله لري ...
 اختيار قادينك كريه لري مزارلق قوشلرينك
 نغمانه قارشديغي ائنده عفتك « ژورنال »
 لرندن استنساخ ايلديكم اقسامك بعضيلريد.
 اومظالمه قدر وقوعات روز مره حياتي
 تفصيلاً كوني كونه قيد ايلمش. بوتفصيلاتو
 تماميله درج صحائف ايتسه م عظيم بر جلد وجود
 كلير. بوقدر مديد بر ناله حيات بلكه اوقويانير
 ملال ويرر ملاحظه سيله ژورنالارك قيدتوارينخند
 بيله ذهول ايدرك بورايه توضيح مقصد اچو
 لزوم كوريلن بك آز قسملريني درج ايدويور

عفتك خامه تأثرندن قارئین ایچون انتخاب ایتدیکم
پارچه لر ایشته شونلردر :

آوان صباوتمده ... او بختیار کونلرمده
نزهیه باقسم طبیعت بکا خندان کورینوردی.
ظن ایدر ایدم که آی ایله اوینانیر ... کونش
اوقشانیر ... بلوطلر اوزرلرنده اوتوریله بیایر.
برر سریر صفادر ... مکر اوکولر یوزلی طبیعت
بنم ایچون مخوف بر استقبال حاضر لامقده ایمش.
سن ادرا که واصل اولوب ده کندیك او عناصر
غالبه النده قدرتسز بر مخلوق عاجز بر اسیر
اولدیغی اکلا دیغم ... حیاتك چشم معصومیه
پارلاتدیغی او مغفلانه تبسملرده نصل زهرکین
ستملر مختفی بولندیغی تجربه ایتدیکم زمان نالان
دوشدم . بی قرار قالدیم ... علویات منظرینی
اویونچاق ظن ایله دیکم طبیعت ایشته بنی بر بازیچه
استحقار حاله قویدی . طور مایوب اوینانیور.

بکا نه وقت آرام میسر اوله جق ؟ .. دورانک
 قهر و شدتندن قور تولمش بر مرمی کبی بر مزار
 مظلومه صاپلا یوب کو مولدیکم زمانمی ؟

سرگذشت حیاءک حکایه مرارتنه نره سندن
 باشلا یهیم ؟ بر پرده شبکون کبی اوزریمه چوکن
 ظلام طالعک نظرلری تدهیش ائمه دن هانکی
 گوشه سنی قالدیرهیم ؟ ..

حیاته فریادله گلش، پدر و مادرک بال شفقت
 ونوازشلرینه صیغنمش، یکانه یاورى ایدم. بر آنا
 بر بابا بر یاورى ایکی خدمتکاردن عبارت اولان
 بو خانه خلقنک آشیانه سعادتى فاتح جوارنده
 تبهده حلیجه ناظر، باغچه اورته سنده یشیلاککلر
 ایچنه کیزلنمش التی یدی اوطه لی بر اوجکز ایدی.
 پدرم بنی بعض اقشاملر قوجاغنه آلیر. هر طرفی
 صارماشیقلر، دافلانلر، کللر یاسمنلر خانم الاری
 برومش اولان او سبدلی باغچه مزک نشر ایلدیکی

روایح لطیفه ایچنده طولا شدیرر، سونکر طاشندن
 یایلمش کوچک حوضک یاننه کوتورر، فسقیه دن
 برر اینجه خیط بلوری کبی صاچیلان صو
 سرینتیلرینه یوزمی طوتار، بن قوجاغنده
 ارتماشلره اوغرایوب صیچر ادقجه اوکولر، یوزمی
 کوزمی یوسه لره مستغرق ایلردی. آغوش
 پدردن سمایه او فسخت آباد لاجوردی یه باقار،
 کوکرچینلرک قرلانقیجلرک برتیزی پرواز ایله
 لامکانه طوغری بربرلرینی قووالادقلرینی کوردکجه
 بکاده معصومه برهوس پرواز کلیر، بنده
 اوچق ایستردم. پدرم ایکی قولار یله بنی هوایه
 قالدیرردی طفولانه خنده لر بیغاره لرله چربینر
 طورردم. شمسی شو اووان صبا و تمی تخطر
 بکا دوزخدن جنت سیر ایدر کبی کلیور. الی
 یدی یاشنه ظلم. پک چوق سویلر دیللی بر قیز
 اولام. تحف تحف سه زلم و الدینمی، ار زمان

قومشولر مزاولان قادینلری ساعتلرجه کولدرودی .
 غایت رقیق قلبی سریع التأثر ایدم . هرشی بکا
 طوقونوردی . هیچ عقلمدن جیقماز . قومشو-
 لر مزدن سوتجی قیزی امینه خانم اسمنده برقادین
 واردی . پک چوق حکایه مصال بیلدیکی ایچون
 کندیسنه مصالچی امینه ده دیرلردی . بوقادین
 قیش کیجه لری قومشولردن هانکیسک اوینه
 کیتسه یمشیر بوزالر آلنیر بتون قادینلر دوکون
 اوی کبی اورایه طولارلر مصالچی خانمک طاتلی
 طاتلی سویلدیکی مصالاری دیکله یوب یدیلره
 سکزله قدر اغزینه باقارلردی . امینه خانم
 حرکه لی اسکی حکایه کتابلرینی اوقویه جق قدرده
 آشنای قرائت ایدی . عاشق غریب ، کرم ایله
 اصلی ، فرهادله شرین حکایه لری بتون ختم
 ایدلدی . امینه خانم بونلرک متلرینی غایت طاتلی
 اوقور بیتلر کلدیکی زمان بونلری هزامدن پک

محرَق بر مقامله تغنی ایلردی .

بن امینه خانمك اك دوشكون مفتـونلرندن
ایدم . بوشكر سوزلی قادین فتح دهان حکایه
ایلدیکی زمان بن اویونی هربرشیئ اونیوتور ،
قارشوسنه کچوب کندیسنی ساعتلرجه دیکله مکدن
یورلماز اوصانمز ایدم . امینه خانمك بزه کلدیکی
اقشام بنم ایچون اك مسعود برکیجه اولوردی .
برکیجه بزم اوده طاهر ایله زهره حکایه سی
اوقونیوردی . امینه خانم اوفجیع حکایه نك
صوکلرینه طوغری اولان :

هی تاتارلر تاتارلر
بربرینه اوق آتارلر
چارشوده ات توکنمش
طاهرک اتین ساتارلر

ییتلرینی اومحرَق بسته سیله اوقودیغی زمان

آه بویانق بیتلر بنی اوقدر متأثر ایتدی، اوقدر
اغلاتدی که مابعد حکایه بی دیکله مک مراقیه
چیلدیران قادینلرک جمله سی بر آره یه کلدیکی
حاله بنی بر درلو صوصدره مدیلر .

یاقمق ایچون دوشکه والده مک قویننه کیردیکم
زمان حالا اشک تأثرم دینامشدی . والدهم سبب
بکامی پدرمه اکلادتدی . بابام شفقتله یوزمدن اوپدی .
کندی کوزلرندن ده یاشلردو که رک دیدی که :

— بوقیز بیورسه پک حساس اوله جق ...
کوزلاکدن صوکره حزینه خلقتدن اک زیاده
اولان نصیبی شدت تأثرده کوریلیمور . بعضاً
دقت ایدیورم . دیگر چوجقلرجه اهمیتسز
کوریلن برچوق شیلر بوقیزی ساعتلرجه
دوشوندیریورم . برکدی یاوریسنک زبونانه
میی اولامسنى ایشته محزون اولیور . باشقه
برچوجغی اغلارکن کورسه بونکده کوزلری

صولانیور ...

پدرم شو سطرلری او قویون بوکونکی کوز
 یاشار می کور سه ایدی عجباً نه قدر متأثر اولوردی؟
 احتمالکه حیاتمک باشی ترلدیغنه بیک تاهغله
 اظهار نداشت ایلردی . فقط اوزواللینک
 نه قباحتی وار؟.. او، طبیعتک رجالی سوق
 ایلدیکی بروظیفه یه تبعاً پدر اولدی . والددمده
 بوقانون ایجابندن اوله رق بنی طوغوردی. کیمه
 نه سویلکه حکم وار؟ قوانین طبیعتک تسلسل
 عمومیسنه مربوط اولان خصوصیات مؤاخذه
 اولانه مز . بعض جاغل قادینلرک جانلریدن
 زکینلک کوستردکلری حدتلی زمانلرنده نه ورله
 « آمانز بزی طوغوره جنه طاش طوغوره
 ایدی » ده فریاد ایلدکلرینی چوق اینتدرم ...
 کندی - لامتلری انجون آمارینه طاش طوغورتان
 قادینلرک خودینلکلرینی هایدی جهالتلرینه

باغشلايه لم . « يا دنيايه طوغمق ايسترميسكز؟ »
 ديه قبل التولد رايلى استفسار ايدلماش اولديغندن
 طولايي حدت ايدن آغير باشلى فيلسوفلر نه ديه لم؟
 قوانين مدنیه ، کندیلرنده دها طوغمادن رای
 ویرمک صلاحیتنی کورن بو « پسیمست » لرك
 سوزلرینه باقیه رق تولیددن صوکره چوجقلرینی
 جامع ویا کلیساقولرینه براقق مجبوریتندە بوانا نلری
 بیلە شدتلی جزالره اسقاط جینندن منع ایدییور.
 بو عالم او یله بر تجلیزار غرابت درکه اوراده کی صفا
 ایله جفانک موجودیتی یکدیگرینک ممزوجیتیه
 قائمدر . جفاسز صفا عین جفا دیمکدر . یا اکر
 شوقدر وارکه بوا یکی نصیبه حیات هر کسه درجه
 متساویه ده دوشمیور . فقط بونده ده بر بیوک
 حکمت واردر . اکر هر کس ایچون اذواق و آلام
 حیاتدن متساویاً حصه مند اولمق مقدر اوله یدی
 عالمک شیرازه کشمکشی مختل اولوردی .

اشته بورالرینی دوشو نورم ده حیاتدن یالکز حصه
مند مشاق بولندیغمندن طولای و الدینی مؤا -
خذهیه جسارت ایده مم . انلرک اخص املاری بنم
بخیارلغم ایدی . بو حقیقتی نصل انکار ایده بیلیرم؟
پدرم تحصیل و تربیه مه فوق العاده اعتنا ایتدی .
تلم علوم ایله بنم ایچون تأمین مسعودیت قابل
اولورظن ایلدی . اشته بو فکرنده خطا ایتدی .
اسباب سعادتن ظن اولنان شیر بنی الک بیوک
فلاکتله دوشوردی . هر کوردیکی کلیشی
کوزل تلقیه میال جاهل قادینلردن اوله ایدم
بلکه بو قدر بدبخت اولمز ، احتمالکه مرارت
حیاتی بو درجه شدتله حس ایلمز ایدم . اعتنا
ایله یتشدریلن هر قیمتدار چیچک کندی کران
قیمتیه متناسب بر باغچه دلپذیر ایچنده کندی
کی خوشبو خوش منظر دیگر ازهار میانه -
سند ، حاصلی انکشافنه خدمت ایده جیک

بر هوای ناز برداری دروننده نشر لطافت
ایده بیایر . کلخانه دیکلن یاسمندن انشراح
انکشاف بکله نیرمی ؟

ایلك قرائت ترکیه یه پدرمدن باشلادم . ترکیه
آچیق عبارله لر ی براز سوکدن صوکره یدی سکر
یاشنده ایکن بنی بك اوغلنده برفرنك پانسیونه
ویردیلر . سن تستر مه قدر اوراده قالدیم .
یالاکز هفته ده بر کیجه کلوب والده می کوره .
بیلیردم . اجرتی پدرم طرفندن تأدیه ایدلک
اوزره پانسیونه واحد افندی اسمنده بر ترکیه
خواجیه سی تعیین ایدلدی . بوذات هفته ده ایکی
دفعه کلوب اوراده کی درس لر خارجنده یالاکز
بکا عربی ، فارسی ، و ترکیه دن درس لر ویرردی .
اساس تدرسم فرانسه جه اولدینی ایچون
بولسانده ده اوضوح ، سلامت و سهولتله افاده
میرام ایده بیلیرم . ترکیه دن کوردیکم اونا قص

درسار دن صو کره ترك ادباسنك تتبع آناری
سایه سنده اشته شو کوریان درجه ده برسوخ
بیان پیدا ایده بیلدم .

مدت تحصایه م اشناسنده پانیسینده کی تحصساتی
یازسه م بوژورنالارمك نصفی آنرله املا ایتمك
لازم کلیر . آه نه طاتیلیدی اودملر ! تحصیل
رفیقه لر مك ایچنده اك زیاده سودیکم . . . محرم
هر رازم اولان بر قیز واردی .

قو مرال صاحلی مائی کوزلی محزون باقیشلی
کوزل « آتوانت » بر معمار قیزیدی . « زه توریق »
صنفه چیقدیغمز زمان یا تا قلمز یان یانه تصادف
ایتمشدی . « آتوانت » سیاه صاحلی باغین کوزلی
سماوی چهره لی اون یدی یاشنده کنج برسامی
سورودی . بندده فیض سودا پك ایرکن
باشلامشدی . بنده سورم . . . کیمی سودیکمی
ایشته یوزم قزاره قزاره اعتراف ایدیورم . . . اقربا

مزدن لطیفی ... مکتب مدیره سی مادام «شرنل»
 ط الباتک عاشقانه رومانلر شعرلر او قومسنى
 شدتله منع ايلمشدى . بز «انتوانت» ايله بو
 ممنوعيت خلافنه اوله رق اوکي مهيج سودا
 آثار عشق پرورانه يي دولابمزده سائر طرفزده
 کيزله يه جک رکوشه بوجاق بولور دق . هر کيجه
 ياصديغمزک آلتنده موسه دن ، لامارتيندن هوغودن
 استنساخ اولمش برقاج صحيفه بولنوردی .
 اقشام اوستلری درس پادوسندن صوکره
 مکتبک آطه لره طوغری نظارتی بولنان باغچه .
 سنده اسرار عاشقانه مزه دائر ايتديکمز هر درلو
 فصیلدیلره آهله اينلره محرم اولان بيوک کستانه
 اغاجنک آلتنده کی يشیل بويالی تحته قانابه او طور دق .
 اقشام کونشيله — کوکمرده کی نوخيز سودادن
 قيزارمش کي — درلو رنگلر پارلتيلر عرض
 ايدن اولو حه بهشتی يه قارشى نسيم شام صاچلر مزله

نوازشکارانه اوینارایکن «آنتوانت» «قورساز» نك
 آره سندن برطور محترزانه ایله یاعاشقندن
 کله بر نامه محبت ویاخود اوکونکی منتخباتندن
 کزیده بر شعر چیقارردی. قلبمك ضربانلریله
 طاتلی بر آهنگ خلجان ایچنده او قوردق. او-
 قویه جق نامه من منتخب شعر من بولمیدیغی
 آقشاملر و یقتور هوغونك (آزملو) پیه سندن
 از برلایکمز عاشق «رودولفو» نك جانانه سی
 «قاتارینا» نك بالقوننه کیزلنوبده تغنی ایتدیکی
 شو:

Toi l'harmonie et moi la lyre,
 Moi l'arbuste et toi le zéphyre,
 Moi la lèvre et toi le sourire
 Moi l'amour et toi la beauté

مصر اعلرینی آهسته آهسته ترنم ایدرك مستغرق
 اشواق سودا اولور ایدك. بن بویارچه یی او
 زمان ترکیجه یه شویله ترجمه ایتشدم:

سن نغمه سَك بن ساز
 بن گلزارم سن نسیم ناز
 بن لبم سن خنده قدرت
 بن عشقم سن لطافت

پانسیوندن چیققدن سوکره آنتو آنتله بر
 قاچ دفعه کوروشدم. او بی چاره ده مسعود اولد.
 مامش. کندیشنی او سودیکی کنج رسامه ویر.
 مامشار. پدرینک ابرامات شدیدده سی اوزرینه
 تجارندن زنلرین بر ذاتله تأهل ایتمش. زوجی
 پك خام حلاط بر شی ایتمش. انتوانته کوستر.
 دیکی محبت زوجیه پك شدتلی ایتمش اما شعره
 ادبیاته موسیقییه پك بیگانه اولوب اصول
 مضاعفه دفترلرندن تجار سندرلرندن قامیالاردن
 باشقه بر شی قرائتندن لذت آلامیان بو حرافی
 زواللی قیز بر درلو سوه میورایمش. تجارتخانه.
 سنده کی محاسبه مأمورلرینه قارشی طوتدیغی

قونترول دفتر لری آنتوانته تبیض ایتدیر ایمش
 زوجہ سی کندیسنه منتخب بر شعر او قودینی زمان
 «صباحین اغاجک اوزرنده بر قوش اوتمش بر ازده
 روز کار اسیور ایمش . . . صانکک نه اولمش ؟
 بن بوندن برشی اکلایورم . بنی عفوایت قاریجغم»
 دیر ایمش ! آنتوانت پیانوده اسانده موسیقیہ نک
 سماوی نغمہ بعض اغر پارچہ لری نی چالیدیغی ائنادہ
 زوجی اسنه مکہ باشالایوب « بر قصاب هواسی
 چالده اویقوم قاجسون » دیہ رجا ایدر مش !
 پدری بوقیزی او یلہ بر زوجہ ویرمک نیتندہ
 بولندیغی حالده بیلیم کہ نہ ایچون سنہ لر لہ مکتبلر -
 ده تحصیلنه اعتنا کوسترمش ؟ اولاد لرینک
 تربیہ لری ایچنדה یاشامنه مجبور اولہ جملری
 معیشتہ توفیق ایتمک یولنی بیلا مدکاری ایچون
 اکثری بویولده کی عائله فلاکتلرینہ پدر ووالدہ لر
 سبب اولور لر . اوروپا علما وادبا سندن اکثرینک

زوجه لری ده عالمه اولور. زوجلرینک مسوداتی
 تبیض و اثر ذهول اوله رق قالان بعض خطالری
 اخطار کی اومسلکده قوجه لرینک برر معین
 حیاتی اولورلر . امیل زولا برادیب ایچون
 انتظام حیات انجق بویله برزوجه یه مالکیتدن
 صوکره باشلایه جغنی یازیور . مشهوردر ...
 روس اعظمندن ادیب شهر « توله ستوئی »
 کندینه نه ساح اولورسه همان الله چکن برکاغد
 اوزرینه قره لایوب اورایه بورایه براقیر ایمش .
 زوجه سی بوکاغد پارچه لرینی طویلایوب اوزرلرینه
 ایجاب ایدن صره نومرولرینی آتهرق بالتببیض
 طبعه صالح مسودات حالنه قورایمش . غریبدرکه
 بوقوجه ادیبک یازیسی زوجه سی اولان قونتسدن
 باشقه کیمسه ده او قویامز ایمش .

عجبا پدرم بنی کیمه ویرمک ایچون تحصیلمه
 بوقدر اهتمام کوسترمش ؟ آنتوانتک تجار

دفتری یازمسی کبی پدرمک بنی ویره جکی ذات ده
 کیم بیلیر بکا طاپو سندیمی طولدرته جقدی نه
 یاپه جقدی؟

عائله جه اولان قراتمز حسبيله التی بدی یاشنه
 قدر لطیف ایله همان براراده کبی بیودک . بو
 چوجق حقهده کی محبت معصومانهم پک ایلری
 بر درجهده ایدی . اوده بنی شدتله سوردی .
 کندیمی ارکک اولدینی حالد ارکک چوجقلره
 مخصوص اولان اویونلری ترک ایله بنمله برابر
 اوده بیک اویسار، بیکلرمک انتاریلرینی دیکمکه
 بکامعاونت ایلر قریلان آرابه لرینی تعمیر ایدردی .
 برکون بر برمزی کورمامکه تحمل ایده مز ایدک .
 هر مسرتمه آنکده اشتراکنی ارزواید رالمه کچن
 یمشلدن بر قسمنی لطیف آغا بکم ایچون صاقلار
 ایدم . آمبیلیم ! اودور معصومیتده کی بوانجذاب
 روح نه در ؟ دهها محبت نه اولدینی بیلمین

برچو جق بوقدر شدتله نصل سوو بیایور ؟
 هنوز وجود انبساط مادیسنی بولمان بواسطه
 سودا برکوچک قلب اوزرنده نصل فرمانفرما
 اولیور؟ هیچ برحسبه مالکیتلری بالی اولیان
 نباتات بیله باعث نشوونمالری اوله جق قوه
 فیاضانه طوغری میل وتوجه کوسترمیورلرمی ؟
 انکشافه حاضر لانان چیچکلرک کونشه توجیه
 چهره ابتسام ایتدکارینی کورمیورمی یز ؟
 اوحیات زاهره یی اولطافتی اوروایحی کونشدن
 اخذ ایده جکلرینی چیچکلره یپراقلره حس
 ایتدیرن سرقدرتک بکاده فیض حیاتی لطیفدن
 آله جغمی او معصومیت ایچنده احساس ایلمسنه
 البته استغراب اولنمز ! ید ازلی قدرت، هر نقطه
 هر ذره سنده بیک درلو اسرار خلقت مکنوزاولان
 شعوعوالی اویله بر قوه خفیه ایله شیرازه بند تقید
 ایلمشدرکه هر شیئی مخلوق وجود بولدینی نایه دن

اعتباراً اسبابی بیلمدیکی مقدراتنه طوغری
منجذب اولور. حسلی حسسز هر مخلوق
سرخلقتك مقاصد خفیه سنی بی خبرانه اجرا ایله
مکلفدر. بلبل نه دن ناله ساز اولدیغنی بیلمز. برکلك
روی آلنده کی غباری سیلن شبنم اوراده کی سبب
تکائفندن بی خبردر. طبیعتك رؤیت مناظر یله
گاه پرشوق کسیلن گاه برتأثیر خفی ایله حزن
ایچنده قالان شاعر تحسستاتی درلو بدایع لسانله
ترجمه یه اوغراشیر اوغراشیرده ینه او تأثراتنه
بادی اولان سبب اصلیدن غافل بولنور. مقتون
طبیعت اولان برشاعر نه قدر آتش زبان، نه
مرتبه معجز بیان اولسه ینه افاده حسیاتنده
دوچار عجز اولور. تأثراتی حقیقه افهام ایدمه.
معالی شعریه ده حائز نصاب کمال اولان «لامار تین»
آثار نثریه سندن برنده تصویریله کی بدبخت
برشاعره «نه ایچون تأثراتکی یازمیورسك؟»

دیه صوریورده ینه اوشاعره شو جوابی
ویردیریور :

— « هی عزیزم ! روز کارباشمزلک اوزرنده
طبقات علویه ده کی نغماتی تحریر ایدیورمی ؟
دریا اینن طلاطمنی یازیورمی ؟ طبیعتک حد
ذاتنده محرر اولان علویاتدن دهابیوک تصویر
اوله مز. قلب بشرده اک زیاده علوی والهی
اوله رق بولنان شیرل اورادن خارجه حقیقه مز.

چونکه بوعلویاتی افاده یه واسطه اوله جق
آلت برلچپاره در . افاده اولنه جق نغمه ایسه
عین آتش ! آه بوکا قدرت بشر نصل تعلق
ایده بیایر ؟ انسالک محسوساتی ایله بیاناتی ییتنده
بولنان فرق روح ایله یکرمی درت حرفدن عبارت
اولان « الف با » آره سننده کی مسافه عظیمه قدر
مدیددر . یعنی نامتناهیدر . قامشدن بر فلاوته
اوزرنده کریوات فضائلک آهنگینمی کوسترمک

ایسیورسکز ؟ »

« لامارتین » تحسّسات بدایع پرورانہی
 افہامدہ کی عجز شاعرانہ سنی نہ مؤثر بر قدرتہ
 افادہ ایلمش ... طوغری دکامی ؟ .. روحک
 گاہ و ناگاہ اوغرا دینی تزلزلات ہیچ یکرمی
 درت حرفک و سائط بیانہ سیلہ افادہ ایدیلہ بیلیرمی ؟
 لکن نہ چارہ ! .. بدایع پرستان ایچون باشقہ
 واسطہ افہام یوق ... شاعر غلیانلرہ دوشدیک
 وقت تحسّساتی ضبط ایچون قلمنہ صاریلیر ...
 بستہ کار سمعنہ الہی بر منبعدن سـنـوـح ابدن
 الحانی قاچرماق عز میالہ محدود برقاج
 صدانک و سائط ترنماتنہ جان آتار ... رسام
 برقاج بویایی مزج ایدرک قمرک ضیای حزینندن،
 غروبک آتش لمرندن شفقک انوار الوانندن
 رنگر کوسترمکہ اوغرا شیر ... بمضاً بواوج
 صنعتکار بر آردیہ طویلا نوب بردلخستہ بی تشریح

ایدرلر . بر یسی اوبی چارمنک بیسان تأثراتنه
 ترجمان اولور ... دیکری اوبیانات متأثرانه
 انناسنده کی اوضاع و جیهه سنی کوستر ...
 اوچنجیسی ده کریه لری ، ناله لری و یاقه قه لری
 بسته حاله قویار ... فقط هیهات! ... هر مجروح
 درد دلی قابل تصور اوله من . شاعر اعماق
 حسیه یه اینمک ، خف - ایای فکریه نفوذ ایتمک ،
 ایستر . اویله کله لر بولمق هوسنه دوشرکه کونش
 کبی آتشبار ، رعد کبی طراقه نثار و یاخود
 بهار روز کاری کبی کوزلره کورونمدن کوکلری
 تهزیز ایده جک حزین نازک روحانی اولسون ...
 بوله من ... نتیجه حالد نالان قالیر ... و سام
 بعض جریحه لری اوجاعیله تصویر ایتمک ایچون
 لوحه سنه خون وجودندن بویا سورمکه قالدیشیر
 بر شینه بکزدته من ... سامعه سی بر هوای سودا
 آشوبک تموجات روح بر اندازانه سی ایچنده

قالان بسته کار کاتی همان سینه سینه چکر...
 سانح اولان او پرده لری بولمق ایچون پارمقلریله
 دوت تل اوزرنده کزینیر. او خشب پاره الیم
 اهتزازلر ایله سینه برانین اولور. کاه آجی آجی
 فریاد ایدر کاه حزین حزین ایکلر... کاه فغاندن
 بیتاب قالیر بوغوق بوغوق اغلار، قیصق قیصق
 ناله لره تالمیره دوشر... پارمقلر بی مجال قالیر.
 پرده دن پرده یه مؤثر لرزه لرله سورونه سورونه
 چیقار. بسته کار سمع سنو حاتنه لاهوتیان کلن
 او وجد آور مقاماتی سازده موجود اولان
 برقاج « اوقتاو » ک ایچنده بوله مز... تیزلنمک
 یوکسلمک ایستر... تیز « لا » یه طوغری
 فرلار... « سی » « دو » « ره » « می » « فا »
 نهایت اک تیز « صول » ده پارمقلر کآنک اشکنه
 طایانیر... مایوساً پس پرده لره اینر... قابا
 « صول » دن اوته سی ینه یوق...

بنی پانیسونه کوندردکاری تاریخده لطیفی ده
 مکتب سلطانی یه ویردیله . بنم ایچون ایلک
 الم تحسر اشته او زمان باشلادی . ارتق لطیفی
 هفته ده بر دفعه دن زیاده کوره من اولمشدم .
 او بر هفته لق مدت مفارقت بکا بر سنه قدر
 اوزون کورینوردی . هرکون هر ساعت لطیفی
 دوشونور کیجه لری رؤیا لر مده هپ آنکله مشغول
 اولوردیم . بتون خیالات موصوفانه هپ آکا
 منحصر دی . هفته باشی . . . لطیفی کوره جکم
 او دقیقه مسرت تقرب ایتدجکه خلیج ام
 آرتاردی . برلشدیکمز کون ایلک تلاقی نظرده
 ایکی مزده بر بر مزه بر شی سویله یه میوب بر حس
 خفی تأثیر یله قیزاروب بوزاره رق کوز لر می
 اوکومزه ایندرمه مجبور اولوردق . لطیف
 بکا بر هفته اول کوردیکمدن دها بیومش دها
 کوزلنمش بر ازده کبرلنمش کبی کورینوردی .

ایلك سوز لر مزده ایلك نظر لر من کبی پک
 محجوبانه اولوردی . بر کوچک قیز ایدم فقط
 حسیاته عائد بعض شیلری بیوک بر قادین کبی
 دوشونوردم . لطیف بندن اوزاقده بولندقجه
 درس لر یله کثرت اشتغاله مکتب رفیق لر یله صیقی فیقی
 الفت و محبت طالعوب ذهننده بنی دوشونورمکه
 یر قالمیه جق بنم خاطرهم یواش یواس قلبندن
 سیلنه جک دیه درلو مزعج فکر لره دوشوب
 مایوس اولوردم . ملاقائزک برنجی ساعتده
 لطیفده کوردیکم شدت تأثر دن متولد او آغرائی
 او محجوبیتی نفسنه، کوزللیکنه اهمیت ویرمسندن
 منبعث بر غرور ، بنی اونوتمش اولمسندن ایلری
 کله بر معامله بارده صورتنده تلقی ایلر محزون
 اولوردم . بکاده بوز کبی بر طونقلق کلیر بنده
 کندیسنه قارشى پک آغر طور انیر جدی
 بولمغه اوغراشیردم . بنی حقیقه کوکلندن

چیقاروب چیقارماش اولدیغنی آکلا ق ایچون
 مناسبت دوشدکجه لاقردی بی او وادی یه سوق
 ایدر ، بوشبهه وسوء ظنارمک اصابت ویاعدم
 اصابتی مؤبد براماریه دسترس اوله بیلمک
 فکر متجسسانه سبله لطیفک اک اوفاق حرکانه
 وارنجیه قدر هر بر طور وحانه اینجه دن اینجه یه
 دقت ایدردم . مرد چوجق بنم ذهنمده کی
 بوقادنجه دوشونجه لردن شیطنتلردن بی خبر
 بولندیغنی حالده همان هر حرکتیه بطلان ظنونمی
 اثبات ایدر ایدی ده ینه بکا بردلو قناعت کامله
 کله مزدی .

ملاقامتزک اوزرندن سماعتلر مرور ایلدکجه
 ایکیمزک ده بو محجوبیت وترددلر مز یواش یواش زائل
 اولور قلبلر مز ی بر آتش مسرت قاپلاردی ،
 یکدیگر مز دن بر ثانیه ایرملق ایسته مز ایدک .
 کیده کیده هر سوز مز صمیمیت محبت مز ی تأیید

ایدر آریله جغمز دقیقه یه قدر هرثانیه نك مروریله
آتش درونمز درجه درجه مشند اولور ایدی.
بو آتش گرمی تام بولدیغی برزمانده کوز یاشلریله
بربرمزدن آریلیر ایدك.

پانسسیوندن چیقدیغمك ایکنجی سینه سنده
اولوم پدرمك یاقه سینه یاشدی . رقاچ کون
ایچنده مبنای عائله مزك وکنی آلدی کوتوردی.
بوبلیه عظیمه یی متعاقباً بریانغین کلدی خانما.
عزیز بوسبتون کول ایدوب صاروردی. ایکی
قادرین بریتیم حامیسز ماواسز سوقاق اورتلرنده
قالدق. زوالی قرداشم صبری پدر نوازشنه
ظویه مدز فیوض نامیه دن محروماً کولکده قالان
بوینی بوکوک صرارمش بر نبات کی ایلات کشایش
حیاتنده دوچار قهر و ستم طالع اولدی.

بش مجیدیه ایجارله بر خانه یه طاشندق .
برقاچ آی صوکره او بش مجیدیه نك تأدیه سینه

بودجه مزك مساعدا اولمديغنى كوردوك
اشيا نامنه المзде قالان بر قاچ خردواتى
اوج مجيديه ايلقلى براوه نقل ايلك . كرالر
بويله تنزل ايتدكجه طوتديغمز اولرده مركزز
حيات عموميه اولان محلاتدن اوزاقلانه رق
مزارلقلره ياقلاشيوردي .

برسنه صوكره او اوج مجيديه يي ده ويردمن
اولدق . دها كنار محلاته دها اوتيه سور
اوكلرينه بوسبتون مزارلق اچلرينه طاشنمق
ايجاب ايتدى . اوتوز غروشلق برقوله يه صيغندق
صانكه درجه درجه صوك قرارگاه مؤيدمزه
جكيديور صاغ ايكن كندمزه بر مزار آرايور
ايدك . نقل ايتديكمز صوك قولبه نك مزاردن
برفرقى وار ايديسه اوده سكانك موتدن منتظر
اولان اوسكونت مطلقه يه اونوم كران استراحتمه
طالامامش بولنلري ايدى . عذاب قبرى احتياجات

حياتك اڪ شديد دغدغه لري اڇنده چڪيور ،
 اضطرابات داريندن ده حصه مند تالم بولنيور
 ايدڪ . کويا که دنيا منر آخرت ، آخرتمز دنيا
 اولمشدى . صانکه اجل بزى دنيا به کتير مشده
 احيا منرى اولومدن بکلتيور دى... نه تمنى محال ؟
 او قدر تقرب ايندیکمز حقيقى مزار لره دها هنوز
 کيره مدڪ .

يا يغندن قور تولان برقاج پارچه اشبا (بيت)
 بازارى دلالرينك مزادندن قور توله مدى .
 هپسنى برر برر صادق . نهايت صانه جق
 برشى ده قالمدى . همت بنم دست سعى مه دوشى .
 كيجه كوندوز نقش ديکيش دانستلا کي ال ايشلر بله
 اشتغاله باشلادم . بش غروشه قوجه بر بوغچه
 يوز پارهيه برياصدق ايشلر ، ارشونى قرق پارهيه
 دانستلا اورر ايدم . بروم قاريسى ايبك ، يوك ،
 تيره ، بونجق ، پول کي لوازم نقشيه ي کتير رهفته

باشلرنده نه وجوده کتیر، بيلمش ايسهم بونلرک
 چله سنی یوق بهاسنه المدن آلیر کتوروب کندیسین
 اصنافه ویا خودقوناقلر، فاحش فیئاتلرله صاناردی.
 کیجه لری یومامدیغم کوزلرمی کوندوزلری
 آچاماق درجه سنده کی بوسماعی متهادیم
 آیده آنجق سکسان طقسان غروش کتیرردی.
 اصهارلامه ایشلرده براز تاخر وقوعه کلسه
 روم قاریسی مسکینه مکدن شکایت ایدرک بردها
 ایش کتیرمه جکندن بحثله بزی تهدیده قالقاردی.
 بوسبتون آچ قاله جغمزی اخطار دیمک اولان
 اوتهدید همزی اغلنیردی. قارییه قارشى
 درلو تبصبصله منتدارلق کوسترمکه مجبور اولور
 ایدک. چونکه کندیسندن باشقه ایش ویرن
 بر دیگر کیمسه بی طانی میوردق. بوله بيلمه مزده
 پک مشکل کورینیوردی.

عزت نفسمز اوله مختکر بر قارییه یوز

وي دېر كېدون قرلغه باشلادی. احتیاج حیات
 قیله آرتق حساً بشریتك دركات سفلاسنه
 غری سقوط ای دیوورایدك، بو حال بزم ایچون
 الی حسیاتدن برر برتجوده بر مقدمه دیمكدی.
 فقه مائل محاسن اولانلرك الجای فقر ایله
 ك دركۀ ردائته سقوطلری بك مدھش
 لیور. هیهات... دوشو یورایدك... برنجی
 به معنی ایندكدن صوكره تكرار ارتقا همان
 تحیل، فقط سقوط بك سهل بك طبعی
 وینوردی. اوباصه مقلرك اشاغلیرینی دوشوندم.
 زلرمه ایچنده بتون مكارم بشریهك بتون
 تلاق انسانیهك بوغولدیغی قرانلق، عمیق،
 وف برقویو كوروندی.

هر قدمۀ نزولنده طولاندریجیاق، سرقت،
 مع عرض، قتل کی کیتدكجه وخیملهشن جنایات
 یلیدی. لرزه لر ایچنده قالدیم. کوزلرمی یومدم...

بز، ناموسلی بر عائله . . . او قونوڭ کنارینه
 کلمشده. بر طرفزده او قویو . . . دیگر طرفزده
 مزار وارزی. ایکیسندن برینی انتخابده مضط
 ایدک. احتمال که بزه بو حق ترجیحده ویرلم
 مشدی. روز کار بختمز هانکیسنه سوق ایدرس
 اورایه دوشه جک ایدک.

چوق کچمدی. او روز کار پر وبال کشده
 صدمات مدهشه سنه طو تولدق. اضطرابات معنوی
 تأثیر ائیله بر قاچ کون زار وزبون قالدق ایش
 ایشله یه مدم. روم قاریسنی کوجندر دك. او
 درت هفته سمتزه اوغرامدی. بر چوق آیلرد
 بری ثمره تصرفز اولان بر قاچ مجیدیه بی کمال
 اقتصادله صرف ایتدک. ارقه سی کلین بر شیء
 اقتصادک نه فائده سی اولور؟ بر کون بر ساعت
 کلدی که بر پاره سز قالدق. ایکی کیجه آج یاتدق
 شدت جوعک معده یه ویردیکی ایلک اوجاع . . .

وجودك محافظه حیات ایچون قنات هضمیه بی
امکّه زورلامغه باشلامسندن تحصیل ایدن او
جانکداز صـ یزیرلر یواش یواش خفت
بولدقن صوکره اعضا و آلات بدنیه نک
فعالیتنه عقلت طاری اولیور او صروده
اشتهایده برکسل کلیور . به صوم ضرورتک
ایکنجی صـ باحی آرتق بن کنیدی آچاغمی
اونوتمشدم . فقط والدهم ایله صبرینک - مرارمش
چهره بیتابیلرینه باقیه تحمل قالمامشدی . . .
صبری اوساعته قدر بلکه اللی دفعه یوقلامش
اولدینی امک چوملکنی بردها قارشیدیدی .
ینه ایچنده برشی بولامینجه کلدی باشنی دیزمه
قویدی . یاشلی کوزلرینی مایوسانه یوزمه توجیه
ایدرك :

— آبلانچم امک ایسترم . دیدی .

بینمزده شو محاوره باشلادی :

— قسمتک سندن اسیر که دیکی اکمکی بن
 سکا نصل ویره بیلیرم ؟
 — قسمت نه در آبالا ؟
 — آجلری تسلی ایچون اویدورلمش برکلا !
 آنک معناسنی سن شمدی اکلایه مزسک .
 بلکه بیودیگک زمان اوکره نیرسک ...
 — انسان آچلقدن قاچ کونده اولور ؟
 — نه بیلیم یاوروم ؟ .. اشته بز ایکی کوندر
 آچ طور یورز دیها اولمک !
 — (هونرکو هونکورا غلایه رق) اولنجه یه
 قدر بویله آجی طوره جغز ؟ .. بن اولمک ایسته م ...
 آننه مک اولدیکنی ده ایسته م ... سنک اولدیکنی
 ده ایسته م ... ایسته م ... ایسته م ... اولیه لم ...
 بر پارچه اکمک برلام ... بوکیجه ده آج قالیر
 ایسه ک بلکه صباحه اولورز دکلی آبالا ؟
 بردهان معصومیتدن اجلنگک تأثیرات مخربه .

سنه وجودك درجه مقاومتي استيضاح حقنده ايراد
اولئان بوسؤالارى قارشيدن ديكه ين والدہ .. ايكي
اولاديله آچ قالان اوبخسنز قادين جكر ياره سنك
تحاشىء موت ايله سويلديكي بوسوزلره طاقت
كتر رهمدى . بر آد جانسوز چكدى بايىلى ويردى .
صبرى والدہ سنك كوزلرينك قاره سى غائب
اولوبده بر اولودن دها صارى دها رنكسز
برچهره ايله يره اوزانديغنى كورنجه :
— اشته آننهم اوليور . بر پارچه اكك
بولور سدم بلكه ديريلير ...

ديه اودن همان سوقاغه فرلادى ... بن نه
يايه جغمى شاشيردم . برلقمه اكك بولمئيان
بر خانه ده بايىلانى آيىلتمق اچسون ملحلردن
نه ترلردن نه بولنور ؟

بر پارچه سركه بيله يوقدى . ذرعقب دسقى يه
قوشدم . بر بارداق صو ايله بى چاره قادينك

امدادینه شتاب ایتم . صوی یوزینه سرپدم .
 قوشاغنی اثوابنک دوکمه لرینی جوزدم . پنجره لری
 آچدم . وجودینی اوغوشدرمغه باشلادم .
 اللرم هر طرفم تیرل تیرل تتره یوردی . بنمده
 بایلمه مه رمق قالمشدی .

والدم ایکله یه ایکله یه... صایقه لایه صایقه لایه
 براز کندینه کلدی . کوزلرینی آچار آچار
 صبری بی صورتی . « براز طیشاری یه چیقدی
 شمدی کلیر » دیدم .

یارم ساعتک بر مدتدن صوکره فی الحقیقه
 چوجق کلدی . کلدی اما امان اللهم نه حاله
 کلدی !.. قان ترلره باتمشدی . صول ایاغنک
 طوپوغندن زیرل زیرل قانلر آقیوردی . النده
 اوچ دانه کورپه خیارواردی . چوجغنک او حالندن
 اورکدم . آتش کبی پارلایان کوزلری اورپر مش
 صاچلریله حیوانات مفترسه یاوریسنه بکزه مشدی .

خلمجانندن طيقانه طيقانه دیدی که :

— اكمك چالامدم . فقط بوستاندن ايسته
بو خييارلری آشيردم ... قاچاركن باغچوان
كوردي ... آرقه مدن برقاج طاش فرلاندي ...
بر دانه سي اياغمه كلدي ... قانيور ... همده
بك فنا اغرييور .

بو اعتراف مدهشه قارشى ديزلرمك باغى
چوزلدى . دوشمامك ايجون ديواره طاياندم ...
آه ! كاشكه آجلقدن اوله يدمده طبقوز اون
ياشنده كي اومعصومك درجه مذمتدن بي خبرانه
اوفعل منحوسه سلوكنى كورميه ايدم . قرداشم
سرقتمك « الف با » سنه باشلامشدى . اوكونكى
حركتى يالكيز اخلافاً بر مقدمه سقوط اولقدن
عبارت دكلدى . قانوناده مستلزم جزا ايدى .
چونكه ايتديكى فذللق نفسنه انحصار ايتيوب
ايشك ايجنده حق آخره تجاوزواردى . اوپاشده

برچو جق خیار چالارق قارتی طو یورمغه
 آلی شیرسه البته سن بلوغه وصولنده دفع احتیاج
 ایچون بر قیو مجی دکانی صویمغه قالقی شیر...
 آیاغندن آقان اوقانلر او کونی متجاسر اولدیغی
 فعلک بر جزای سزاسی دیمکدی. عجبا بو جزادن
 متنبه اولورمی؟ ظن ایتیم. بو کون بر عجمی خرسز
 ایدی. فقط یارین اوسته لاشه رق اوکی جزالردن
 مہما مکان نفسی قورویہ بیلیمک ملکہسنی پیدا
 ایدہ جکئی اکلایوب کیدہ کیدہ بو خصوصہ کی
 جراتی متزاید اولور.

بناء علیہ چو جغی تأدیب لازم دی. لکن هر
 اترك ازاله سی انجق مؤثرینک محویله ممکن اوله
 بیله جکی نظر تقدیره آلنیرسه ایکی کوندر آج
 طوران برچو جق بری والدہ سی بری همشیره سی
 دیکری ده کندیس ایچون اوچ خیار چالدیغندن
 طولانی نه پوله بر جزایه مستحق کوریلور؟

قارنلرینی طایقه باسه طویوردقندن صوکره هر
 بری بزم کبی آچلرک سنه لرجه اعاشه سنه
 کفایت ایده جک بر چوق کرانبها تابلور،
 خالیر، آنتیقه لرله مزین بولنان یازی او طه لرسه
 قوررلوب ده قونولو توتونلرک دومانلری ایچنده
 اوکلرنده کی مجلا کاغدلره لایمده نظریات اخلاق
 دیزوب دوکن قوجه فیلسوفلر، اغلانه جق
 شیلری کولنج کوسترمک ایچون ردائت بشریه یی
 کنه یلرینه سرمایه استهزا ایدینن رومانجیلر بو
 سارق صبی حقیقه تعین اولنه جق مجازانی
 سزدن صورا م . . ؟

دوشوندم . دوشوندم چوجنی ضربه دکل
 تکدیره بیله بر درلو دیلم وارمدی . ایغندن
 آقا . ابرقازر صانکه قلمدن صیزیورمش کبی
 درونا و جملر حس ایدیو . دم . بن ده آج او تاثیر
 ایله بن ده بی تاب بی مجال تفکر بولندیغمندن

دفع الم جوع ایچون سر قته مجاسرت ایدن بر
 معصومك شو حرکتی مستلزم جزا کوره میور
 ایدم. پریشانیء ذهنم بوبابده دور و دراز محاکمانه ده
 مساعد دکلدی. اوساعتده پشمش برات پارچه.
 سی کور سه م، سر قتمدن کیمسه نك خبردار
 اوله میه جغندن ده امین بولنسه م قانونك ممنوعیتی
 ایجابندن زیاده معده مك صیزیلرینه اهمیت
 ویره رك احتمال که بنده چالاردم. حتی اومسروق
 خیال لر بنم کوزمه ده پك یشیل، پك کورپه،
 پك اشتها انکیز کورونمکه باشلامشدی. فقط
 چوجغه بوسبتون مساعد و کوشك کورونمامك
 ایچون یالکیز دیدم که :

— او خیالری کوزم کورمسون ... نره دن
 چالاکسه کوتور صاحبنه اعاده ایت ... بجاق قدر
 بویکه خر سز لغه می باشلادك ؟
 او حلیم او مطیع چوجق او کون کلیآد کشه شدی.

صانکه بر قبلاں یاور یسی کسلمش ده اوزومه
آتیله جقمش کبی بر شدت نظرله یوزمه باقرق
دیدمی که :

— حرفك ياننه تکرار کیده یم ده بنی دوکه
دوکه اولدر سونمی؟ ایا غمك حالنی کور میور میسک؟
هم باقم لم بورادن اورایه کیدوب کله جك حالم
قالدی می؟

— اوه اولسون! .. مستحق اولدیغك
جزایه يك چابق اوغرامشسك. بویله فنا فعلده
بولنانلر البته جزاسنه ده اوغرا لرلر ...

سائر وقتلرده اك اوفاق تكدیرلر مه قارشى
بیله اوکده ترلر دوکن او محجوب چو چق
بوکون ديك ديك یوزمه باقیور. سویادیکم سوز.
لرك معناسنی بیله اکللامش کبی کورینیوردی.
چو جنی تكدیردن اول او ساعتده بکا توجه
ایدن مهم بر وظیفه واردی. اوده در حال

خيارلرى الندى الوب بونلرى صاحى اولان
 باغچوانى بوله رق همان تسليم ايتمك، ايجاب ايدن
 عذرى ديله مكدي. فقط اخلاقى بحرانه دوشيرن
 اسباب انسانك وجودينه ده بر كسل ذهننه بر
 عطالت، محامه سنه بر او غوش قاق كتي ريور.
 بيلم او آرهلـق انسانه نهلر اوليـور ؟
 بصيرت اخلاقى اوزرينه بر كابوس چوكيور.
 انسان ايلكي ده فـالـي ده براز فرق
 ايد بيليور... لكن حسن عمل جهتي ممتنع المرور
 برخار زاركبي كورينيور. انسان او طرفه اديم
 اتمق ايسته ميور. اوراده تصور ايتديكي مشكلا.
 تك اقتحامنه امكان كوره ميور. جهت سيئه
 ايسه براوچوروم كبي انساني جذب ايد ميور.
 هر سوء حركتك بر عاقبت وخيمه سي وارايسه ده
 بونتيجه بك اوزاق كورينيور. اوني ايشلمكـدن
 حاصل اولهـجـق خط نفساني ايسه بك يقين

بلکده آنی بولنیور. اکثریتله نفسه محرومیت
امر ایدن بر فعل صائبك مكافات بعیده سینه
استظاردن ایسه وقت جزاسی پك معین اولیان
بر حرکت ردیئه ایجابنه قایلغه انسان دها
مستعد بولنیور.

ایکی کونلك آجانك تأثیر یله او یشیل یشیل
کوردیه خیار لر بنم کوزمه ده پك اشتها انکیز کورو-
ندیکندن اولمایدركه قرداشمی تمکد برده پك
ایلری وارهدم. مابعد معامله نك فصل اولسی
ایجاب ایدجکینی ده پك دوشونه میه رك چوجنی
اوراده براقوب بر حرکت غیر ارادیه ایله همان
یوقاری یه والده مك یانسه چیقدم.

بدبخت خاتون کندی باغینلغنی اونوته رق بر
شفقت مفرطه ایما ایدر سوزوك ازکین بر نظر
استیضاحله یوزمه باقدی. بو باقشیله اشاغیده
صبری ایله نه لر قونوشدیغمزی اکلایم ایستدیکنی

بکا افهامه اوغراشیوردی.

شمدی نه یولده اداره لسان ایتلی ؟ ایشک
 طوغریسنی سویله سهم هیج شبهه یوق که والدهم
 بردها بایله حق . بلکه ده بودفه کندیسنی
 آیلتیق برامر عسیر اوله حق ... حقیقی کتم
 ایتسهم صبری بی فعلنده جسامتندرمش اوله جغم
 کبی اوحرکتنه نوعما بنده اشتراک ایتمش بولنه.
 جغم ؟ بن بومدهش ترددلر ایچنده ایکن والدهمله
 نظرلرمزک ایلک تلاقیسندنه بنم چهرهم نه
 رنگاره کیردی اونی بیله میورم . فقط اونک
 یوزی بر اولودن زیاده صراردی . اونی کوردوم .
 زواللی قادین یکی بر فلاکت وقوع بولدیغنی
 اکلامشدی . یالکیز نظریله استیضاحه اوغرا -
 شیور ، فقط اغزندن بوسوز قاچرمه یه اوده
 بنم کبی قورقویوردی . تأثیر سفاقله بعضاً
 هر دولو حسیاتم زده او یله برانتباه وسرعت تفرس

پیدا اولور ایدی که شق شفه ایتیمکسزین بربر مزه
 یالکز برقاج باقیشله پک درین معنالی سوزلر
 افهام ایدرکنارنده طولاشدیغمز کردا بلرک عمقندن
 خبر ویرر ایدک . بو دفعه ینه او یله اولدی .
 بربر مزه قارشى فک دهان ایتدک . فقط پک
 چوق شی سویلدک . والده مک قارشوسنه کچوب
 او طور دم . آره مزده کی اودهشتلی کوزه پاندومیا سی
 دوام ایدیوردی . نظر لر مزک افادات سا کتیا
 نه سنده بعضاً دهشتلی شراره لر پیدا اولدقجه
 والدهم متانتنی غائب ایدوب باییلما مق ایچون
 استقامت نظرینی برقاج ثانیه قدر تبدیله مجبور
 اولیوردی . بعضاً ده بالا اضطرار بن ده اوکمه
 باقیور ایدم .

بو حال الیم ایچنده سکز اون دقیقه کچردک .
 صبری هنوز یوقاری به چیقمدی . بسببلی
 یچاره چوجق اوده نه حرکتده بولنه جغنی

تعمین ایله مشغولدی . کیم بیایر او آنده نه جا -
 نکذار تردد لر نه مدهش طفولانه ملاحظه لر
 ایچنده بولنیوردی ؟ برقاج دقیقه صوکره پات
 پات نردباندن چیقدیغنی ایشتنک . النده کی اوچ
 خیارله بر ' برطوپالایه طوپالایه او طه دن ایچری
 کیردی .

طوغریجه والده سنه توجیه خطابله بشوشانه
 برچهره ایله دیدی که :

— بقالدر ویرمسی به اوچ دانه خیار آلام .
 بردانه ییه لم البته آجلغه فائده سی واردر .
 « امان یالانمی میدانه چیقارمه » استرحامنی اشراب
 ایدر بر نظره کوزقویروغیلده بکا باقیوردی . بن
 بوسوزینی نه تکذیب ایتدم نه ده تسدیق ... ذاتاً بنم
 تکذیمده حاجت وارمیدی ؟ ایاغدن تحتلره
 بولاشان قانلر حقیقتی بر بلاغت مدهشه ایله
 اکلا دیوردی . کیفیتک بنی بوسبتون مایوس

ایدن جهتی چو جفک سر قته جتر آندن صو کره
 چهره سینه ساخته بر بشارت ویرمک ، والد سنی
 آلداتق ایچون موافق یالانلر اویدر مق کبی
 احوالده کوستردیکی مقدمه مهسارت ایدی ...
 اوکونه قدر قرداشمک تهذیب اخلاقه تعاق
 ایدن خصوصاتده هیج بر قصورینی نظر مسامحه
 ایله کچمز اک اوفاق اک معصومانه معایینی نظر
 محاکمه سی اوکنده خرده بینلر ایله بیولتوب تحلیل
 ایدرک کوزینه صوفغه اوغرا شیر ایکن اوساعتده
 سرقت کبی بر فعل منحوسک درجه مذمتدن
 بحث ایده میوردیم . چونکه مسئله نیک تشریحنه
 کیرشمکدن اورکویوردیم قارنی ضوق ، صرتی
 یک بر چو جق حسن اخلاق خلافتده جراتلرده
 بولنورسه ولیلری اونی درجه قباحتنه کوره
 جزالاندره بیلیرلر ... فقط بن بوالاحیتی کنده ده
 کوره میوردیم . قارتنی طویوره مدیغمز بر چو جغه

قراردی . هر داری دومان بورودی . اراق
 نه والده می نه قرداشمی کوره میور، برشی سچه -
 میورم ، یالکز برشی حس ایدیوردم که ...
 اوده صلاطه لق قوقوسی ایدی . بن اوپله نیم
 بهوش ایکن بر آرداق اولطف رایحه نک برونه
 یک یاقلاشدیغنی انی متعاقباً دوداقلر مه صغوق
 صغوق برشیک تماس ایلدیکنی حس ایتدم ...
 کلیاً غیر ارادی بر حالده اغزم آچلدی .
 کندی طوپلامه یه اوغراشدم ... صبرینک :
 — آبلانیم یوتغونه یوتغونه بابیلور کی
 اولیورسک ... شونی یه !

دیه اغزیمه بر دلم صلاطه لق طقیشدیردیغنی
 کوردم . اغزیمه کیرن اولقمه یی یوتوب یوتامنی
 دوشونمکه وقت اولدن معدم شدتله جذب
 و بلع ایلدی .

عین حال والده مه ده واقع اولدی . صبری ثمره

سرقتی بزه یدردی . قرداشم بوکی افعـال
جنائیه ده هنوز قانونک بعض مرتبه مساحتنه
حق اولان بر چوجقدی . یا بزم ایچون هانکی
اسباب تخفیفیه واردی؟ او چالدرسه بزده یدک...
هم یدی کمزشی او اغز مزه صوقیلان ایلک لقمه لردن
عبارت ده قالمدی . او برنجی پارچه لری یوتدقدن
صوکره «سرقه» کله سنک ارباب ناموس نظرنده کی
منفوری تی بزه خیلیدن خیلی قوتی غائب ایلمش اولمی
که او صلاطه لقلرده کی بقیه حصه مزی اکل ایتمکده ده
بر بآس کورمدک . آمان اللهم ! بیله بیله اخـلاقاً
بوسقوط مزه مده شدی ! مدینت انسانیه نک شو
ارض اوزرنده تأسسند نبری بتون علما و فضلائک
کو چولتمکه اورتمکه قایتمه یه اوغراشدیغی اوغرا-
شدیغی مقابر اخلاق بشریه اولان حفره لردن برینه
یووارلانیوردق . اوکونکی شدت جوع مزی
اوهرورق خیالر لایله تسکین ایتدک . بو آچاغمز

يازین ده دوام ایدرسه دیمکه صبرینک خیاردن
زیاده قارین طویورمغه یارار برشی چالوب
کتیر مسنه انتظار ایده جک ایدک .

صلاطه لقلری اکلمزدن صوکره نه قدر مدت
چکدی اوراسنی تعیین ایده میورم . دولابدن
یمک چالوب ده سرقتی میدانه چیقدیغی وقت
کندیسنه ایدیه جک معامله شیدیهدن خوفاً
برکناره بوزیلوب زیباران اوکدییسی کبی هپمز
بر طرفه قیوریلوب یانمشدق . والدم بردنبره
باشنی قالدردی . یوزینه باقدم . رنکنک پیدا
ایلمش اولدیغی صاریلقدن اورکدم . ایله بکا
لکن ویاخود تاس کبی برشی قوشدردمه می
بر حرکت سریعه ایله اشارت ایدیوردی . . .
دقت ایتدم کندنده غیان ، قدماتی پیدا
اولش بولندیغنی کورددم . برقاج دقیقه دنبری
اوله برحالی ذاتاً کندهدهده حس ایدیور

بدم . والده مه برطاس يتشدردم . اواستفراغه
 شارلر باشلامز . صبرى ايله بنده اوکا پرو
 ولدق ... ايکي کونلک آچلق اوزرينه خيسار
 نهك نتیجه سی شو صورتله ظهورايتدی . فقط
 ن اواره اق اچلانی طوقلانی دوشونمور ، بو حالک
 ر مجازات معنویه اولديغنه حکم ايديوردم .
 وچزك ده چهره سی صاری بالومی کسیدی .
 جودلر مز رعشه لر اچنده قالدی . شقاقلر مدن
 و شانان صغوق برتر حالت نزع اوجاغندن نشان
 يريوردی . اوچزده برر طرفه سرلك .
 ئيمسهك كيمسيه معاونه مجالی يوقدی .
 وایوردق ... حیات بزه استتقال ايديور فقط
 مضور رب العالمينه چيجه حق بوزده بر اقميوردی .
 بز اويله بين الحيات والمات ، عزرائل پنجه سنه
 مرض سينه ايدرکي بر حالده انين سفالتك صماخ
 شره هنوز کير مامش صون پرده لر نده ايکم ايکم

ایکڑ ایکن خانہ مزك قاپوسی اوکنده برکورتی
 پید اولدی . بو شمانیه قوامك مساعده سی
 درجه سنده قولاق قاپارتدم . بر چوق ارکک ،
 قادین صدالری قاریشق کلیوردی . سویلنلن
 سوزلره دقت ایتدم . . . عزرائلك امداد مزه
 هنوز نیچون شتاب ایتماش اولدیغنی اوزمان
 ا کلام . حیاتمك انواع مرارتی ایچنده هنوز
 طاتمديغمز برنوعی دهاقالمش . . . مکر ، اولمديکمز
 آیدن ده چاشنکیر تالم اولق ایچونمش ! . .
 ایشتدیکم سوزلر شونلردی .

برارکک صداسی — امام افندی ! بوخرسز
 اوغلانی آناسیله طاناسیله برابر محله دن چیقار-
 ملی . باغچه وانك بوستانده نه خیاری قالیورمش
 نه میوه سی . . . بوکون باغچیان اوپچک خرسز-
 لغنی کوزیله کورمش . ارته سندن طاش آتمش
 ینه انده کی خیارلری براقدرمامش . التی آیدن

یدر محله ده اوافق تفك سرقه تیر باش-لادی .
 نك بر چاره سنه باقلى افندم ...
 بر قادی ن صداسی — نصل اوافق تفك ؟ . .
 زون اسمانك قوصقوجه کرزه طاووغیله ،
 په جیلرک بیوک بر تنجره لری چالندى . . .
 کو-بك اوغلان شیطان کی هر دایکدن کیروب
 یقیور . بونلر براز ده-ا محله ده قالیر لرسه
 ون اولر من طام طاقیر اوله حق ... او اوغلان
 مزى صویوب صوغانه دوندره جك ... اسمانك
 وغنی چالوب آر په جیلرک تنجره سنده پیشیر -
 نلری اقشام بن قوقوسنی آلدیم . او کوزلم
 بوانی بر اعلا زیفئلند کدن صوکره او قوقونا
 بلی قیز او خرسز اوغلانله برابر (آی)
 تابنده بوستانه قارشى پنجره یه او طور وب
 نك ترکیسی سویلایلر . برابر اینجه لی قالنی
 م ایکی ساعت اولودیلر . بز طاووقاریمزی

بونلر اچسونغی بسایورز؟ بنم، چوجغمه بيله
 نینی سويله يه جك حالم يوق. يوره كم ازيم ازيم
 ازيايورده كندی مالم ايكن ينه برطاووق
 كسوبده ييه ميورم... (آواز آوازه حايقره رق)
 اغالر حالا يوزيمه نه باقيورسكنز؟ ... او ك قپوسنى
 چالكنزده شو اوغلانى طيشارى چيقارتكنز...
 سز اونكلن بزده اچريده كي محله مرضى قاري لرلن
 قوزمزي پاي ايده لم.

ديكر بر ارلك صداسى — اويله يا!... شريف
 آبالا پك طوغرى سويليور. بكجي هايدى
 قپوي چال. خرسز اوغلانى آلوب قره غولا
 كتوره لم. اوراده سويله ته لم.. بر سـنه اول
 قره بيكلكلرك ياپوسندن دولكلرك طاقلرى
 چانديدى بلكه اونلرده بونلردن چيقار.

اوى نملندن صارصارجه سنه بر شدتله قاپومز
 چالنه يه باشلادى. بز آچلغمزى، بايغلغمزى

اونو تدق... حتی اولوم بيله اوانئاده کی حیاتمزدن
 اورکدیککی ایچون بزى براقوب قاجدی .
 اوچزده دیمدک دیرلدک ... قاپونک اوکنده
 ارکک قادیندن مرکب محله لینگ بزہ
 قارشو اولان اتهامتنه پنجره دن جواب
 ویرمک ایجاب ایدیورمیدی ؟ سوقاق قاپوسنی
 آچقمی یوقسه آچامقمی لازم کلیوردی ؟
 ارتق اوراسنی محاکمه ایده بیله جک برحالمه
 دکلدک . قاپوی چالهرق اوی صارصمق دکل یا
 تملندن کوتورسهرینه نه حرکته ده بولنجغمزی
 تعیین ایده بیلیمک بزم ایچون ممکن دکلدی .
 صبرینگ بوسئتاندن چالدينی خیارلرک مدت
 سرقتی اوزرندن هنوز یارم ساعت مرور ایلما .
 مشکن محله ده برسنه مقدمدن بری وقوع بولان
 سرقتلرک جمله سی بزہ اسناد اولنیوردی .
 قاپونک چالغی برشدت متزاید ایله دوام

ایدیوردی . صبری شدتلی برایستمه نوبته
 طوتولش کی خوفدن چانیر چاتیر دیشلری
 بربرینه چاریه رق « آمان بنی بوحر بفله تسلیم
 ایتمیکز . توبه لر توبه سی . . . اچلقدن اولسه ک
 بیله بوندن صوکره برشی چالم » استرحامیله
 آناسنک اتکلرینه، انی براقوب بنم المه ایانمه
 صاریلیوردی .

اوغرا دیغمز شویکی بلایه قارشى نه حرکتده
 بوانه جغمزه دائر بز برقرار ویره مدک فقط قابونک
 اوکنده کی خلق کندى حرکتلرینه متعلق ایدن
 قراری پک چابق ویردی . قابو آچیلمیوب
 اودنده هیچ برسر صدا چیقمدیغنی کوردکلری
 کی برقاج قادین بردن :

— بونلرک زوربنه باق . . . سز قابوی
 آچازسه کز ارقدده کی ییقق باغچه دیواری نه
 کونه طور یور؟ صانکه بزاورادن کره مز می یز؟

اوازەلر يە ديواردن اتلاديلار. اوك مرديونن
مانيلر سويلهرك چيقيورلردى. اوطايە كيروب ده
بزم حالمزى كوردكاري زمان ايچـلرندن مور
يلديرملى بريسي :

— بو حال نه قاريلار؟ قولرايه مى اوغرا ديكز؟
ديه باغردى . ديكري پنجره يه قوشـوب
طيشاريدوكى خلقه خطاباً

— اوك ايچنى كورميكز ... يدكاري خيـارـ
لري هضم ايدە مامشار. تحف شى .. چالـدـقـلـرى
طاووقار معدەلرينه خوش كليورده خيـارـلـرى
اريتە ميورلر ...

سوزلرندن طوتدروب محله قاريلرينه مخصوص
اولان خارج آداب بيك درلو تعبيرات مستهزيانه
ايه خانه دروننده كي مشهوداتنى طيشاريدە كيلره
تعريفه باشلادى :

اوچنچيسى بكا يا قلا شەرق :

— هایدی کوچك خانم قالدق ...
 كومبدينى ارقهكه قوى ... ايپكلى چارشافكه
 بورون ... دانتلالى شمسىيهكى آج ... حاضر
 امام بكجى قاپويه كلشكن آناكى مزارينه .. خرسز
 قرداشكى حبسخانهيه ... سنى ده تربه باغچهسنة
 كتورهلم ... بكزك صرارمش برازهوا آل . بر
 ايكى مانى ديكه . ايچك اچلسون .

ديدى . موريلديرملى قارى بكا مسلط اولانه
 خطاباً ديدىكه :

— شمدى اونازللاج خانمى براق . شواوغلانى
 ياقهلا ... باقسهكه كوزلرى صانصار كې پار -
 لايور . المزدن قاچرى ويرسهك كيدر برقاج
 طاووق دها بوغار ... برايكى بوستان دها خراب
 ايدر ... بوخسته قارى يى كورميورميسك جان
 چكيشيور . ايكى اولادىنى بردن كتورير ايسهك
 صوكره بوزوالينك چكه سنى كيم باغلايه جق ؟ ..

بواخطاراك عقبنده اوج قارى بردن اوطنهك
 بر كوشه سنده زباني مكله سي ديكله ين براولو كي
 بي مجال ، حر كتنز قالمش بولنان صبرينك برر
 طرفندن يا قالا ديلر ... زواللي چو جقده آغلا-
 يوب حايقرمق مجالي دكل قدرت تكلم بيله
 قالمامشدي .

قر دشمي مر ديوندن آشاغي يه مانيلر ايله سو -
 روكلو ب كوتور ديلر :

فكرم امواج قضا آره سنده چالقانان دومنسر
 يلكنسنز بر كمى كي آفاقي ظلام اندر ظلام اولان
 بر عمان نوميدي ايچنده طولاشيور . توقف ممكن
 دكل ... سفينه روحى بيك پاره ايدم جك قيايه
 وياديار عدمه كوندره جك مدهش طالعيه تصادف
 ايدنجه يه قدر بو اضطرابات حيات ايچنده پويان
 اوله جنم ...

لطيفدن مكي تبوب كليور . فقط باشمزه درلو

بلالر کلیور . دونکی اوغرا دیغم فلاکتی ، قدر-
مدن کوردیکم اومدهش حقارتی بتون عصمت
نسوانیه می کویه بار تلهف ایتدکسزین نصل
قال و قلمه آلایم ؟ .. فقط بکانه ؟ .. بوندن
عقم ایچون بر شائبه ... نسوانیتمه برشین
ترتب ایدرسه بن نیچون شرمسار اولهیم ؟ قدرم
اوتانسون !

دون والدمه علاج ایچری رکن قاپو چالندی .
قوشوب آچدم . سیاه غرون چارشافلی اورته
یاشلی برقادین ایچری کیردی . غایت متبسم
برچهره و طباتلی برصدا ایله : « — خانم قیزم
قادینلق حالی بویا ! صیقشدم . بر قاپو چالماق
اقتضا ایلدی . اوکمه اک اول سزک قاپو تصادف
ایتدی . بش اون دقیقه ایچری کیرمه مساعده
ایدر ، آرادینغ یری بکا کوسترو میسکز ؟ »
دیددی . بویله بر احتیاجله قاپو چالان برقادینه

روی قبولدن باشقه نه کوستر یلیر ؟ ... قادینی
ایچری یه آلام . آرادینی محلی کندیسنه ارئه
ایتدم . اورایه کیررکن کوزلرینی سوزهرک
عجیب فقط مغالی بر نظرله یوزمه
باقدی . « — آه ! . . . یارادانه قربان اولهیم ..
قصورسز یراتمش ! » دیوب کیره جکی یره کیردی .
بر تمیز حاوی چیقاردم . قادینک چیقمه سنه
انتظاراً بش اون آدیم آچیقده المده حاوی ایله
آیاقده طوردم . . . او قادین او یله مغالی بر
نظرله یوزمه نیچون باقدی ؟ او سوزی نه یه
صرف ایتدی ؟ بویله قیلنی قیافتی دوز کون،
سوزی صحبتی یرنده بر قادینک بزم محله ده نه
ایشی واردی ؟ بنی بر دوشونمه آلدی . قدرک
بکا کو ستردیکی اک اوافق جلوه لرك ادنا
وسیله ایله رنجنه تحمل کتیرلمز مصائبه تحواندکی
استعداد سر یعنی بیلدیکم ایچون ایام حیاتمک

بهاره تصادف ایدن صباحلرنده چهره‌م، مشامه
 اذواق جنتندن بوی صفا کتیرن نسیمک نوازشنه
 اوغرا دینی زمانلرده بيله بونی سوق جریانسه
 طوتيله جغم بر صرصر شیدیک مقدمه اغفالی ظن
 ایدرم . کیم بیلیر بلکهینه آلدانیوردم ؟ بلکه
 او قادینک باقیشنده بر سوءنیت ... صرف ایتدیکی
 سوزلرده تفسیر ایتک ایستدیکم صورت معنا
 یوقدی . احتمالکه بزم اوه کیریشی بیان
 ایتدیکی سبیدن خارج بر فکرله وقوع
 بولامشدی ... قادین طیشاری چیقنجهیه قدر
 ذهنمدن بوراده تصریح ایدهمیه حکم یکدیگرینه
 مبین بیک درلو فکرلر کلوب کچدی . قاپو
 آچلدی . قادین چیقیوردی . بن ده اولانجه
 قدرت تدقیقه‌مله یوزینه، اطوارینه، سوزلرینه
 دقت ایتکه حاضر لاندیم ... نهایت چیقدی .
 وجهنده سنيله متناسب دوشمه‌یه جک شوخانه

بر تبسم و ارادی. کراتله بادانه اوستنه بادانا سوریلن
 قاغشامش پورتوکلنمش بر دیوار کبی سینه لرله
 دوزکون سونکرینه یالاتلمش اولان اوسیماده کی
 قاتمرلرک آره سنده آتشی بر حیات سفیهانه نک
 بتون متاعی کیزلنمش، بتون فضائل نسوانیه نک
 ینه اوسونکرله اوچهره دن سیلنمش اولدیغنی
 کوردوم. کوز اوچلرنده اغزینسک اطرافنده
 پیدا اولمش بولنان خطوطی، اوحیات گذشته -
 سنده کی اوریاطلاسون عالمارینک برر شعر رذائلی
 اوقور کبی برربرر اوقودم. درحال آکلادمکه
 بوقادین اولدن مال ایکن حسب السن شمدی دلال
 اولمش ... بوتفرسم اوزرینه «آمان آلله م سن
 بزی محافظه بیور ... بشریتک بوچرکاب رذائلی
 فصل اولمش ده بزم او مزدن جریانه بر مجرا آریور؛»
 دیدم. حولی المده بولندیغنی ایچون تبدیل
 معامله یه امکان قالمامشدی. شاشیردم. خاطر

نوازلقله مألوفتم حسـبـیلـه بر سوق طـبیـعی بنـی
لوازم نزا کتی ایـفـایـه سوق ایتدی. کوتوردم
حولی بی الـه ویردم. الارینی بورا بورا سیلدکن
صکره حولی بی بورننه کوتوروب بایغین بایغین
قو قلا یه رق دیدی که :

— اوح! .. اوح! .. کنجـلـک قو قیور ..
طراوت قو قیور ... بونه صبر شکن رایحه ؟ ..
یاوروم بو حولی بی سینه کده می قوروتدک ؟
طوتدردینی شو مقدمه دن سوزی نره
کتیره جکـنی اکلا دیغمـدن پر خلـجان کسـلـدم
جوابه قدرتم قالمدی . بنم بو سـکـوتـمی ایتدی
اوبی ادبانه التفاتلرک حسن تأثیرندن متوا
بر محجوبیت اثری ظن ایدوب صداسنی اغزند
چیقان کله لرک عدد تواردی نسبـتـده طاتـیلـلا
شدیره رق دیدی که :

— چاتفین طورمه او یله ! .. والله ایچـ

باغینلقلر کلیور... ماشااه... چوق کوزل
 کوردوم. فقط سنک کی بویله بوقدر عقله ضرر
 ویرنه تصادف ایتماشدم... هله شوقاشلره باق...
 مبالغه سز بیک کیسه دکر... او آهو کوزلر
 ایکیدیک... یورکلره حنجرلر صوقان اوادلله
 ایسه بها بجهنمکن عاجزم... عجبا بهای حسنم
 او قدره چیهارمی؟ دیه هیچ مراق ایتمه...
 هله کندیکی برکره بازار رغبتیه چیقار... اول
 مزاد بیک لیرادن باشلامزسه بکاده فتان راضیه
 نیمسونلر... نازلیم المدن نه مالار کچدی؟...
 ن پاره ایده جک متاعی یکنظرده اکلارم.
 سنک خلقه مالاک اولدیغک خزیننه حسنک یاننده
 سیغورطه لی خانلر، قبه لی حماملر قاج پاره ایدر؟
 الله برباقیشکی بک اوغلنک بتون ارادلرینه
 کیشمم!... هله سن شویله بنم آرقه مه بردوشده
 چارشو ایچنه... شیق برقویه ایله شیشلی یه کاغد

خانه یه طوغری چیقالم ! ... هی ده هی !. اکر
 بتون میراث یدیلرک کو کلنی سودایه کیسه لرینی
 یغمایه ویرمزایسه ک یوزمه تو دیه تو کور ...
 بر نکاهکه بیک اسیر بولنور . هرتار زلفک
 بر عاشقه کمند اولور . یا ! نازلم ! ... بو کوزلاکک
 محفظه ایچنده محبوس طوران پیرلانغله لره
 بکزیور . اونی آچیلی ... کو سترملی ...
 ایسته ینه دکر فیانیله تقدیم ایتلی ... سن
 سوزمی دیکه ده باق نه قسدر بکلره تاج سر
 اولورسک . . . بواوده بویله بیک دولو محنت
 ایچنده قاپالی اوطوره اوطوره حالک نه اوله جق؟
 کنجاکمده پاکدامنلکی بر معرفت ظن ایدرک
 بن ده بویله سنک کی اوتانیر صیقیردم . کوکل
 بازارگاهنه پک کچ چیقدم . یا بویله بنم سسکا
 دنیایی قونییه یی اکلان دیغم کی بکا ایشی آکلان،
 اوکومه دوشن، یول کو سترن اولمدی، هپسنی

یواش یواش کندی عقله جغم ایله بولدم... بولدم اما
نیله یهیم؟.. پک کج قالمشم... آل سودا ویر سودا
دیر کن عمرمک ایکندی اذانی اوقونی ویردی.
اولی سووموکی آتمدیغم حریفلره شهمدی
اشتیاقی افهام ایچون کوز سوزیورم . نظر
رغبتلرینی درلو ناز و نیازلر ایله جلبه اوغرا-
شیورم ده کورمه مز لکدن کلاما مز لقدن کله رک :
« واه ! واه ! راضیه پک یورلمشسک ...
کوزلرک بلهره قالمش... شقه دکل ... یاشک ایکی
اوتوزه واریور ... » دیورلر ... اوسوزدیکم
کوزلری اختیارلق بایغسلغی ظن ایدیورلر...
انسان قوچایور اما کوکل قوچامیور قیزم ...
شو حاملله ینه پک چوق کنجیلری جیمدن
چیقاریرم یا ! .. الا آن کوزلرمک درد آغنی چکن
پک چوق افتاده لرم وار... وارا ما هپسی ده کهنه
زنیاره ... کوکل او یله لرینه تنزل ایتیور یوقسه ...

باران ملعت کبی چهره عصمته قارشی یاغان
 بوسوزلرک هر بری زهر کین برر اوق اولمش ده
 معنویت نسوانیه مه اوکولمز رخنه لر آچیور
 ظن ایتدم . قاری بی آندن زیاده دیکله مکه نحمبا
 قالمدی . فقط شدت یأس و حجابمدن ایکی چکه
 بر برینه کیلیدلنمشدی . قارینک اوزرینه یوریوب
 تپه له مک ، پک چوق شی سویلمک ایستدیه
 حالده بونلرک برینه مقتدر اوله میوب یالکز
 — خانم یا کلش کلش سکز ... آرادینک
 بن دکم ... هایدی طور میکز اومدن چیقکز
 دیه بیلدم .

قاری اوکروه نسوانه مخصوص اولان شیللقه
 بر قهقهه صالیو یردکدن صوکره کوزلری
 کوزلر مک ایچنه دیکوب دیدی که :
 — بکا ای باق قیزم ... فتان راضیه حرکت
 خطا ایتمز ... سکر آیدر بن سنک تدقیق احوال

مشغولم ... سن هر درلو علم وهـ نرده يكتا
 « عفت » خانم دكليسك ؟ متوفى پدرك اسمى
 شاكر افندى دكلى ؟ اولوم درجه سنده خسته
 بر والدك يوقى ؟ .. دهاسنى ده سويله يه يمى ؟
 حال وقتكزده پك دوشكون ... اقشامدن صباحه
 همان ييه جككز يوق كې ... شمدي سويله باقم
 هپ بو ديدكلم يلانمى طوغريمى ؟ ..

ارتق باشم بوسبتون دوندى . اطرافه باقندم .
 ومزك آرقه جهتنده بولنان بوستاندن بزم صفه نك
 نجره سى اوكنه فصوليه صريقلرى طيامشله ،
 هال آنلردن برينى چكوب ايچرى يه آلهرق آنكله
 نارينك اوزرينه يوريوب :

— سن بو اودن چيقه جقميسك ؟ .. يوقسه
 اشكى كوزكى ياره رق چيقاره يمى ؟ ..

ديدم . بونا كهانى حدتمدن قارى بردن بره
 آفاللادى . فقط ينه در حال كندينى طوپلايه رق

مردیونی ایکیشر اوچر باصده مق آتلامه ایله
 اینوب کندینی او آتسنه طار آتدی . بن آرتق
 کندیسینی تعقیبه لزوم کورمیوب مردیون باشنده
 طوردم . چارشافنی فلان دوزلتدکن صوکره
 بر النی سوقاق قپوسنک زنبیره کی اوزدینه آتوب
 آشاغیدن لابلایانه بر صدا ایله بکا دیدی که :

— قباحث بنده اولدی . بردن بره پک
 آچیلدم اوبایغین کوزلری کورر کورمن
 صبر واحتیاطه بحالم قالمدی . فقط مراقایتمه . . .
 سنک کبی اهل پرده نرک چوغنی کوردم . او یله
 حدته نه لزوم وار یاورم ! . . . بن بورایه کندی
 حسابمه کلدیم بنی « نرمی » بک کوندردی .
 « نرمی » بی بیلدک یا ؟ کچن سنه کوک صوده
 اویورک یاقیجی کوزلرکی سوزه سوزه مجنونه
 چویرمش اولدیغک نرمی بی ؟ .. آتش سودا کدن
 بی چاره اوغلان تابصباح یاندم اه دیه باغرییور .

ایلاک اولادی چایر چایر یانیور... سنک کوزل کوزلرک
 وارسه اونک ده قاصه طولوسی لیراسی وار...
 هپسنی سنک اوغوریکه صرف ایتک ایچسون
 سندن اوفاق برخبر بکلیور... قوناق...
 کوشک... یالی... آت... آراهه... سورو
 ایله اوشاق جاریه... حاصلی هر درلودبدبه برامریکه
 باقیور... قورولودوزن بردائره یه کیده جکسک.
 بوکون یانمده الی لیرا « قاپوره » وار...
 (انتاریسنک یان جینی شقیر شقیر دوکدرک)
 اشته پاره لر بوراده طورییور... بر اوفاق
 موافقت اوزرینه سکا بوکون الیسنی ده براقه
 بیلیرم... بنی جلبه لزوم کوردیکک وقت...
 سوقاغننده کی بقاله بتیشیک اجزاجی یه راضیه خانم
 نامنه بر تذکره جک کوندر. او تذکره بنم یدیمه
 واصل اولور... هایدی شمدی الکن اوفصولیه
 صیریغنی براق ده سکا ویردیکم بو آنانصیحترینک

بیوکلکنی او کوزل قفا کله اوزون بویلی بردوشون
باقه لم ! ..

نه حالاره کیردیکمی تعریف ایدم. هنوزالمدن
براقماش اولدیغم صیریغی قارینک اوزرینه
تکرار حواله ایدرک :

— حنیز قالتاق حالا بوراده طور یورمیسک؟
دیه مردیوندن آشاغی یه آتیلدم. بویکنجی
هجوم اوزرینه قاری قاپوی آچوب سوقاغه
چیقارق باغره باغره :

— سن دوه جی بن خانجی ایکن البته سنی
برکون بزم دربنده دوشوریرم... کج اولسونده
کوج اولسون... سن او... سوقاغنده کی
اجزاجی یی اونوتمه... چونکه شوراسنی قطعاً
بیله که بوکون صوبا ایله قوغدیغک راضیه یی برکون
رجا و منتله دعوت ایتمه مجبور اوله جقسک...
فتسان راضیه سسنگ ظن ایتدیگک قدر جیک

برقادين دكلدر. فللك دكر متسده چوق اون
او كوتمشدر. قوغولنجه كيدر. چاغريلنجه كلير...
بوصوك سوزلر مه ابي دقت ايت... اكلادكي
اشيم؟ .. «آمان عفت! بونه حدت؟»

ديه دجال مركي كبي هر تلي بر هوا چالار
هر عضوي باشقه درلو رقص ايدرك چيقدي
كيتدي.

«نرمي!» .. بوپرستار هوا وهوس كيم؟ ..
اوبني بيليورمش... كچن سنه كوك صوده
كورمش... فقط بن آني هيچ طانييورم...
في الواقع كچن سنه كوك صوده بولندم. حرف
انداز كروهندن چوق اوباشه تصادف ايتدم.
بوده اوزمره لايفلچوندن بري اوله جق...
قاصه طولوسي ليراسي وارمش... الله كمدينه
باغشلاسون... كرانبه اي عصمه مي ليرالر ايله
وزن ايتك كبي برفكر سقيم شمدي يه قيدر

قطعاً خاطر و خیال دن بیله کچمدی . برپا کیزه نك
 سرا پرده عفتی قاصه طولوسی دكل، برقاج لیرا
 بلکهده برقاج غروشله چاك ایدلدیکی وقایع
 نادره دن دكسه ده دنیانك اولانجه زروسیمی
 بر آره یه جمع ایدلسه برقادینك او یله برلوثدن
 امکان تطهیری تصور اولنه بیلیرمی ؟ زواللی
 «نرمی» ! هر مخدره نك حریم عصمتته کیره بیلیمك
 ایچون لیرا شیقیر دیسنی کافیمی ظن ایدیورسك؟
 اوكك ایچون بر موفقیت، بلکهده امثالی میاننده
 بر معرفت صاییلان بو حرکتك برقادین ایچون
 الی الابد بر یوزقاره سی اولوب قاله جغنی بیله میه جك
 قدر بنی کجین بر قیزمی صانیورسك ؟... احتمالکه
 سنك «ناموس» کله سنك تعریف مجملنه بافق
 ایچون شمدی یه قدر بر لغات کتابی قارشدر مق
 بیله عقلکه کلامشدر . بن ایسه سرنامه اخلاق
 اولان بو کله پی تکمیل فصولیله او قودم . قدرک

بتون آلامنه محکوم، جوهر عفتدن باشقه مدار
 تسلیتی قالمامش اولان بر قیزک صوک امید حیاته
 تعرضه قالدشمنق کبی بر حرکتک نه بیوک بر
 دنائت اولدیغنی سکا تفصیلاً اثبات ایتک ایستردم
 اما بنم اغلایه رقصویله یه حکم سوزلری سنک قهقهه لرله
 دیکله یه جککی بیلدیکمدن چهره فلاکتک
 معصومیت قارشى زهر خنده سنی رؤیته ارتق
 تحملم قالدیغنی ایچون بوکا جسارت ایده مدم .
 محافظه عقم خصوصنی شو فلاکت ایچنده
 کندم ایچون بر سعادت عد ایدیورم . . . اوت
 بوکون بویله دوشونورم . اکر مرور زمان
 و تأثیر سفاکله قوه مدرکم خالدار اولور
 استعداد تفکرم دیکشیرده باشقه درلودوشونورسم
 اونی بیلیم !!

سیلاب بلا بوکوچوچک عائله مزى اوکنه

قاتدی کوتورییور. بریرده بزم ایچون استراحت.
 آرام قابل دکل. ایکی آیده بش محله بش خانہ
 دیکشدر دکل. هریردن برر بهانه ایله طرف
 اولنیورز. وجودمن حیاته کران کلیورس
 ارتق بزی نه سوروندیریور؟ اوچزده سول
 قرارگاهزی تمنی ایدیورز... بزی افنا ایتلا
 ایچون نصیبک قهروشدنده بوقدر التزام کلفه
 ایدیشی بیوده دکلیدر؟ بر بوجک اولدیرمه
 ایچون برییلدرم سقوطنه نه لزوم وار؟
 برنجی زیارتندن صوکره فتان راضیه او
 دفعه دها کلدی. بنی بولدی. شکارینی ایزند
 تعقیب ایدن برییلان کبی کلدی. صوقولدیغه
 دلیکاری بتون کشف ایتدی. نزهیه قاچدقه
 بوقارینک تعقیب بی آمانسندن قورتولمق ممک
 اولدی. فقط هیچ برکلیشنده قابوی آچدم
 بزی بولدیغی اولرک قاپولری اوکنده:

— نازلم عفت ! ... آچلقدن اولمکه هپکیز
 یینمی ایتدیکز ؟ کندیکه آجیمیور ایسهک او
 اختیار آنکه آجی ... او معصوم قرداشکه مرحمت
 ایت ... واه ایکی جیمده لیرا طولو ... آچ قپوی ...
 مقابلهده هیچ برشی طلب ایتماک اوزره سکا
 بر اعانه ، بر معاوفا انسانیه اوله رق بش
 اون لیرا براقیم ... زواللی « نرمی » نک کرم
 کبی دومانلی تپه سندن چیقیور ... او آتش سودا کدن
 کیده جک سن ده بوراده آچلقدن اوله جکسک ..
 برقاج جانه بردن اوله جق ... محافظه عفت ایچون
 آچلقدن اولمکی هانکی کتابده اوقودک ؟ عمر نده
 دریای سفالته طالماش بر آدم او بحر مهلکده
 اجرای سباحه ایچون عالمه نصل درس ویره
 بیلیر ؟ سن « نرمی » یی جاهل بر چوجقمی
 ظن ایدیورسک ؟ بولا قردیلری بکا اشته هپ
 او کرتدی ... اکر سوکیلی لطیفکی ازمیردن

عودت ایدر دییه بکلیور ایسهك نافله
 انتظار ایدیورسك ... قره خبرجیلکی ای
 دکلدر اما ... زواللی چوجنك قره حامدن
 کیده لی بوکون یکر می بش کون
 اولیور ... بوخبری پک ای یرندن طویدم ...
 اکر وفات ایتماش اوله ایدی بوکونه قدر سکا
 برمکتوب کوندر مز میدی ؟ سن عارف ظریف
 خانمك ... ینه بردوشون. بنی چاغرتیق ایچون
 مراجعت ایده جکك اجزاجینك سوقاغنی
 اونوتمدك یا ؟ ... اونوتمش ایسهك بردها سویله.
 یهیم * * سوقاغنده * * نومرولی دکان ...
 اکلادکی ؟ ایشته کیدیورم یاورم ..

دها بوناره مماثل بر چوق سوزلر سویلیوب
 یوزمی کورمکسزین کیدردی.

عجیا لطیفك وفاتی صحیحمی ؟ کتاب یختمدن
 اوکومه آچیلان بوصوک قره صحیفه بی تدقیقه

ارتاق هیچ مجالم یوق، لطیف ! .. زفافزایچون
 ترتیب ایده جکک « پیهس » ی طالع ناسازمن
 بزدن اولمی اوینادی ؟ بتون امللرمن هجران
 مؤبدہ می تحول ایتدی ؟ دنیاده برلشمک دکل
 آخرتده یان یانه ایکی مزارده یاتمق سعادت بیله
 بزم ایچون چوق کوزلدی .

لطیف ! .. آره مزده کی مسافه افتراق دنیا
 ایله آخرت بینی کبی نامتناهی برظلمتی پیدا
 ایتدی ؟ .. بنده کوزمی یومدیغم زمان جاذبه
 قانونی موجبنجه ابداد معلقه دروننده یکدیگریک
 وجودینی حس ایدن ایکی کره ای اوفغنسای
 ظلمت ایچنده بربرمزی جذب ایدوب برلشه .
 میه جکمی یز ؟ یوقسه دنیاده کی آخرتده ده
 هرامله حائل برقدروارمی ؟ سکا قرین اولنجیه
 قدر منویتک بنی ترک ایتسون ... بو عمر فانیک
 خود سرانه جلوه لرینه قارشی یک یالکز قالدیم .

حياتك هر درلو بار مشاقفه برابر تحمل ايدر
ايدك . آلامه اشترا كدن نيچون چكلكدك ؟

خيال لطيفك عالم بيداريدە كوروب كچيرديكم
رويالرده اطرافمده طولاشيور ...

ماديتك كي معنويتك ده نيچون بكا معين
اوليور ؟ فتان راضيه كي قاريلرك اومه دخولنه
نه به مانع اوليورسك ؟ . . اويله فتانلر اومه
كيرسه ده بنده اوياندرمق ايسته دكلري سودالر
كوكله كيره مز . چونكه اوراده ياللكز سن وارسك
دكللي لطيف ؟

حال مرضي كوندن كونه ازدياد بولان بر خسته
كي معيشتمز كسب وخامت ايدييور ... برروم
قاريسي اوافق تفك ال ايشلري كتيردي .
آلديغمز پاره ايله بلكه بر آي قدر دها اوليوب
سورونه بيليرز ... لطيفك والده سي هركون
كليور . النده قالان برقاق قرنتينك فروختندن

حاصل اولان پاره‌نك نصفی بزه کتیریور .
 اوغلنك وفاتندن کندیسنه بحث ایتکه جسارت
 ایده میورم . اوغلنی اجل کوتوردی . ایشتیکی
 سویلر سه‌م زواللی قادینی ده بن اولدرمش
 اولورم . . . سوداسی! کبی لطیفك اولومی ده
 یالکز بنم قلبمده محفوظ قالسون .

صبری برقاج دفعه قره‌غوله استنطاقه کتدی .
 چونکه خیار سرقتدن صوکره سابقه‌لی گروهی
 عدادینه کچدی . بولندیغمز محللك جوارنده
 هر نه زمان اوافق بر سرت وقوع بولسه کندیسندن
 شبهه ایدیلور . ارتق اواسکی محجوبیتی قالمدی .
 قره‌غولدن سنی چاغیریور لر دیندیکی زمان
 شمدی هیچ اورکمیور . آغلامیور . « طورك
 خر قه‌می کیه‌یم ده کلیورم » دیور . ارتق هیچ
 آجلقدن شکایت ایتدیکنی ده ایشتمیورم . غالبا
 خار جده قارتنی طوپورمه‌نك یوانی اوکرندی .

النده بعضاً بش اون پاره ده کوریورم . بونلری
 نره دن بولد یغنی صورمه یه قورقویورم . ییه جکمز
 بولم دینی آقشاملر معنالی معنالی نظرلر ایله یوزمه
 باقیور . بوباقیشلریله « بهی بدلالر نه آج
 طور ییورسکز ؟ بکا مساعده ایتسه کز هر آقشام
 سزه ییه جک کتیریرم » دیمک ایسته دیکنی اکلا یورم .
 یکن کون عارسز عارسز صیریته رق یانه
 یاقلاشدی . « آبالاجم ! طارلمیه جغکی بیلسم
 سکا برشی سویله یه جکم » دیدی . « نه در ؟ » دیدم .
 « هانی برکورکلی کنج افندی یوقی ؟ بعض بزم
 قاپونک اوکندن کچور ... اشته او .. بوکون
 بنی یانه چاغردی . سنک پک کوزل بر آبالاک
 وارمش ... » دیدی . دیمس نه وقت براقسادن
 چوجغک آغزینه طوقادی یاپشدردم .

هر حیوان هرنتات ایچنده یاشادینی هوا
 هوا وترابک احوال طبعیه سینه نظراً براستعداد

حیات پیدا ایدر . چو جقده باش کوستره
 بوامراض اخلاقینک پک طبیعی اولدیفنی بيلمکه
 برابرینه صوک درجده دلخون اولورم .

حیاتک اک مبرم اسباب لوازمندن محروماً
 بویله فصل یاشانیر ؟ .. بونک ایچون ایکی نتیجه
 طبیعیه واردر . برنجیسی قدرمزك بزم ایچون
 اراءه ایدوب طور دینفنی معیشت رذیلانه بی قبول
 ایتک ایکنجیسی ده اولمکدر . هم فصل اولمک ؟
 مدت احتضارینی انجق ضرورتک تعیین ایده بیله .
 جکی مدید بر اتحاری قبول ایتک ! .. بومدتک
 قسری ممکن دیکلی ؟ .. ممکن .. فقط بوی
 والده مه وبالخصوص حیاتک مبادیسنده بوانان
 قرداشم سبری یه قبول ایتدرمک بیوک برجنایت
 عداولتمزمی ؟ بوخصوصی اولره قبول ایتدرمک
 دکل حیا انجه ینمزده بولنان مربوطیت قویه یه
 مبی بونی کندی نفسم ایچون بیله قبولده مختار

دكلم ... حياتك اك آجي دملري اچنده بيله اميد
 خنده لري كوستره نه غريب آنلري وار ...
 اوچمز اچون قطعي برچاره خلاص يوقمى؟ ...
 نصل يوق! .. بردكل بيك چاره وار ... فقط
 بونلرك تجويزى اخلاقا مدهش برسقوط عداولنور ..
 او اويله عداولنور سه اوچ زوالينك بردن براتحار
 مديده تعمداً تسليم وجود ايلملري اخلاقاً
 اعتلامى صاييلور؟ .. بوايكي شقدن برينك
 اختيارنده كي اصابتى تدقيق خصوصنى اربابنه
 حواله ايدرم . اونى شو ساعتده محاكمه يه بنده
 قدرت تفكر يوق ... اشته ديوارده برقرىق
 آينه وار . باقيم ... فتان راضيه نك سوزى
 طوغرىمى؟ قاشلرم بيك كوزلرم ايكيبيك كيسه
 ايدرمى؟ .. عفتى آغلالتان قدر فحشى كولد .
 ررسه بله ايدر . نصيبك آغلته آغلته ايكي
 منبع خونابه چو يردىكي كوزلرمده كي بو آثار

حزنی بوبایغینلنی غمورلق ظن ایدیورلر ...
 سفالتک بورنک منعکسنی بوسونوکلکی تابش
 حسندن عد ایلورلر ...

آمان الله ! .. قاشمه کوزمه بها تقدیرایتمک
 کبی برفکر سقیم بکا نره دن کلیور ؟ .. نیچون
 بنی بویله دوشوندریورسک ؟ آلامی تخفیف
 ایچون بکا هر آن ناصحلق ایدن ملککر اطرفدن
 چکلدی ، شمدی بنی اغوا اضلال ایچون یانمده
 یالکز ابلیسمی قالدی ؟ بومسلطی باشمدن دفع
 ایت یارب ! ..

سفالت ! .. ونک سیاهکله بتون استقبالمی
 قرارتوب نظرمی تدهیش ایتمه ... ارتق چهره
 مظللمکه باقه جق متاتم قالدی ...

فحش ! ردات آلود بیک ونک امید ایچنده
 مستهزی مستهزی بکا کوله اوپله ! .. بویکی
 دهشتدن بردن تخلیص کریبان ایتمه نک بریولی

یوقی ؟ برندن قاچارکن دیکرینه طوتولق بنم
ایچون مقدرمی ؟

برهفته در کیجه لری اومز طاشلانیور . . .
غالبا قدرم روا کوردیکی جور و ظلمدن ارتق
یورولدی . سنک ستمارینی اوباش یدینه تودیع
ایتدی . مجروح برعفته ملتجا اولدیفی ایچون
بوچوروك اوی ده باشمزه می ییتما جقار ؟ دامنی
لوث فحشدن محافظه یه اوغراشد قجه نیچون
عالمک علیهمده کی کین و غرضی تزايد ایدیور ؟
صیاد قورشونندن خلاص جان ایچون
طوب اغزینی مامن ظنیه آشیانه اتخاذا
ایدن قوشلر کی عالمک دولو تیر طعنه دن فرار
قصیدیه محله دن محله یه تبدیل خانه ایلور زده
صانکه قورقدیغمز بلالردن مصونمی قالیورز ؟
بز بر محله یه نقل ایتمزدن اول سوء شهریمز
اوراسنی طولدیریور . نزه یه کیتسه ک بنم اسمم

«فاحشه» قیز! صبرینک آدی خرسزاوغلان...
عصمه حرمت یالکز قلبمده قالیور... عالم
بزی بشقه درلو طانیور.

بوصباح اومزك طوبراق حولیسنده کز نمکده
ایکن قاپونک آره لغندن ایجری به آتیلش غایت
مصنع برمکتوب ظرفی کورددم. هانکی دست خفی
بونی اورایه براقش ؟.. بنم ایچسون بر چوق
بالارک مصدر ظهوری اوله جغنه هیچ ش بههم
قالیمان او ظرفی رعشه ناک برال ایله یردن آلام.
ظرف آچیق قیرهم رنکنده ایدی. حقیقیدن
فرق ایدلیه جک درجه بر صورت مصنعه ده
ترتیب ایدلش غنجه لی یازاقلی بر چوق یایمه
بنفشه لر ظرفک او آچیق زمینی اوزرینه غایت
مهارتله یاپشدرلمشدی.

بزم برقاچ هفته اعاشه مزه کفایت ایده جک
برقیمته اولان او ظرفی المده برمدت اویردم

چو یردم . مظر و فنی او قومق سزین پارچه پارچه
ایدوب قاپودن طیشاری به فر لائق ایسته دم .
فقط بر چوق سینه لردنبری الم او قدر ظریف
او قدر شیق او قدر مصنع بر شیئه تماس ای تمام شدی .
کوزل شیلری پک سورم . المده کی ظرف حقیقه
انفس اعمالا تن ایدی . اونی پارچه پارچه ایتمک
بکا صنایع نفیسه و محاسن پرستلک نامنه بیوک
بر کفرانده بولنمق کبی کلدی . چیچک لری
قیروب بوز مقسزین غایت دقت واعتنا ایله
ظرفی آچدم . یالکز بنفشه دن طرح ایدلمش
بر روضه بهاره کیر مشم کبی اطرافمی بر رایحه لطیفه
ساردی . بنفشه قوقوسنه بابیلیرم . بو کوزل
رایحه نک مشامه و یردیکی سکر ، بتون اعصابده
حصوله کتیردیکی بر تأثیر مستی ، بکا ضرورتی
سفالتمی خسته والده می بد بخت قردش می حاصلی
ایچنیده بولندیغم حیات مضطربانه یی تکمیل

بوتدردی . بنی بر عالم دیگره نفسان ایتدی .
 لوزمك اوکنده یالیر کوشکر مزین صالونلر
 باشقی باغچهلر حاصلی آلایش ثروتک نظرلره
 کویستره بیله جکی خوارقک جمله سی بر خندا خند
 احتشام ایچنده دور ایتمکه باشلادی . برقاج
 زماندن بریدر رؤیاده بیله بوله مدیغ بوتحسسات
 مال پرورانه ایله سرمست خطوظ ایکن ظرفک
 پرونده کی کاغدی چیقاردم . قاتی آچدم .
 ونامه مطرا کاغد دکل صانکه بردمت چیچک
 ایدی . بر شکوفه زار آره سنه کیزلنمک ایسته یین
 سودا کی خوشبو بیک معنای خفی افهام ایدن
 سمع سقالتیه شعشعه ثروتک خیال نواز بیک
 ترانه اغفالنی اوقویان یازیلر اوکیزلی آهلی
 یاپراقلر غنجهلر آره سنه صوقولمش ... باقدم
 ظرفک ایچنده بوچیچکلی نامه دن باشقه کاغدلرده
 وار . آنلری ده چیقاردم ... برفطوغراف ایله

ارچ عدد یکر میشر لیرالق بانقه قائمسی ...
 چیققدی ... نامه یی برالمه، رسم ایله التمش لیرالق
 اوراق نقده یی دیگر المه آلام . مردیونک آلت
 باصمغه او طوردم . تکمیل وجودمی صغوق
 برتر ایله برابر شدید بررعه استیلا ایتدی .
 بتون طمارلرمدن جانم چکیلیور ظن ایتدم ..
 حالت نزعہ کلن برخسته حالی آلام . فقط
 هیات! .. او آندہ بنی ترک ایدن روحم دکلدی .
 عفت ... عصمت ... ناموس کی نسوانیتک
 اک کزیده خصائل ارتق بکا وداع ایدیوردی .
 او آندہ کی حالم بر حال احتضار ایدی . فقط
 ماده دکل معنأ اولیوردم . بر آره لق عقله
 لعلیف کلدی . بومزار مظلومی ماضینک اک فرق
 اولمز نسیان مؤبدندہ براتق ایچون همان المده
 کی فطوغرافیا یه باقغه باشلادم . . . اومقوه
 پارچہ سی اوزرندہ کی چهرہ ... کنج کوزل

برسېا ... يکرمی بش یاشلرنده قدر شيق بر
 دليقانی ... یالکیز ثروتک ویره بیلدیکی کستاخانه
 بر نظر ... جرأتکارانه بر استهزا ایله بکا
 کولیوردی. او جلری قالقق سیوردی اوکو چو جک
 بیقلر ... کوکلمی هوا پرستانه بیک دولو
 حسیات ایله غیچیقلا دی . اینجه جک دوداقلرک
 آره سنده اوزانان برازیو جکه بر اغز بکا
 حسابسز مواعد سودا پرووانده بولنیوردی .
 عجب او عاشقانه کوزلر نیم ایچون حقیقه آغلادی ...
 اوسو و ملی اغز او کونه قدر کوسه تردیکم غنف
 وشدته قارشى تظلملرده بولنسدیمی ؟ مکتوبک
 هیچ بر طرفی او قومقسزین یالکیز امضایه باقوب
 صاحب تصویریک « نرمی » اولدیغنی کوردیم .
 ذاتاً ظرفی المله الیر آلمز بونک آندن کلدیکنی حس
 ایتشدم ... رسمی کراتله نظر تدقیقدن کچیردم .
 « نرمی » هم بکا استهزا ایله کویورهمده آغلایور

کبی کورینیوردی . بوایی ضد حاک بر چهره ده
اجتماعی قابل اوله میه جغنه مبنی بنم آنی او یله
کوریشمک او آنده کی تشوش حسیانمدن ایاری
کلمه بر حال اولدیغنه شبهه یو قدر .

اعضای وجود بشر ایچنده « فیزولوژیست » لرك
مشر حرك تدقیق امراضنده اك زیاده مشكلاته
اوغرا دقلری بر عضو وار ایسه اوده قادین
قلیدر . کو کلمه سودامده هر حال وقت اعتمده
وهلة حصوله کلن بو تبدلک « پسیقولوژی »
نقطه نظرندن اولان اسبابی تمینندن کندمده
عاجزم ... لطیفی اونو تمق ایچون قلبمده بر عزم
قوی پیدا اولدی . « نرمی » یی هنوز سومیور
ایدم . فقط بنم ایچون راحت نرمی ترك ایله
اغلامش اواسی احتمالی درپیش ملاحظه ایلاکجه
کو کلمدن بودلی قانلی ایچون نهایتسز بر مرحت پیدا
اولیوردی . سومیوردم . آچیوردم . . . فقط

اویله ده دکل ... اک رقتپور قیلر بیله سومد -
 کارى شیلر حقنده پک کوچ مرحمت حس ایدر لر .
 بوکی نازک مسائل عاشقانه ده رحم و رقت محبتک
 شکل دیکری و بلیکده مقدمه ظهوریدر ...
 المده کی اوراق تقدیه ایله فطوغرافی قوینه
 سوقدم . عمر مده او مقدارده بر مبلغ قوینه
 کیردیکنی هیچ بیامیورم . نرمنک محبتندن
 اول ایرالری قلبی ایستمغه باشلادی . بولندیغمز
 ویران خانه نک کندیسی کوچک فقط باغچه سی
 واسعدی . باغچه نک اغاجلرله مستور برکوشه سنه
 چککدم . عمر مده والده مدن کتمه مجبور اولدیغم
 ایلاک حرکت فضیحه م اشته بوحر کتمدی .
 اطرافه باقدم اغاجلر دیوار لر بکا لغت او قویور لر
 ظن ایتدم . آنی برندا متله بتون وجودم
 صار صلدی . اوچیچکی نامه یینه او قوماق
 ایستدم . بانقه قائم لرخی ، رسمی بر ظرفه قویوب

« نرمی » یه کوندرمکی دوشوندم. فقط سینه لردن
 بری بنی زار وز بون ایدن سـفـالـت اولانجه
 ظلام مدهشه سیله بصیرتمی پرده دار ایلدی ...
 قلبمده ناقابل تعریف برچارپندی پیدا اولدی.
 تسکین خاجان ایچون نامه یی قوقلادم. اورایحه
 بنی بتون بتون بایسلتدی. اختیارمی کلیاً سلب
 ایتدی. برهوای شهـور بر اندازانهـك درلو
 نغماتیلله قولاقلم چین چین چینلامقده ایکن
 نامه یی قرائته باشلادم. شویله ابتداء ایدیوردی :
 « روحم عفت !... »

« سـکـا روحم دیشم عالمـلره معادل اولان
 « قیمت حسنکی دکر سنز حیاته بکـزتمک ،
 « سـنـک کبی برنادره خلقی قدر حقیقیسندن
 « او قدر دون کوسترمک ایچون دکلدر. توصیف
 « محبتم امرنده روح قدر بیان ابـدیت ایدن بر
 « کله بوله مدیغمـدن آنی استعماله مجبور اولدم.

« یوقسه روحك نظر مده کی قیمتی انجق سنك
 « آكا اضافهك ايله قائمدر. چونكه اوزوالای ده
 « تسکین ناله ایچون برروح ثانی یه محتاجدرکه
 « اوده سنك! ... »

« آه عفتجکم! .. دل ، بیمار عشقک اولهلی
 « صحائف محبتک الک خردسوز نکتہ لرندن تعلیم
 « معالی ایدہ ایدہ اولہ بر حال غریبہ دوشدی کہ
 « بتون اشیایی ذی مال سودا شکنندہ کورییور.
 « عالمده هرشی بکا فیض حسنکدن شعله باز
 « کورینورده آتش سیال کسین آہلرمدن
 « برشراره جک کوکلکه نیچون صچرامیور؟
 « یوقسه طبیعتک یاقوبده یانیمان بر نمونہ
 « اعجابی میسک! .. »

« نظرکده حیاتکم اهمیتسزلکنی بیلدیکم
 « ایچون سکا مقوه اوزرنده بیروح بر « نرمی »
 « کوندردم . اه عشقنه بندن اسیرکدیکک

« نظر تنزلی او کاغذ پارچه سندن اولسون دریغ
 « ایتمه ... مهجوریت التفات کله مزاره کیره جگنی
 « رعنا بیلن نرمی هر جور که راضیدر فقط یالکیز
 « شهید سودا که اولان اوزوالی جفا دیده کی آرد -
 « صره سکا اختاره وسیله اوله جق اورسمک
 « دست حقارتله مزبله یه آتلا یغنی ایسته من ...
 « عشقه حرمتک یوقسه باری کنج لکمه مرحت
 « ایت ... بنی بر موت محققدن قور تار مق ایچون
 « کله جگنی بیلسه م بتون ثروتمی چاقل طاش کی
 « قدوم وصله که فرش ایدردم . فقط بیلیرم
 « کلز سکا ... »

« حیانده رحم ایتمک باری وفاتمه اغلایه -
 « جغکه دائر برو عدده بولا که ده براز آسودکی
 « بال ایله اوله یم ... مزارمده برفاتحه او قومه کی
 « استرحاماً سکا برقاج غروش آرابه پاره سی
 « کوندردم . مدقمی او کر نمک ایستر ایسه کاونی

« کوکله صور... حقیقت افاداتمدن اشتباهك
 « وارسه بونی سكا زمان هم ده جزئی بر زمان
 « اثبات ایدم جکدر. فکرم عشقه تعالی ایتدجه
 « افاده سوزش ایچون کله لری يك قوتسز هان بی مال
 « بولیورم. بویله درین نقطه لرده سکوت بلاغتک
 « غایه تأثیری حائز صوک فسیلی عد او انور. »

محبزدهك

نرمی

نه طاتلی یالانار !.. بو عامیانه بویلاک سوزلر
 بی چاره قادینلری اغفال ایچون شمدی به قدر
 یوزیک کره یازاش واکثر احوالدهه تأیردن
 خالی قالمیشدر. اکر هر ارككك ایلک نظرده
 سودیکی قادینک درد عشقندن هلاک اولسی
 لازم کله ایدی دنیاده ارککمی قالیردی ؟ نرمی
 بی کنزینه روح ثانی عد ایدبیور، بنسز کیندنجه
 حیات قابل اوله میه جغنی یازیورده نیچون سوز.

لرنده شمه مشروعت یوق؟ نه دن نکاحدن ازدوا-
 جدن بحث ایتیمور؟ ادامه حیاتی انجق بکاملد کیته قابل
 اوله جقسه بومالکیتی نیچون اوله بر شکل موقته
 ارزو ایدیور؟ زیر پای تنزله صاحبدیغی ثروتی
 ایسه کیم بیلیر شمدی به قدر طالب وصالی
 اولوبده بویولده دعوت ایتدیکی نه قادی نلره
 چیکنه تیلیمش یاره لردر ..

مسئله نك بونقاط مهمه سنی تمامیه فارق اولدیغ
 حالده سفاالتدن بزکینلکم و بلکه ده قادی ناغم حسییه
 ینه بویالانار خوشه کیتدی . حاصل ایلا یکم
 بویالک مدهش فکر دن بلکه جایارم خوفیه
 هیچ برشی دوشونما که هیچ برجهتی اینجه محاکمه
 اتمام که قرار و یردم . بومدهش فکر نرمینک
 دعوتنه اجابتدی . ضرورت ایچنده عصمتله
 یاشار کن بکا فاحشه قیز نامنی و یردیلم . باقه لم
 فحشه ثروت ایچنده یاشار ایسه مکننده ناموسلی

خانم دیدیرته بیلیرمی یم ؟
 بودعوته اجابت اسبابی تهیه ایچون یاپیله جق
 برچوق شی واردی . اولا برکاغده ظرف
 بوله رق راضیه خانمه شو تذکره بی یازدم :

« راضیه خانم !

« ویردیمکز اوخیر خواهانه آنا نصیحتلرینک
 « درجهٔ اسبابی انجق بوکون قالین قفامه دانق
 « دیدی . تاریخ تذکره دن ایکی کون صوکره
 « تشریفکزه منتظریم . بو ایکی کونک مروری
 « لایددر . چونکه اوپله بردعوته اجابت ایچون
 « اجراسی لازم کلن تهیات اومدتن اول اتمام
 « ایدیله مز حین تشریفکزه آرا به دن
 « اینمکسزین بنی گوشه باشنده بکلیکز
 « والدهم سزی کوروب طانیسون . چونکه
 « خیلی زماندن بری نه کی برفکر فاسدله اومزک
 « اطرافنده طولاشدیفکزی بیلور . اودن

« بر ایکی کیجه لک غیبو بتم ایچون مناسب بریالان
 « اویدروب کندیسینی آلداته جغم . نرمی بکده
 « سلام سویلیکیز . بنی زیارت مدفنلرینه دعوت
 « ایتمشلر . فقط اشته بن ترجیحاً بر سحله
 « وصاله کلیورم . بوکاده او قدر تعجب ایتمسونلر .
 « چونکه بنم ایچون ایکیسی ده مزار دیمکدر .
 « بنجه یینلرنده کی فرق یالکیز برینک مقدم
 « دیکرینک مؤخر اولمسندن عبارتدر . »

عفت

شو ساعتده قدرمی بکا کولدرمک ایچونمی
 پدرم اسمی « عفت » قویمش ؟ او قدسییت
 معناده برکله بی فحش نامنه بویله برتذکره ناک
 زیرینه وضع ایدرکن کندی کندمه حجابمدن
 بتون وجودم آتش کسلدی . تراپچنده قالدم...
 نه ایسه... بونقطه لرده تعمیق محاکمه ایتمک
 ارتق ایشمه کلیوز !!

تذکرہ میں تحریر دن صوکرہ طوغری والدہ نک
 یانہ کیتدم۔ بیوک برطور مسرتلہ اللرینہ صارلدم۔
 قادیں شاشیردی۔ « قیزم نہ اولیورسک ؟ »
 دیدی۔ « نہ اولہ جغم ! اراتق سفالتدن قور تولدق۔
 سسکا مژدہ ویرمکہ کلدیم » دیدم۔ . . . والدہم
 بوسبتون شاشیردی۔ آلیق آلیق یوزمہ باقمہ
 باشلادی۔ . . زوالی قادینک او آلیقلاشمسندن
 بالاستفادہ همان دیدم کہ: « بیوک برپاشا قوناغندن
 شمدی بکا خبر کلدی۔ مقتدر برمریہ آرابورلر
 ایمش۔ . . بزى طسانیلردن بریسی کنیدیلرینہ
 بنی صاغلق ویرمش۔ . . شمدی براوشاق کلدی
 برتذکرہ براقدی۔ یالیلری قاکلیجہدہ ایمش۔
 بوکون بنی کورمک آرزوسندہ ایمشلر۔ . . او شاق
 بکا یالی بی تعریف ایتدی۔ مساعده ایدرایسہ کز
 آیلق وشرائط سائرہ بی قرارلاش دیرمق ایچون
 بوکون اورایہ کیدہ جکم۔ »

والدهم آه بی چاره صاف قالدین بنده کی نیت
 فاسده دن ذره قدر اشتباهه دوشمیدی . همان
 اوده بنم مسرتمه بالاشتراک : « اویله ایسه قیزم
 نه طور بیورسک ؟ غالباً اون اون ایکی غروش
 قدر پاره مز وار . اونی یول پاره سی باقمق ایچون
 یانکه آلدده هاییدی کیت » دیدی .

ذاتاً بنمده آرزو ایتدیکم اشته بو قدر حق بر
 مساعده ایدی . اله کونه قارشی چیقماق ایچون
 تمیزجه بر چارشافم واردی . اوکا بوروندم .
 راضیه یه یازدیغم تذکره یی بر قوینمه بانقه قائمه لرینی
 دیگر قوینمه صوقدم . والدهمک الی اوپوب همان
 قاپویی چیقدم . یوزیمه قالین برپچه قویمشدم . اونی
 سواقاقده صیم صیقی ایندیردم . اوکنار محله لرك
 بیتمز توکنمز ایصم سوز سوز قاقلرندن هاطبانه قوت
 بیک خلجان ایچنده قوش قوشمازمیسک ... نهایت
 جاده یی بولدیم . ایلمک تصادف ایتدیکم بوش

آرا به بی طور در درق ایچنه آتلادم ... آرا به جی به
 راضیه نك سویل دیکی * * سوقا غنده کی اجزا خانہ بی
 صاغات ویردم . یارم ساعت صو کره آرا به
 اجزا خانہ نك او کمنده طوردی . اجزا جینک
 چراغنی چاغرتدم . راضیه خانمہ کوندرلمسی
 تہیہ لہ تذکرہ بی ویردم .

آرا به جی بعدہ نرہ یه کیده جکمی صوردی .
 طوغری بک اوغلنه چک جکسک امرینی ویردم .
 تخمیناً اوچ چاریک صو کرده بک اوغلنه واصل
 اولدق . آرا به دن اینوب بر صرافہ قائمہ لک برینی
 بوزدردم . اولاً برکتاجی دکانسہ کیرہ رک
 او هفته کی موده غزتہ لرندن قاچ نوعنی توره
 بیلد مسہ هپسندن برنسخه آلدیم . ینہ آرا به یه
 کیردم . آرا به جی یه شیشلی یه طوغری چک دیدیم .
 آرا به شیشلی یولنده قطع مسافہ ایتمکده ایکن
 بن غزتہ لری برر برر تدقیق ایدرک کوردیکم

موده شکارندن الك زياده خوشمه كيدن برموده لی
 انتخاب ایتدم . بونك بچیلوب وجوده گلسی
 ایچون نه اكده وقاچ مترو قماش كیده جـكـنی
 عریض عمیق حساب ایتدكـدن صـوـكره یاری
 یوله آراهه جیه تکرار بك اوغلنه دونسی
 امرینی ویردم . حریف معنالی معنالی یوزمه باقوب
 برشیلر خور داندی . تقسیمه كنجه اوصوراتسز
 آراهه جیه حقنی ویروب صـاودم . دیگر بر
 آراهه بنـدم . بك اوغلنده خـیـلی مغازه
 طولاشدم . متروسی التي فرانقه «سوواغلاسه»
 دینکن قماشك قرهـم رنـكـنـدن البسهـك ایچون
 لزومی مقدارده آلام . «غارنیتور» اولق اوزره
 آله جغم ایپكلی قماشى دانتهلری هپ آچیق منكشه
 رنكنده انتخاب ایتدم . صوم ایپك غایت اغـر
 بر قماشدن دوز بیاض بر چار شافلق و بوكا «دوبلور»
 اولق ایچون ینه آچیق منكشه رنكنده انجه بر

بر جانفس بکندم . آياغمه بياض اسقار پينلر ،
 منکشه رنکنده ايپکلی چورابلر ، برقاج رنکندن
 يارم دوزينه الديوانلک ، اوچار شفته ، متناسب
 بياض ايپک دانتلادن برشمسيه ، مارقه لي ايپک
 بنديلار ... اک نامدار فابريقه لرک » اکستره دو
 ويیولت » لرندن ايکی اوچ شیشه ، برديکيش ماکنه سی
 توالت صولری حاصلی آلمش اولديغم دها برچوق شيلر
 اطرافده بريغين پاکت تشکيل ايتدی . آجلقدن
 اولمامک ايجون يوميه محتاج اولديغمز ايکی اوچ
 غروشی خيلي زماندر بوله مز بر حاله کاش
 ضرورتک پک آز کيمسه لرجه مجرب اولان
 اشکنجه لریله کولشه کولشه بی تاب و مجال قالمش
 ايکن او کونی بر کونلک زينت وسوسم ايجون
 قرق بش لیرادن زیاده پاره صرف ایتدم .
 آراهه ايله کج وقت اوه عودت ایتدم .
 والدم او پاکتلی کورونجه کمال تعجبله :

« بونلر نه در؟ نه اوله جق؟ » ديه سوردي.
 « کيتديکم يالیده هر حالمی بکنديلر. ايکی قيز
 چوجنی وار. بونلرک تربيه سی ایچون بکا ماهیه
 بش لیرا ویره جکلر. . . . والدہ جکم بر مدت
 سندن آریله جغمه چوق مایوس اولیورم اما
 سفاتدن قورتولمه من ایچون بو مربیه لکی
 قبولدن بشقه چاره وارمی؟ » دیدم. والدہم
 ینہ: « بو سوزلریکلک هپسی کوزل . . . فقط
 بو پاکتله نه اوله جق؟ » ديه ایلک سؤالی
 تکرار ایتدی . . . بن هر شیئک قبه سنی اولدن
 حاضر لامشدم. « ها! اونلرمی؟ . . . کیتديکم
 يالیده بر کوچک خانم وار. بوی بوس اندامجه
 طبق بکا بکزییور. بونلر آنک البسه لکری.
 کندي بدنمه کوره ییچوب دیکه جکم. بسبلی
 چیممی دیکیش خصوصنده کی مهارتمی ده کورمک
 ایستیورلر. نه تحف، نه شن تازه کورسهک

آنه ؟ .. بونلری دیک بیج ارقه که کی ده بورایه
 اوپله کل ... سنی پک سودم. کندمدن اول
 بو البسه یی سنک ارقه که کوره یم ... دیسه
 رجا ایتدی. باقسه که برده دیکیش ما کنه سی
 ویردیلر ... « دیدم. بو یالاتم اوزرینه والدم
 کولمکه باشلایوب : « آمان یارب دیاده نه دلی
 قاریلرده وار؟ » دیدی. افاداتمک سخندن نه
 ایتمک عقلنه بیله کلدی .

بو بش ایرا ایلایق خبری اوپله حسن تاثیر کوستر-
 دی که اومزک ایچنی نشئه قاپلادی. والدم
 ویرپله جک بورجلری حسابلامه یه، آله جق
 اکسیک کدیکلری دوشونمکه ، اوتوردیغمز
 اودن دها حالایجه برخانه یه طاشنمق چاره لرینی
 تفکره باشلادی .

بن ایکی کون ایکی کیجه هان متمادی
 چالیشه رق هرشیئی یچوب دیکوب اتمام ایتدم .

راضیه نك كلی ایچسون یازدیغم تذکره ده
 معین اولان کون ورود ایتدی . کینوب
 سوسانمك ایچسون قریق آینه نك قارشوسنه
 کچوبیده مرآت عیسمتک شکسته برکوشه سنده
 ایچنسه پویان اولمغه حاضر لاندیغم عالم رذائلک جبریحه
 لرینی سیر ایدرکی . کوزم کوزمه اصابت ایدنبه
 یوزلرجه پیلار دن مرکب برالکتریق بطاریه
 سیله وجودم تماسه کلش قدر برصاعقه لرزه
 هر طرفی سدتله صارصدی . کوزلرم قراردی .
 بن آینه یی غائب ایتدم . آینه بنی ... او آنده
 لطیف بویلی بویجه قارشمه دیکلدی ... کوزینی
 خون یأس برومشدی . چشمان تأثرندن یاش
 یرینسه قان آقیوردی . کوریوردیم . حزین
 فقط ایکنج برشیئه باقارکی برنظرله بنی تپه دن
 طرناغه قدر سوزدی . دوداقلری حرکت
 کلدی دیدی که :

— چركاڭك تو كوردىمىكە تەلپىرى قاپل اولە -
 ايدى تو كرومە آجىمەدن يوزىكە تو كوردىم !
 پىدوك وىرەش اولدىنى غەت نامى . . . بىم
 عشقى خستە و الەكك آمال مقدسەسى ، صبرىنك
 استقبانى ھانكى مەبلە فحش ايچنە كوممەكە
 كىدىيورسك ؟ . . بوجرات وذيلا نەك نان پارە
 تداوكى ايچونمىدو ؟ تەيشلىرى سكاكران كلن
 او ايكي زواللى يى اجرت عرضكە بىلىمك
 انلرە زەرە تەغدى ايتمەكن دھا آجى كلە جكنى
 بىلىمىيورمىسك ؟ نظر مطالعە كەن كچىردىكك
 بونجە كەتب جديە ايچندە حياتك ھىر نووع طوقان
 بالاسنە كو كس كرەب نەسلىرىنى ھىر كونا شوائب
 لوئەن محافىزە موفىق اولان بشرىتك بىوك
 قەھرىمانلىرىنى اوقومىسەكى ؟ آنلردن كوردىكك
 دىس امثال بومىدو ؟ مەككرك روى ارضە
 برتمال بشرىسى ظن ايتدىكەم ، وئىمە ايخترەم

خوفيله كوزلرمدن صاقدنيم وجهه دلاراكى
هانكى انظار لئيمه يه پيشكش چكه جكسك؟ كيده -
جكك یر بر بزمكه اغيار اوله جفته كاشكه بر مزار
اوله ایدی . آغوش فحش عفته پناه اولور می؟
يوقسه سنك كي عفت ملعونه ي قبولدن
طوپراق اجتنابی ایدیور؟

عفتك ایلروده محل مخصوصنده كوريله جك
بر مکتوبندن بانقه تحریری نالاش حیاتی بوراده
ختم بولیور . مابه مد وقوعاتی والده سندن
دیكله دم . دیكله دیکم کی قارئنه حکایه ایده جکم ...
زوالی قیز دعوت اولندیفی بزمگاه وصاله
کیتك اچمون یچوب دیکدیکی اثوابی اوکونی
کیمش سوسلنمش ... فقط پدش عزمنه چیقان
لطیفك خیالی قارشوسنده — دوزخده کندینه
بر مقرر سلامت ارارایکن بر فرشته ناصحه تصادف
ایتمش بر کنه اهاکار کی — بیلک حس ندامت

اچنڊه ٽيتره يه ٽيتره يه خسته لئمش ... اضطرابات
 حيانك صوك نالانكاهي اوله جق دوشكه اوكوني
 يامش ... قيد آلامى اچون اوساعتدن صوكره
 انه قلم الله مامش ... كنديني ذى حيات بردسته
 چيچكه بگزتمك اچون اوزنوب ديكديكي مائي
 دانتاللى ايبكلى اثوابي، اوسورونديكي عطرياتك
 روايحي اچنڊه بادسمومه اوغرامش بر دمت
 (منكشه) كبي سرپيلوب ياتدقدن صوكره :
 « آنه جكم اوشو يورم . يكي ديكديكم ايبكلى
 چارشافي اوزر مه اورتو كز » ديمش ... والده سي :
 « قيزم هيچ اينجه جك ايبكلى چارشاف انساني
 ايصيديرمي ؟ اوشويور ايسهك اوزرينه يورغان
 اورتيم ... » جوابي ويرمش ... عفت « خير ..
 خير ... اوني اورت ... دنيسانك نتشالريني
 اوزر مه ييغسه كز ينه او چارشاف قدر وجودمي
 ياقاز ... بنم كبي جهنم ملك برخسته يه اويلاه كفن

یاراشیر... رنکی بیاض... کورونشده ایپکدر
 اما او چارشاف آتشیدن منسوب جدر... یانه
 اوتورده سکا هپنی اکلایم... « دیمش...
 قیزی سیایقلا یور ظله بی چاره قادینک عقلی
 باشندن کیتمش یانه اوتورمش... عفت والده
 سنه بتون حقیقت احوالی یکان یکان حکایه
 ایتمش... بتون یالانلرینی بتون کناهلرینی اعتراف
 ایلمش... نتیجه افاداتی اوله رق دیمشکه :
 « بنی آلق اوزره شمندی بومحله یه راضیه خاتم
 کله جاک گوشه باشنده آراهه ایله بنی بکله یه جکدر.
 حوکه بر استرحام اوله رق سندن رجا ایدیورم والده.
 بیکم او قادینی بورایه یانه چاغ... کند یسنه سویله یه.
 جک برقاج سوزم وار... »

بو استرحامندن یارم ساعت قدر صوکره عفته
 شدتلی بر حرارت گلش... یانیورم دیه فریاده
 باشلامش... بدبخت والده نه یاپه جغنی نره دن

استمداد ایدہ جکفی شاشیرمش ! ... صبری
سوقاقدن کش . آنا اوغل بربرینه صارلشار
شمدی اوشویورم دیرکن شمدی یانیورم دیه
باغران اومزین خسته نیک قارشی بنده آغلامیه
باشلاشلر ...

او آرداق راضیه نیک آرابه سی گوشه باشندن
کورونمش . والدہ سی همان صبری یی قوشدروب
قادینی اوه جلب ایتمش . راضیه اوطاہدن
ایچری کیروبده اللرنده تن ونکنده کودہری
الیدیونلکری یانی باشندہ قوصقوجہ توپلی یاپا-
زہ سیلہ عفتہ نیک ایپکار تولار چیچکار ایچنہ
آرابہ سی بکار ایکن صاعقہ یہ اوغرامش برکلین
کبی فراش اینہ اوزانمش اولدینغنی کورنجہ
قیزک شو حالیلہ رغبتکارانی نظارندہ قاج بی-ک
کیسه آقچہ ایدہ جکفی تخمین جہتہ ارتق سوق
فیکر ایدہ میہ رک اودہ استغرابندن یارملہ اورولمشہ

دو نمش ... «یاورم نه اولدك؟» ديه قيزك بوينه
 صارمق ايسته مش فقط عفت نفر تله رد ايتمش ...
 راضيه بي قارشيسنه او تور تمش ... حرارت
 حاسني سوز لريله، ديكه ينلره سرايت ايتديره جك
 مرتبه آتئين بر افاده ايله ديمشكه

— خانم! اويله بر حال اضطراب ايچنده يمكه اك مظالم
 اك لرزه بخش چهره سيله اطرافنده طولاشوب ده
 هنوز يتاغمه ياقلاشمه يه استغنا كوسترن اولوم
 شوساعته كي حياتمدن بكا بيك قات روشنا
 كورينيور ... بونك بو استغناسي برمدتن بريدرو
 دوشد يكم ضلادن متولد ندامتي بكا اولانجه
 شدتيله چكدرمك ايچون برايكي كونلك برمساعده
 اولمي ... ياخودكه برقاج ساعتدر چكديكم
 شو جزا بني لوث معاصيدن تطهيره كفائيت
 ايدمه ديكي ايچون اولوم بندن ايكره نيور ...
 راضيه خام! .. بني ابي ديكليكر ! بتون عصيانمه

مناظره یه ... اولومله مواجهه یه کلدیکم ...
 پاک بر محبتله سودیکم لطیفک قارشیمده طولاشان
 کوسکون خیالیه باریشمه یه اوغراشدیغم شوساعت
 کبراده اغزمدن جیقه چق بعض آجی حقیقتلره
 کوجنامکزی رجا ایدرم ... کوریورسکزی یا ؟
 ندامت بنی نه حاله قویدی ... بن نه دن نادم ؟
 هانکی کناهمه تائیم ؟ آنی ده بیلورمیسکزی ...
 اوت آنی ده بیلیرسکزی ... چونکه رهبر
 ضلالتیم سز ایدیکز ... رهگذار فلاکتیمده
 سزه مصادف اولیه ایدم بوکونه قدر پک آجی
 کچن عمرم بانه بو قدر الیم بر نتیجه یه اقتران
 ایتمز بتون سعادت امیدلری بوکونکی کبی
 بویه بر آنده قابانی ویرمزدی . عمرنده کولین
 بر قیزی فصل اغلایه اغلایه اولدر دیککزی
 کوریورمیسکزی ؟ ... فقط تظالم سزدن
 دکلدر . سز بیلمه یه بیلمه یه قدرمه مساون

اولدیکز ... بن سزی عفو ایدیورم . جناب
حقك بحر مغفرتی بی کراندر . نزد باریده ده
مظاهر عفو اولمکزی ینه اول ذات اجل
واعلادن تضرع ایدرم . راضیه خانم ! ...
بوندن صوکره کی سوزلرمی دها بیوک بردقته
استماع ایتمکزی استرحام ایدرم ... بن هنوز
لوث دنیا به سورونماش بر با کر ملکیت شمیم ،
بروجود نضیفم ... فحشك هوای مفسدی
مادیمه دکل معنوبته براز طوقونمشدی ...
سز ایسه آلوده خیانت بر لوث مجسم سکز ...
سزه نسبتله ملک عد اولنسان بر قیزك اجرایی
تصور درجه منده قالان بر کناهدن طسولایی
بو قدر شدید ندادتاره بویله جانسوز جهنم
آشارینه دوشدیکنی کوریورسه کزده قلبه کزده
افاجق بر اثر ندامت پیدا اولمیورمی ؟ هنوز
سزك ایچون باب توبه مسدود اولدیغنی دوشو

نوبده بوکونه قدر ایچینده دور ایدوب
 طور دیغکز او عالم رذائلک یوزقاره لریدن تظاهر
 وجدان ایچون سجده آمانه قایانق هیچ عقلمکزه
 کلیورمی ؟ جدی برندات صمیمی برتوبه سزنی
 شوساعنده بتون معاصی مانیه کزدن خلاص
 وپاک ایدر .

راضیه اغلامیه باشلامش ... عفت ینیه
 سوزنده دوامله دیمشکه :

— اغلامیکز خانم ... بیک ارککه اشک اغفال
 دوکن او کوزلردن آقان یاشلرک باران لعنت کی
 بورالرہ دوکولدیکنی ایسته مم . سز بکا دکل بن
 سزه اغلاملی بم ... چونکه سزک حالکیزنم کیندن
 زیاده آجنمه یه شایاندر ، هیچ شیطان کریه سندن
 ملک تسلی طویارمی ؟

راضیه بر شدت بکا ایله دیمشکه :

— قیزم سکا دکل بن کندی عسینمه اغلیورم

سوزلرک هر بری اوق کبی یورکه ایشلدی .
 قرارمش قاجم انجلا بولدی . عمرمده بو قدر
 صمیمتله اغلادیغمی هیچ بیلیمورم .

عفت — خانم خالایالان سویایورسک...
 قرارمش قلبکز سوزلرمدن انجلا بواش اوله
 ایدی . ندامت، توبه، استغفار... کله لرینی تلفظه
 بو قدر تأخر ایدرمیدیکز؟ هائی یا آغز کزدن
 اوله برشی چیقمیور؟ .. او کلمات منجیه نک
 لسانکزدن صدورینی ایشتمه ایدم جناب حقه
 ایکمزی بردن عفو ایتدیکنه اشته اوزمان قناعت
 کامله حاصل ایدردم. بنی ایچنه دو شورمک
 ایستدیککز قلمز عصیانه قارشنی بن بر قاج
 خطوه آتدمده شممدی سزی دعوت ایتدیکم
 مغفرت رحماندن نیچون قاجینیورسکز؟ ..

راضیه — قیزم نه سویایه جکمی ... نه یه
 اوغرا دیغمی بیله میورم... بایله جغم... بر از

مساعده ایت ده بر ایکی نفس آلهیم ...
 دیه اغلایه اغلایه او طه دن طیشاری چی قمش .
 او زمان «عفت» یانی باشنده طوران والدہ سنے
 دیمشکه :

— والدہ جکم ... ارقه مده کی اثواب وجودی
 پک فنا یا قیور ... بو قدر جزایت شیر ... رجایا درم
 بنی صویکز ... هانیا ال امکله ال دیغم پنبه مها-
 جر بزندن بر یکی انتارم واردی . بکا اونی
 کیدرکز ...

والده سی قیزی او زینت مز خرفه دن او
 لباس ذنوبدن بالتجرید مهاجر بزندن انتاری بی
 کیدر مش . قیز او مردار زینندن قور تولد قدن
 صوکره :

— صبری اننه کاغد قلم آلسونده قارشومه
 او طورسون . استکتاب ایده جک بر قاج س-وزم
 وار دیمش . چو جق کاغد حقه قلم آلوب آبالاسنک

قارشو سنه دیز چو کمش ...

ینه کندی رجاسی اوزرینه عفتی والدہ سی یاندینی
 یردن قالدومش ... ارقہ سنہ بریاصدیق قویعشیر.
 قیز کوکلی کبی تارومار اولمش چوزوک سرمه
 ساچلری آرمسنده قالان چهره بیتابیلہ فراش
 اضارابی ایچنده اک حزین غروب لوجہ لرینه
 رشک آورلطافت اوله جق برمانم زوال کوسترد.
 عمر بد بختانه سنده کی بتون خلاصه آلامی
 قارشیکی دیوارده کوروب اوقومہ یه اوغراشیر
 کبی بایغین کوزلرینی برنقطه یه دیکوب لطیفه
 خطاباً آتیده کی وداعنامه یی، استکتابه باشلامش:

« ای انیس روحم لطیف! ..

« لانه آرامک نرسیدر؟ بو مجرم عشقکک

« فریاد ندامتی استماعدن مصونیت ایچونمی

« بی نام و نشان اولدک؟ برحیاتی یوقسه فارغ

« اندوه دنیا، عدن کزین قرب مولا میدک؟

« اکر مقام رفعتك او ایوان بقای بولایسه بنم
 « کبی کناهکار خاکیدرك اینن استمدادی سکا
 « قدر بیلمم فصل واصل اولور؟ بتون عصمت
 « نالاشی یاقان بوهرت ندامتله سندن استرحام
 « عفوہ بیله کندمده یوز کورده میورم. کنه
 « اولورکه کناهکارك استیمانه جراتی قلنز.
 « فقط اولوالعفو، رحم و صفح ایله بجزاسنی
 « تشدید مجرمی اوصصورتله تحقیر و تخویف
 « ایدر.»

« آرامزده کی مناسبیت محبت منقطع دکلر
 « لایف!.. کور میور میساک؟ کوکلم سنی کوکلمره
 « چیقاردی. عشقك بنی خالالدن قور تاردی...
 « بو حال بینمزده کی حسیات صمیمیه نك جریان
 « مؤبدینه بربرهان جلی دکلیدر؟ اکر آشیانك
 « کلشنم رای ابد اولدایسه بو پر عصیان عفتکه
 « دست امدادی اوزات... نسیاده کی کوکلی

« کبی آخرتده کی روحی ده سنسز ... کریان
 « قالسون ... اکر بر حیات ایسه ک خبر و فاتی
 « آلدیغ کونی بنم ایچون سسوین ... کندک
 « ایچون اغلا ... کوکلم محبتکه روحم دعا که
 « محتاجدر . عشر محرمده افقار دنک خونینه
 « کیردیکی زمان بنی ، بوشهیده قدری دوشون .
 « مغالم عمیق کیجه لرده دریانک تهلیله ، روز کارک
 « ایننه : سمانک کریهیه باشلادیغی ، بتون طیبتمک
 « پرلرزه چاک چاک ماتم اولدیغی اولیال مهیهده حیاتی
 « عشقمی ناله افتراقی تخطر ایت ... »

« زیارت قبرمه کل ... غموم حیاتمدن وسعود
 « بولمش کبی سر مزار مده نکهبانلق ایدن سروینک
 « سایه سکونتی التنده غریبانه یاتان عنفتکه
 « بر فاتحه اهدایت . مدقم بی سنک قاله جقدر .
 « دنیاده پامال انواع حقارات اولان بوزوالاینک
 « آخرتدهده چیکنه ندیکنی ایسه : من ایسه ک

اوزومه چندن برسدیر یاپ . رمادمدن . رنك
و حیات آله جق او پوشیده سبزینده مزارمدن
انكشاف ایده جك آمالی کور . . .

« تحسره اهتر از ایدن دودا قنرم جبین یا ککدن
» پوسه چین وداع اوله مدن صسولوب تراب
« اوله جق . خزان قبرمده کورینه جك ایلك
» چیچکدن سن بو پوسه یی دریغ ایتمه الوداع
» لطیف ! . . . »

عفت لطیفه خطاباً اولان استرحام عفوینی
وداع مؤلفی شو صورتله اتمام ایتدکن صوکره
کاغدی صبرینك الذدن آلوب امضا ایتمش . . .
انهای استکتابنده طیشاریدن عفتی دیکله یین
راضیه بر لرزش تأثیر ایچنده قالمش . او کونا هکار
قارینك قلب ژنکدارنده عمرنده ایلك دفعه بر
لمعه صفوت پیدا اولمش . او تأثیرله کلوب عفتك
آیاقلرینه قاپانه رق دیمشکه :

— بو گونه قدر نصل بر ايكرنج حیات
 اچنده ياشاديغمي شمدی حس ایتدم ... سنك
 لطیفه اولان محبتك كبی عشقك هیچ بویله بر شکل
 معصومانه سنی بيلمیوردم ... او سوزلر کدن
 کوکلم کوزم آچیلدی. بکا دلالت ایت یاوردم ...
 بتون کونا هلمر مه توبه ایدء جکم ... ندا متمك
 جدیدنه بو کوزیا شلمدن بیوک شاهد اوله مز ...
 راضیه نك بو سوزلرینه قارشى عفتك وجهنده
 ممنونیت تبسملری پیدا اولمش ... رهبر ضالانته
 قیز کندیسك بوصورتله هادی نجات اوله جغنی
 کورنجه سوينهرك ديشكه :

— اویله ایسه هایدی خانم، کیم بیلیر
 قاج ارککك لوٹ نظرينه عرض ایتدیكك او
 مردار اثوابکی آرقه کدن چیقار . والدوم سکا
 کندى دولابندن برتمیز انتاری ویرسون .
 اونی کی ... برابر ابدست آلهم ... ینه برابر

سجدء آمانه باش قویالم .

راضیه همان صویونمش عفتله برلکده ابدست
آلمشار ... ایکیلی ده سجادهیه دیز چوکمشار .
عفت بن نه دیر سه م سن ده آنی سویله تنیمندن
صوکره الارینی بازگاه احدیته قالدیرمش :

« یاغفور! یا ارحم الراحمین ! .. پر عصیان یوزی
قاره بوراضیه ... عفت مجرمه قولارک باب
عفوکه کندی ... » جمله سندن باشلایوب او قدر
مهیج مؤثر اوزون بر دعا او قومشکه راضیه
اغلامقدن بایلمق درجه لرینه ککش ... ختام
تضرعاتنده عفت جناب حقدن کنیدی ایچون
راحت بر اولوم ، والدوسنه قرداشنه صبر جزیل
راضیه آسوده پاک بر عمر طاب ایلمش ...

او کوندن صوکره قیزک حماسی بوسه بتون
آرتمش ... راضیه دو قورلر کتیرمش هیج
خسته نك باشی او جندن ایرلامش ... فقط

هیچ برنداوی کارکر اولماش . عفت شدید بر
 آتش هما ایچنده کلیا کنیدی غائب ایدوب
 لطیفه ... ندامتته ... مغفرت آهمن استمد دینه
 دائر یورکلر طیانیه حق بر صورت مؤثرده
 صایقلا دقجه راضیه قیزک باشی اوچنده صبا حله
 قدر ترک راحت نوم ایله اغلار ایمش ...

عفت برهفته یاتمش ... بر پنجشنبه اقشامی
 زوالی قیز حال احتضاره کلش ... مرغ روحک
 اوجسد مضطربی ترکه حاضر لاندینی ...
 اختلاجات موتیه نک اوجود نازینی خریالا -
 مغه باشلادیغی اودقیقه کبرا ورود ایتمش، بر
 چوق کیسه لری شور سودایه دوشورن نهایت
 مزاردده کنیدینه سربالین اولمقدن باشقه برشیئه
 یرامیان اوصاری صاچلری جین صافیه طالع طالع
 صاچلوبده ... آفاق ظلامده خیال متحسرنی
 آزار کی طاوانده بر نقطه یه دیکدیکی او الا

کوزلرک سوزيله رک نوری سونمکه . . . حیاته
 قرشی کوستردیکی او تبسم و داعک دوراقلرینی
 اهتزاره کتیرمکه . . . آلام قسدرندن صوک
 شکایتی ایدر کبی چکه آتمغه باشلادینی زمان
 باش اوچنده محتضری کیمه توحیدده دعوت ایدن
 دلیل هدایت راضیه اولمش . . .

بدبخت قیز راضیه نك توحیساتی والدہ و قر -
 دشتن فغان افتراقلری ایچنده بو عالم هستیدن
 دلگیر، کواکندن اورولاش شکسته بال برقوش کبی
 چیرپنه چیرپنه اوچش کیمش . . .

عفتک وفاتندن بش کون صوکره لطیفک
 مکتوبی، یکر می کون متعاقباده کندیمی کش .
 کندینی مالکراستانبوله دکل بلکه بو عالم حیاته
 ربط ایدن عفتی . . . او پرسته عشقنی او جمع
 آمانی آرامش زوالی به بر مزار کوستر مشار .
 راضیه او قدر اتقا پیدا ایلمشکه بتون اموالی

صاوب صاوه رق بونلردن حاصل اولان مبالغ ايله
 برچوق كتاب آلمش كسبنك موردني دكشدرومك
 اوزده او كتابلري تكرار صاوه رق او پاره لر ايله
 طلب مغفرت الله اچون حجازه كيتمش . . .
 «فتان راضيه» لقب فتنه جويانه سني «حاجه راضيه»
 ختم نامه باله كويل اهل تقوي برقه دين اولمش . . .
 بتون عمريني طاعاته حصوايتمش . . .

خاتمه

عفتك اوراق تاثيراتي او قويوب مابعد وقوعه ي،
 قيزك او عوت فجيحه سني والده سندن ديكله دكدن
 صوكره شدت تاثيرم او درجه يه ككدي كه بر
 ايكنجي دفعه كي فسر لنمكدن خوف اراتق نه
 مزارستانه نه ده او فلكنزده والده ي، كورمكه
 كيدم بيزدم . آرددن خيلي زمان . . . برسندن
 زياته بر مدت كچدي . . . ينه بر صوكره بهار
 ايدي . اوت . . . هپ دكزلرك درملرك بتون

کائناتک احزان سوداسنه برر آینه انعکاس
 اولوبده هر موجه سنده بیک لمعه رقت نمایان اولان
 او آهسته روان چرپن تیلرینه کوز یاشلرینی دعوت
 ایلدیکی، امید وفادن ترانه سودادن بیتاب قالان
 ضیورک کیزلنک ایچون برفرقزده کوکلی آراز
 کی، بویینی اکمش دالارک صرارمش یاپراقلرک
 آره سنده کسیک کسیک آهله اینلر ترنمی
 ایچون برر اختفاگاه تظمه کیردیکی، هر
 موجودک زوال محبت رنگنه بوروندیکی سیه بر
 خزان موسمیدی. بر قاج آرقداش «کجه صوی»،
 نامیه معروف اولان منبع حوارینده کی «کوچک
 کوی» ه کیدیور ایدک. آرا به من سور خارجه
 چیقوبده یشیلر کیمش درویشان کی وزان
 روز کار ایله بر حلقه تهلیل تشکیل ایدن اربلند
 سرورلر نه قارشی باش صاللاقلرینی کورونجه
 هب لو. انیس اموات سیوری کلاهی عصر دیده

اولولر هپ اوراده ...

وفیقم چهره سنی آصوب دیدی که : « برادر
برتارینچه مقابر یازمق نیتندمه میسک ؟ خوروب
ده هپ اوطاشلری نهیه اووقو یوردسک ؟ باقسه که
بکزک کول کبی اولدی . هایدی یوزی ، نره به
کیده جک ایسه ک کیده لم . »

یورودک . بتون لیسال تأثراته بر جهولانکاه
مظلم اولان اوبایردن آشاغی به ایندک . کوزلرم
سرولرک ، مزادطاشلری نیک اومسندمه لطیفی آرایو-
ردی . بلکه شمدی اورالردن بیردن چیقاردیو-
ردم ... فی الحقیقه لطیف بنه اوکمه چیقادی اما
بودفعه باشقه درلو چیقادی . قبر عفتک بولمادیغی عیله
کلدی . اوراده اوکمه بردکل اوچ مزار چیقادی .
اوچی ده طاشسز ... اوچی ده غریبانه ...
اوچینک ده ایچنده یاتانلرک بوسراستاندن مرور-
لری ... تاریخ حیاتلری ... ماضیلری استقبائلری

بتون هویتلری بر ریغین طو پراقه خلاصه ایدلش ..
 اورایه یقین سرولردن برینه طایمیش اختیار
 بر چوبان او طور ییوردی . سوروسی قارشیدمنده
 او تلیور کندیسیده او کنه یامیش اولدینی کیرلی
 بر برك ایچنده کی قوب قورو برا کمت پارچه سیله
 بیات برینیری کیره که اوغراشیوردی .

دنیا ده کی کریمه ملری کی اخر تده کی خاکستر لری ده
 بر برینه قاریشان بو اوچ بتیشیک مزاره باقوب
 باقوب ده غلادینغی چوبان کورنجه قاتی برلقه یی
 بوغولیور کی کوزلرینی آچه آچه معده سنه
 ایندر دکن صو کره بکا دیدی که :

— افندی بو اوچ مزاره حکایه سنی سن بیلیر .
 میسک؟ بک آجیق لیدر ... ایشته او کوزل قیز اورتیه .
 ده ... آنانی صاغده ... یوو قلیسی صولده یاتیور .
 بن — قیزک آنانی یه یوو قلیسی او زواللیار
 نه وقت وفات ایندی لیر ؟ ..

چوبان قاشلرینی چاتوب جزئی بر تفکر دن
صوکره :

— اختیار قالدین وقت ایدملی آلتی آی قدر
اولیور . اوندن بر یحق آی صوکره ده دلی قانی
کومدیلر ...

— قیزک بر ککوچک قرداشی واردی .
صبری ... او بیکس اوغلان عجبانه اولدی : ..
— اوفقییر اراغلان بر قاق آی اول مرکون
بورایه کیر طوپراقلره یانار آغلاردی . افندیگ
بریمی اونن حالسه آجیدی . کیلرک برینه
طائفه یازدیردی . شیمدی او بوراده یوق . . . کیتدی ...
چوبان الیه اوزاقلری ... دکنرک منی افقلرینی
کوستردی !

صوله









